















قوانین جدید کتبخانه سی

یک

# قانون مجازات

قانون جزا نك بعض ماده لرینی معدل اولق اوزره بوكره تنظيم اولنوب  
مجلس ملیجه قبول وتصدیق ایدیان و سرعیت احكامنه اراده سنیه شرف  
صادر اولان مواد ایله صورت مصححه ده تمکیل قانون جزایی واسباب  
موجبه لایحه لرینی و محررات سامیه دن باحث نوظلری وقوانین ونظاماتك  
اصول نشر واعلانی وعفو عمومی قانونلرینی حاوی در

محكمة تجارت اجرا معا اولنلندن **توفیق طاق** بك طرفندن جمع وتلفیق  
اولمشدر .

ناشری : اقبال کتبخانه سی

درسمات — شمس مطبعه سی — باب عالی قارشیدهنده نومرو ۴۳

۱۳۲۷ — ۱۳۳۰



شمس مطبعہ سی

باب عالی جادہ سندھ نمبر ۴۳

محمد امین

مفتی سید ق. حواجہ زادہ

MEHMED AMINE



## « نشر قوانین قانونی »

قوانین و نظاماتك اصول نشر و اعلانی حقه‌ده قانون

ماده ۱ — بر قانون و یا نظامك اجرای احكامنه اراده سنیة جناب پادشاهی متعلق و شرف صدور بیورلد قدده طاقمیله دیوان هایون مدیریته اعطا اولنور . اوراجه بعدالقیید در حال لزومی قدر صورتی چیتاریله رق زیر لرینه اراده سنیة تاریخی وضع ایله اصلنه مطابق اولدینی مدیر طرفندن تصدیق و امضا و رسمی مهریله تختم اولنه رق قانونك اجرا سنه مأمور اولان نظارتلره اعطا و اصلی اولبابده کی اراده سنیة و اوراق متفرعه سیله برابر عدلیه نظارتنه ارسال اولنور .

ماده ۲ — عدلیه نظارتنه ارسال اولنان قوانین و نظامات بلامهال تقویم وقایع ایله نشر و اعلان ایتدیرلد کدن و دستوره درج و علاوه سنه مقتضی معاملات ایفا اولندقدن صکره دیوان هایون قلمنه اعاده و اوراجه دخی معامله لازمه سی بالاکمال حفظ اولنمق اوزره خزینة اوراقه تسلیم اولنور . دستورك طغرای پادشاهی ایله موشح اوله حق هر جزوی اصلنه مطابقتی متضمن بر عباردینی و نهایتنده عدلیه ناظرینك امضا سیله نظارتك مهر رسمیسینی محتوی بولنه جقدر .

ماده ۳ — برنجی ماده موجهنجه دیوان هایون قلمندن

ویریلان نسخهٔ مصدقهٔ نك نظارت عائده سی طرفندن نسخ کافیه سی  
و عندالایجاب رساله شکلنده مطبوعه لر دوائر و ولایات و مستقل  
و ماحق الویه و قضالرد طوغریجه سوق و ارسال ایدیه جکدر .  
اورالرجه دخی بلاتاخیر دوائر و نواحی به توزیع و کرك ولایت  
غزته لر یله و کرك صور مناسبه و ممکنه سائر ایله اهالی به نشر  
و اعلان اولنه جقدر .

ماده ۴ — بر قانون و نظامك حکمی ایکنجی ماده موجبنجه  
تقویم وقایع ایله نشرندن صکره اولمق اوزره دروننده تصریح  
و تعیین اوله ان زماندن اعتباراً ممالك عثمانیه نك هر طرفنده  
مرعی الاجرا اولور . بروقت تعیین و تصریح اولنماش اولدینی  
تقدیرده تقویم وقایع ایله نشر اولدینی تاریخندن ( آلتش  
کون ) صکره ممالك عثمانیه نك هر طرفنده مرعی الاجرا در .

ماده ۵ — هیچ بر قانون و نظامك حکمی ماقبانه شامل  
اولماز . فقط محفف جزا اولان احوال بوقاعده دن مستثنا اولوب  
بونلرك احکامی ماقبانه دخی شاملدر .

ماده ۶ — بو قانونك حکمی اعلانی کوننك فرداسندن  
اعتباراً مرعی الاجرا اوله جقدر .

ماده ۷ — دستورك برنجی جلدنده محرر ۲۵ ربیع الآخر  
سنه ۱۲۸۹ تاریخی مواد عمومیه حکمی مفسوخدر .

ماده ۸ — اشبو قانونك اجرا سنه هیئت و کلا مأموردر .



مجلس اعیان و مبعوثانده قبول اولسان اشبو لایحه نك  
قانونیتی و قوانین دولته علاوه سنی اراده ایدرم .

۲ جمادی الآخره سنه ۱۳۲۹ و ۱۱ مایس سنه ۱۳۲۷

## محمد رشاد

صدر اعظم و تجارت	عدلیه ناظری و شورای
و نافعہ ناظری و کیلی	دولت رئیس
ابراہیم حق	نجم الدین
خارجیہ ناظری	داخلیہ ناظری
رفعت	خلیل
معارف ناظری	بحریہ ناظری
عبدالرحمن	محمود مختار
مالیہ ناظری	اورمان و معادن و زراعت ناظری
نائل	خیری
ماوروقورداتو	

## — لایحه لر —

نومرو ۱۵۷

مجلس مبعوثان ریاستی جانب عالیسنه

قانون جزانك بعض موادی مقامنه قائم اولمق اوزره عدلیه نظارت جایله سنجه تعدیلاً و ذیلاً تنظیم و تسیر اولنان لایحه قانونیه نك نسخه مصححه سی و اسباب موجب مضبطه سی و شورای دولتك مضبطه سی مجلس و كلا قرار یله لغاً صوب عالیترینه ارسال قلندی افندم .

۲۸ ربیع الآخر سنه ۱۳۲۸ و ۲۶ نیشان سنه ۳۲۶

صدراعظم

ابراهیم حق

قانون جزانك مواد معده سنه متعلق عدلیه نظارت جایله سنك اسباب موجب لایحه سیدر

اليوم ایادی محاکمه مرعی الاحکام اولان قانون جزانك هر وجهله ناقص و محتاج تعدیل و اصلاح اولدینی و ایجابات



عصریه ایلہ متناسب بر قانونه اشد احتیاج بولندیغی مستغنی  
ایضا حدر . آنجق بر قومك استعداد ترقیاتنه و حریت طبیعیه سنه  
موانع احداث ایتیمکمزین احتراصات نفسانیة بشریه بی تقید  
ایدرک بو استعدادك انبساطنه و حریتك حدود مشروعه  
دائرہ سنده سلامت محافظه سیله آسایش و امنیت عمومیه نك  
تأمیننه خادم بر قانون وجوده کتیرلمسی پك چوق تدقیقات  
و تتبعاته و درین مطالعات و تأملاته محتاج اولدیغی دخی انکار  
اولنه ماز .

واقعا قانون جزای حاضرک کلیاً و اساسی بر صورتده تبدیل  
و تجدیدی ایچون نظارت عاجز بجه صرف مساعیدن کری  
طورلما مش و از جمله بعض قوانین مکملہ جزائیهدن استفاده  
ایدیلهرک مستقل و باشلی بانسنه بر قانون لایحه سی دخی وجوده  
کتیرلمش ایسه ده لایحه مذکور دنک هر وجهله مکمل و احوال  
و احتیاجات ایلہ متوافق اولمسی ایچون پیـدرپی تدقیقات جدیه  
ایلہ اصلاحنه اهتمام ایدلمکده اولوب آنجق اکمالی زمانه متوقف  
اولدیغی کبی اکمال ابدیلوب ده مجلس عالی عمومی به تقدیم ایدلسه  
بیله بش یوز ماددی تجاوز ایتیمی محتمل و پك چوق مناقشات  
علمیه بی دعوت ایلمی طبیعی بولنان بویله مهم بر قانونك مجلس  
مبعوثان و اعیان هیئت محترمه سـنجه مذاکره و قبولی دخی  
سنه لره افتقار ایده جکی شبهه سزدر . حالبو که قانون حاضرک

نقصانی کوندن کونه کندیشنی اظهار و احساس ایدرک و وقوعه کلیمده اولان بر چوق جرائم جزاسز قالمقده و بوندن امنیت و آسایش مملکت متأثر اولمقده بولندیگی کبی فلسفه جزایه تعلق ایدن بعض قواعد عادلّه نظر به نک فقدانندن ناشی یا عدالّه استحقاق پیدا ایدیلان جزادن فضله مجازات حکم اولمق صورتیه حدود عدل و حقانیت تجاوز ایدلمکده و یا خود مجازات قانونیه نک خفتندن ناشی ارباب جرائم جرانیاب اوله رق حقوق عامه اخلاص اولمقده بردوامدر .

مارالذکر لایحه کمالیه اصلاح اوله رق مجلس عمومییه تقدیم ایدیلوبده بعد المناقشه شکل قانونی اکتساب ایدنجیه قدر احوال حاضره نک دوامی جائز اوله میه جغندن بوکا چاره ساز اوله حق بعض تدابیر اتخاذی اهم والزم کورلمش و بوندن طولانی قانون جزای حاضرک بعض موادینک تعدیل و اصلاحی و بعض موادینک طی و اخراجی و یا جزای مرتبه نک تشدید و بعض علاوه لر ترتیبی صورتیه شمدیلک احتیاجاتمه ممکن مرتبه موافق بر طرز قلمی مناسبت کورلمشدر .

تعدیلات و اصلاحات مذکوره قبول اولندیگی تقدیرده هم سکون و تأنی ایله مکمل بر قانون جزانک ترتیب و تنظیمه مساعد زمان الده ایدلمش ، همده بویه بر قانون وجود بولنجیه قدر اکثیر الوقوع افعال و جرائمه قارشی آسایش و امنیت



عامه بی محافظه کافله احکام و تدابیر و بعض کونا عدالت سزایکری  
رفع و ازاله یه خادم قواعد و دساتیر تاسیس قلنمش دیمک اولور .  
قانون مذکورک الک مهم نقصانلرندن بریمی قواعد عمومیه سنه  
عائد اولوب بوکامتعاق اولان بابک برنجی فصانده تکرر جرم مدن  
باحث بولنان سکزنجی ماده قانونیه اولبابده کی قواعد اساسیه  
و فرعیه بی غیر جامع اوله رق محاکمه درلو درلو تفسیراته میدان  
ویرلماک اوزره ماده مذکوره یه صراحت مقتضیه درج ایدلمش  
و تکرر اصولی یالکیز جنایت و جنحه لره حصر ایدیلهرک جنایتلرده  
تکرر مطلق و جنحه لرده ایسه تکرر مقید اصولی اوقشار  
قواعد وضع اولنمشدر . شویله که : فاعلک ، جرمده اصرار  
و دوامی و صلاحه عدم قابلیتینی اثبات ایچون کرک جنایتلرده  
و کرک جنحه لرده محکومیت قطعیة سابقه نک کافی اوله جنی تأمل  
ایدلمش و بناءً علیه حکم متقدمک کسب قطعیت ایدرک لازم  
الاجرا بر حاله کلمی شرطی تکررک رکن اولی اوله رق قبول  
ایدلمشدر .

آنچق محکومیت سابقه ایله تکررک رکن ثانیه اولان یکی  
جرم آرده سننده مرور ایدهرک زمان مدیدک مجرمه محکومیت  
سابقه سنی اونوتدیرمسی و زمان ایله ایلک محکومیتک تأثیری زائل  
اولسی بدیهی بولنسنه بناءً یکی جرمک ، محکوم علیه جزاسنی  
چکدکدن و یا جزا اسباب قانونیه دن بریله ساقط اولدقدن

صکره جنایتلرده اون و جنجهلرده بش سنه کچمکسزین ارتکاب  
ایدلمسی شرط قلمشدر .

اعتیاد جرمی جرائم آردسنده کی مشابهدن ایلری کلیوب،  
فاعلك اخلال قانونده کی اصرارندن نشات ایتمی ملاحظه سی  
جنایتلرده مطابقتك قبولی مانع کورلمش و جنجهلرده ایسه فاعلك  
بالنسبه اهمیتسزلکنه بناءً مطابقت و تکرر مقید اصولی قبول  
و شو قدر که بو اصول بر فقره مخصوصه ایله توسیع ایدیلهرک  
ساخته کارلق، سرقت، دولاندیر یجیللق، امنیتي سوء استعمال  
فاعلری عین جرم اعتبار ایدلمشدر .

جنایتلرده، بر کیمسه نك مجازات ترهیدیه ایله محکوم اولد-  
قدن صوکره مؤبد نفی جزاسنی مستلزم بر جرم ایقاع ایلمی  
حائنده تکرر سببیه بشرسنه قلعه بند قلمسی و موقت جزالرده  
فاعلك مستحق اوله جنی جزانك لدی الایجاب حد اعظمی بی  
تجاوز ایده بیلمك اوزره ایکی قات تعیین اولنمی و حتی اون بش  
سنه مدتك ایکی مثانه قدر واريله بیلمسی و مجازات مؤبدده ایسه  
جزانك بر درجه دن دیگر بر درجه به چیقارلمسی اساسلری  
بالقبول شو قدر که مؤبد کورکدن اعدامه چکیله بیلمك اوزره  
هر ایکی جرمك مستلزم اولدنی مجازاتك آنجق مؤبد کورک  
اولمی شرط قلمشدر .

اولجه بر جزای تادیبی ایله محکوم اولان کیمسه نك مؤخرأ

بر جنایت ایقاع ایلمی حالده محکومیت سابقه جزای تریبی بی  
ایکی قاته ابلاغه کافی بر اخطار عدلی جدی عد اولتمامش  
و بویله بر حال وقوعنده مؤخرأ ارتکاب اولنان جنایت ایچون  
قانوک عادیأ تعیین ایتدیکی جزانک تنکیله کافی اوله جنی ملاحظه  
سیله بوبابده آیریجه حکم ترتیندن صرف نظر اولمشدر .

جنجه لر تشدید جزا اعتباریله ایکی قسمه آیرلمشدر : برنجی  
قسمده رکن اول ، برکیمسه نک بر سنه دن زیاده حبسی مستلزم  
بر جرمدن طولای محکومیت سابقه . و رکن ثانی ، عین جنجه نک  
تکرر ایدلمی . عد و اعتبار اولمش و اولکی قسم حقنده لدی .  
الایجاب ایکی مثله ابلاغ اولمق شرطیله جزانک حد اعظمی  
وایکنجی قسمده ایسه اولکی جزا مدتک ایکی مثلندن آشاغی  
اولماق وایکنجی جزا مدتک ایکی مثانی تجاوز ایتمه مک شرطیله  
حبسه محکومیت صورتیله جزای تکرر تعیین ایدلمشدر .

برده : محکومیت متقدمه قطعیه نک بر عثمانلی محکمه سندن  
صدوری کافی اوله رق حکمک بر محکمه عمومیه ویا خصوصیه دن  
صدورنده بأس اولمدیغندن دیوان حرب طرفندن قوانین عادیه  
جزائییه موجبنجه مستلزم جزا بر جرم حقنده صدور ایدن  
حکمک تکرره اساس اوله بیللمسینه بناءً بوبابده صراحت  
مخصوصه درج ایدلمشدر .

جزای نقدی و استرداد اموال مسروقه و تضمینات و گذشته



و مصارف سائریه دائر اولان اعلاماتك حبس و تضییق ایله تنفیذ اولنه جغنی ضمن ایدن اون برنجی ماده احکامی جرمدن منبعث حقوق شخصیه حکماریله مصارف محاکمه و جزای نقدینك صورت تخصیصانه دائر دردنچی جلد دس-تورده مندرج اولان مواد قانونیه ایله ذاتاً مفسوخ اولوب تعدیلات حاضرده ده دخی جزای نقدینك حبسه صورت تحویلی حقننده احکام جدیده وضع ایدلمش اولدیغندن ماده مفسوخه مذکوره طی و اخراج اولنه رق آنك یرینه مصارف محاکمهك ایفای محکوم علیه عائد اولدیغنه و برجرمدن طولایی محکوم اولان اشخاص متعدده رد اموال و تضمینانده و مصارف محاکمهك ایفاسنده یکدیگرینه کفیل بولندقلرینه دائر اولان ۴۶ نجی ماده اقامه ایدلمش و آنجق جرائم مختلفه دن طولایی بر اعلام ایله محکوم اولان اشخاص متعددهك یکدیگره تکفلی یالکیز مشترکاً محکومیتی انتاج ایدن جرمنك مصارف محاکمه سنه عائد اولدینی یولنده بر فقردها علاوه اولمشدر . زیرا جرمنك نتایج قانونیه سنه قارشی فاعللك یکدیگره کفالتی جرمنده اشتراکلرندن منبعث اولوب حالبوکه بر قاچ کشینك مشترکاً ایقاع ایتدکلی مثلاً بر سرقت جرمنك محاکمه سی صره سنده مظلونلردن بر شخصك او فعلدن بشقه دهها بر جرمی از جمله بر طولاندیریجی-لق فعلی ایقاع ایتمش اولمشندن طولایی اجرای محاکمه سی لازم کلوب ده توحیداً

محاکمه‌یه ضرورت قانونیه حاصل اولدقده شخص مرقومك  
ایقاع ایتمش اولدینی طولاندیریحیلق فعانده قطعاً علاقه دار  
اولیان اشخاص سائرہ او فعلك مصارف محاکمه‌سنه متکفل  
اوله مامق طبعیدر . بویله بر محکومیت ایچون نه قواعد اساسیه  
جزائیہ ده ، نه ده قواعد حقوقیه ده هیچ بر سبب و علت مفروض  
اوله میه جغندن بوجهتك کفالتدن تجریدی موافق کورلمشدر .  
اون ایکنجی ماده قانونیهك عبارتہ سی غایتله غریب بر  
طرزده ایدی . جنایت و جنجه یه متعلق موادده مأمورین  
ضابطه طرفندن کوز حبسنه آلتق و جزای نقدی ترتیب اولتق  
و « وقوع جنایت و جنجه ایله حاصل اولان اموالی و یا جنایت  
و جنجهك اجراسنده مستعمل اولمش و یا استعمال اولتق اوزره  
بولمش اولان اشیایی بالخاصه ضبط ایتك جزالری مشترکاً حکم  
و ترتیب » اولنه بیله چکی کوسه ترمکده ایدی . حالبو که « وقوع  
جنایت و جنجه ایله حاصل اولان اموال » هر کیمدن آلتمش و یا  
کیمك دوچار ضرر اولسیله حصوله کلتش ایسه آکا عائد اولتق لازم  
کله جکندن بونك ضبطنه حکم ایتکده محکمه لرك بر صلاحیتی  
اوله میه جغی کبی جنایت و جنجهك اجراسنده مستعمل اولمش  
و یا استعمال اولتق اوزره بولمش اولان اشیای دخی صاحبك اذن  
و معلوماتی اولیه رق آلتمش و یا سرقت ایدلمش اموالدن اوله بیله جکمنه  
یعنی جرمده قطعیا علاقه و مدخلی اولیان اشخاصه عائد بولنه .

بیله جکینه و بوضورتله اموال مذکوره صاحبنه رد و اعاده قلممق  
مجبوریت قانونیه سی حاصل اوله جغنه نظراً بونلرک دخی ضبط و مصا-  
دره سنه حکومتک برحق و صلاحیتی فرض اولنه ماز، و قواعداً ساسیه  
جزائییه دندر که بونوع اشیا آنجق جرمتک فاعللرینه و یا شریکلرینه  
عائد اولدینی تقدیرده ضبط و مصادره اولنور. و برده بعض نوع  
اشیا وار در که قانوناً بونلرک اعمال و استعمالی و طاشینمسی  
و محافظه سی اساساً ممنوع و بلکه ده بوکا مخالفت مستلزم مجازات  
اولور، از جمله ممالک عثمانیه ده دینامیت و باروت و اسلحه ممنوعه  
اعمالی ممنوع و عکس تقدیر مستلزم مجازات عد ایدلشددر. ایشه  
بونوع اشیا بر جرمرده استعمال ایدلمسه و یا فاعل جرمتک غیری  
اشخاصه عائد اولدینی ثابت اولسه بیله مادامکه بو اشیانک اساساً  
ممالک عثمانیه ده وجودی ممنوعدر اشیا ی مذکوره کیمک یدنده  
بولنورسه بولنسون بهمه حال ضبط و مصادره اولنق لازم کلیر.  
بو خصوصده ایسه ماده مذکوره احکامی کاملاً ساکتدر.

بو احوالک تصحیحی ضمننده ماده مذکوره یرینه قائم  
اولمق اوزره ترتیب ایدیلن ماده ده « جرمرده استعمال اولنان  
و یا لاجل الاستعمال تهیه قلنان و یا وقوع جرمدن حصوله کلن  
اشیا جرمرده ذی مدخل اولیان اشخاصه عائد اولدینی حالده  
ضبط ایدلمک جزالری مشترکاً حکم و ترتیب اولنه بیلور » دینلد-  
یکی کبی « اعمالی، استعمالی، طاشینمسی، محافظه سی، بیع



وشراسی جرم تشکیل ایدن اشیا بر محکومیت جزائیّه موجود  
اولمسه و اشیای مذکوره فاعل جرمه عائد بولنمسه بیلّه ضبط  
ومصادره « اولنه جنی تصریح ایدلمشدر .

جرمدن منبعث حقوق شخصیه محکومه و مجازات نقدیه نك  
صورت استيفاسنه دائر اولان مواد قانونیه ايله ذاتاً مفسوخ  
الحکم اولان ۳۷ و ۳۹ نجی ماده لر طی اولنه رق ۳۷ نجی ماده  
یرینه قائم اولمق اوزره یکیدن بر ماده تنظیم اولنمش و بونده  
جزای نقدینك صورت استيفا و تحصيلی کوسترلمشدر . بوماده ده  
مجازات نقدیه تعریف اولندیغی کبی محکوم علیه تبدیغ اولنان  
اخبارنامه تاریخندن اعتباراً ایکی ماه ظرفنده جزای نقدی تحصيل  
اولنه مدیغی حالدّه جزای نقدینك هر ربع لیرا و کسـوری بر  
کونلك حبسه معادل اولمق اوزره جزای نقدینك حبسه تحویلی  
تنسیب اولنمشدر . رد اموال و تضمینات و مصارف محاکمه ایسه  
حقوق شخصیه دن معدود اولدیغندن مارالذکر مواد قانونیه ايله  
معین اولدیغی و جهله بونلرك صورت تحصيلی کافی السابق اعلامات  
حقوقیه نك تنفیذینه متعلق اولان قواعد تابع طوتلسی موافق  
کوریلهرك ماده قائمه ده بونلردن اصلاً بحث ایدلمه مشدر . برده  
جزای نقدی اصل اولمق و بوکا بدل تعیین اولنان حبس فرع  
اولمق حبسه بیلّه جزای نقدی حبسه تحویل اولندقدن صوکره  
محکوم علیه مجازات نقدیه بی تسویه ایدرك حبسـدن قورتلق

ایسته‌دیکی حالدده محبوس قالدینی هر کون ربع ایرا مقابانه‌ده  
طوتولوق صورتیه بعدالتنزیل باقی جزای نقدی استیفا اولنه‌رق  
حبسك رفعی تجویز ایدلمشدر .

۳۹ نجی ماده قائمه‌ده ایسه حکم قطعی الحوقندن اول  
وقوعبولان موقوفیت مدت محکومیه محسوب ایدیه‌جکی  
کوسترلشدر . شوقدر که نفی جزا-نده محبوسیت داخل  
اولمدیغندن ومظنون علیه موقوف طوتیلوبده بالآخره نفیه  
حکم ایدلمش اولدینی حالدده موقوفیت مدتک کونی کوننه نفیه  
معادل طوتیه‌رق آندن محسوبی غدیری منتج اوله جغندن بو  
تقدیرده بر کونلك موقوفیت اوج کون نفیه معادل عد ایدلمشدر .  
مظنون علیه موقوف حقنده یالکز جزای نقدی حکم ایدلمش  
ایسه موقوفیت مدتک بهر کونی ربع ایرا وکسورینه بدل عد  
ایدیله‌رك مجازات نقدیه محکومه‌دن تنزیلی مناسب کورلمشدر .

۴۰ نجی ماده قانونیه ، مسئولیت جزائییه اعتباریه حیات  
بشری ایکی دوره آیرمش ونابالغ اولانلریده مراهق ممیز و غیر  
ممیز تعبیریه تفریق ایلش ایسه‌ده بودورلر آره‌سنده قطعی بر حد  
فاصل ارائه ایتیه‌رك کیفیتی حکامک تقدیرینه حواله ایلشدر .  
مع مافیه ۷ صفر سنه ۲۹۱ تاریخلی بر تحریرات ایله حدود فاصله  
تعین اولنه‌رق اساس قانون ایله اشبو امر بیننده تضاد حصوله  
کلمش وحکامک اوامره دکل قوانینه بنای حکم ایتیمی لازمه‌دن

بولنش ایدوکندن اصول متقررہ متن مادہ یہ درج اولنہرق  
اون اوچ یاشنی اکمال ایتہمش اولانلرک حسب السن خیر  
وشبری تمیز وتفریق ایدہ میہ جکاری قرینہ قاطعہ سیلہ ایشلدکاری  
جرمدن مسئلہ اولمالملری اساسی قبول اولمشدر . انجق  
اطفال مرقومہ بی اقرباہ تسلیم ویاخود بونلری منافع مادہ  
ومعنویہ لرینی تأمین ایلہ مکلف اولدقلری حالہ وظیفہ لرینی  
طائیمان اقربادن مہجور بر اقرہرق حکماً تعیین اولنہ حق مدت  
ظرفندہ برای تربیہ وتوقیف بر اصلا حخانہ یہ ایصال شقلرندن  
برینک اختیاری حکامک تقدیر لرینہ بر اقلمشدر .

حین ایقاع جرمدہ اون اوچ یاشنی اکمال ایتش اولوبدہ  
اون بش یاشنی اکمال ایتہمش اولانلرک بلوغلری ثابت اولمازسہ  
حقلرندہ مرہق ممیز معاملہ سی اجرا ایدلمسی تنسیب ایدلمشدر .  
مدافعہ نفس وعرضہ متعلق اولان ۱۸۶ نجی مادہ نک  
صراحتی پک محدود وحکمی یالکیز کندی نفس وعرضہ  
مدافعہ ایدنلرہ منحصر ومدافعہ قیود وشرائطی غیر محتوی  
ومعاف عد اولنان فعللر ایسہ قتل وجرحدن عبارتدر ؛ اشبو  
نواقصک اتمامی ضمنندہ آخرک حیات وعرضہ وقوع بولان  
تعرضی دفع ایتک دخی جرم عد اولنماش وتعرضک ناحق  
اولسی ومدافعہ نک فی الحال ودفع صورتیلہ وقوعی شرطلری  
تصریح ایدلمشدر ، بردہ دفع تعرض ایچون متعرضی موقتاً



توقیف ایلک ، باغلامق کبی برطاقم تدابیره مراجعت امکانی درپیش ایدیلهرک قتل و جرح کلمه لری یرینه عمومی اولان « فعل » تعبیری اقامه ایدلمش و بوتعبیر ایله قتل و جرح کلمه لر - نده کی تقیید واختصاص رفع اولنه رق افعال سائرده ده شامل اوله جق عام ومطلق برکله استعمال اولنمشدر .

جبراً وقوع بولان سرقت ونهب اثناسنده سارق وناهبلره قارشى برکیمسه نك کندیسنی مدافعه ایچون ایقاع ایلدیکی فعلک معافیتی ده قبول ایدلمش وانجق مدافعه نك برمالی حمایه درجه سنه توسیعی تجویز ایدیلهرک مقصود اصلینک شـخصه تعرض اولدیغنی احساس ایلیه جك عبارات درج ایدلمشدر .

امر قانونی یه دائر اولان ۱۸۹نجی ماده نك ایکنجی فقره سی احکامی ضابطه مأمورلرینه ویالکیز قتل و جرح و ضرب فعللرینه منحصر وعدم کفایتی ظاهر اولوب حالبوکه ضابطه مامورلرینک مساع قانونی دائره سنده ایقاع ایده جک لری قتل و جرح و ضرب فعللرندن ماعدا توقیف واقامتگاهه دخول و بر محکومی اعدام کبی مامورلرک اجرا ایده جک لری افعالی ده معاف عد ایتک لزومنه مبنی امر قانونی قاعده سی ده شمولی تعبیرات ایله تحت انضباطه آلمش واشبو قواعد قرق ایکنجی ماده یه ذیل اولمق اوزره جمع وتلفیق ایدلمشدر .

۴۵ نجی ماده ده برجرمده معاونت ، یتاقاق ، وتشویق

و صور سائرہ ایلہ بالواسطہ و فرعاً مدخلی بولنانلردن بحث  
ایدلمک ایستلیدیکی حالدہ یا کلش ترجمہ محصولی اولہرق بولنلر  
حقندہ مشترک تعبیرینک استعمال ایدلمی اشتراک اصلی  
ایلہ اشتراک فرعی بی بربرینہ قاریشدیرمش ایدوکنندن برجنایت  
ویاجنحہ یہ طوغربدن طوغری یہ اشتراک ایدنلرلہ افعال  
مذکورہدہ فرعاً ذی مدخل اولانلر واضحاً آیرلمش و بولنلر  
حقندہ قانونک صراحتی اولیہ ان مواددہ عین جزانک تعینی  
موافق عدالت کوریلہ مدیکندن فرعاً ذی مدخل بولنانلر  
ایچون دہا خفیف جزا تعینی اساسی کوزہ دلمش و اشتراک  
فرعی بولنہ بیللمک ایچون اصلاً برجنایت ویاجنحہ نک لزوم  
وجودی درکار بولنسنہ بناءً بوبابدہ قیود لازمہ درج ایدلمش  
و قباحتلر مضرتی جزئی و اہمیتسز جرائم خفیفہ دن اولدقلرندن  
بولنلردہ فرعاً ذی مدخل اولانلرلہ جزا تعینی موافق عدالت  
کورلمہ مش و جرمدہ نہ کی افعال ایلہ فرعاً اشتراک ایدیلہ -  
بیلہ جکنک قانوناً تعینی قواعد عمومیہ ایجاباتندن بولنمی  
حسبیلہ اولاً جرمک اجراسنہ تقدم ایلین ، ثانیاً جرمی وجودہ  
کتیرن افعال ایلہ ہم وقت اولان ، ثالثاً وقوع جرمدن صکرہ کی  
افعال ایلہ حصولہ کلن اشتراکات فرعیہ صرہ سیلہ تعداد و تعیین  
اولنمش و بالذات نبوتی مظنونک و قوف ایلہ حرکت ایتدیکنی  
نصدیقہ کافی اولان افعالدہ « بیلہ رک » قیدی وضع اولنماش

ایسه ده فعلك ثبوتندن ماعدا علمك ثبوتی ده الزم اولان افعاله قید مذکور علاوه ایدلمش ویتاقلق صورتیه و قوعه کان اشتراك فرعیده اعتیادك وجودی مشروط اولمسنه بناءً قید اعتیاده علاوه ایدلمشدر .

قانونده تشبث تعریف اولمش ایسه ده افعال تشبثه حقنده صورت عمومیه ده جزا تعیین قلمامش وقانونك جزالنذیردینی تشبثات جرمیه سوء قصد ، احراق ، سرقت ، فعل شنیع ، رشوت ماده لرینه منحصر قالمش ایدو کندن بو نقصانك تلافییی ضمننده جنایت و جنحه لر تفریق اولمش ، وسائط مخصوصه ایله برجنایتك اجراسنه بدأ ایده رك یداختیارنده اولیان اسباب مانعه حیلولتیه جنایتك حصوله مقتضی افعالی اکمال ایده مامش اولانلر ذات جرم حقنده معین اولان مجازاتدن ده خفیف وانحجق جنایتك کافه افعال اجراییه سی اکمال ایتمش اولدقلری حالده یداختیارلرنده اولیان اسباب مانعه حیلولتیه نتیجه جرمیه یی الیه ایده مینار حقنده ده آغیر جزا تعیینی صورتیه افعال تشبثیه ده جزالنذیرلمشدر وشوقدرکه متشبث جرمك افعال اجراییه سندن بالاخیار فراغت ایتمش وفقط تمام اولان قسم فعل ذاتاً برجرم تشکیل ایلش ایسه اول قسمه مخصوص جزانك تعیین اولمشی لزومی ده آیریجه تصریح ایدلمش و جنحه تشبثلرینك فرانسه قانوننده اولدینی وجهله قانوناً مصرح اولان برلرده مستلزم جزا عد ایدلمشی قبول اولمشدر .



ترتیب مجازاتده بر جرمك آسایش مملکتی نه مرتبه متأثر  
ایده جکی و جرم مدن مغدور اولان شخص ایله منافع اجتماعیه نك  
نه درجه خللدار اولمش بولنه جنی نظر دقته آله رق اکا کوره  
احکام ترتیب اولنور سده جرمك صورت ایقاعنده و فعله سائق  
اولان احوال واسبابك منشاءنده او مرتبه اختلاف و تحولات  
واقع اولور که تنظیم قانون ایله مکلف اولانلرک او احوال  
واسبابدن بعضلرینی درپیش تامل ایتمی ممکن اوله بیلسه ده قسم  
اعظمی ملاحظه و تامل ایله هربری حقنده آیری آیری احکام  
ترتیبی قطعیا ممکن اوله ماز . زیر اوقایع و حادثات عالمک لایتناهی  
تعدد و تخافی بو وقایعدن هربری حقنده احکام مستقله ترتیبی  
مستحیل قیلار . بناءً علیه بو کون بالجمله مالل متمدنه قانونلرنده  
برقاعده اساسیه قبول ایدلمشدر که اوده بر جرمده واضع قانونک  
نظر دقته آله مدبغی بعض اسباب مخففه موجود اولدینی آکلاشلد قده  
جزای معینک تخفیفنه حکامک حائز اقتدار و صلاحیت اولمسیدر .  
زیرا بر شخصک عدالةً أمستحق اولدینی جزانک فوقنده بر جزا  
حکم ایتک وجدان عمومی بی اک زیاده داغدار ایده جک  
حادثاتدن معدوددر . بناءً علیه ۴۷ نجی مادهیه علاوه ایدیلن  
بر ذیل ایله جرمده اسباب مخففه تقدیریه نك وجودی حالنده  
جزانک صورت تخفیفنه دائر قواعد و احکام وضع اولنه رق  
حکامک تقدیر و قایعده توسیع صلاحیتلری اساسی قبول ایدلمشدر .

قواعد عمومیه فصلنه علاوه ایدیان مواد مذ کوره دن  
ماعدانفس جرائمه تعلق ایدن ابواب وفصوله دخی بعض مواد  
علاوه وبونلردن بعض مواد زائده طی واخراج اولنش وموادك  
برقسمنه ذیللر ترتیب ایدلمشدر .

از جمله امنیت داخلی دولتہ عائد اولان فصلك ۵۶ نجی  
ماده سنك صوكننده کی « سلطنت سنیه نك اصول وراثتی ویاخود  
شکل هیئتنی تغییر وتبذیل ویا محایه تشبثی ثابت اولان شخص  
اعدام اولنور » فقره سنه « خلاف اصول اوله رق قانون اساسی بی  
تبذیل وتغییر » جمله سی دخی علاوه اولنه رق فقره مذ کوره  
« سلطنت سنیه نك اصول وراثتی ویاخود شکل هیئتنی وخلاف  
اصول اوله رق قانون اساسی بی تغییر وتبذیل ویا محایه تشبثی  
ثابت اولان شخص اعدام اولنور » طرزینه تحویل ایدلمشدر .  
زیرا قانون اساسی بوماتك سلامت وسعادتنك اك بیوك ضمانی  
اولمق اعتباریله الی ماشاءالله تعالی دوامی لابداولوب بوكا ایراث  
ایدیله جك خلل وتغییر سلطنت سنیه نك اصول وراثتی تغییر  
درجه سنده حائز اهمیت اولمغله بویله بر فکر اهانتكاریده بولنانلرك  
زجر وترهیبی امر ضروریدر . شوقدركه قانون اساسی زمان  
زمان اصول و شرائط موضوعه دائره سنده تكمل ایتك طبیعت  
مصاحبت مقتضاسندن اولوب قید قانونی بی صورت مطلقه ده  
برافق هیئت اعیان ومبعوثانك قانون اساسی ایله حائز اولدقلری

تکلیف تعديلات صلاحیتنه تعرض دیمک اوله رق بوده قوانین فرعیه دولتک منشا ومنبعی حکمنده اولان قانون مذ کوره مخالف دوشه جکندن علاوه مذ کوره « خلاف اصول اوله رق » قیدیه تقید ایدلمشدر .

ینه ماده مذ کوره نک . تنه « حکومتک افعالندن متولد مذمت ومسئولیتی ذات حضرت پادشاهی به عطف و اشمال » ایدنلر ایچون دخی بر فقره علاوه اولنمشدر که فقره مذ کوره ذات پادشاهینک نفس هایونلری مقدس اولدیغنه دائر قانون اساسینک بشنچی ماده سنک احکامنی توثیق وتاییددن عبارت بولنمشدر . چونکه مشروطیتله اداره اولنان بر مملکتده حکومتک بالجمله افعال واجرا آتک مسئول یکانه سی حکومتی در عهده ایدن هیئت وکلادن عبارت اولوب او افعالك انظار وافکار عامه ده ومجلس عمومی حضـورنده هر درلو مذمت ومسئولیتی دخی هیئت مذ کوره به راجع اولمق لازم کله جکندن بومذمتک شخص مقدس حکمداری به قدر تشمیلی قانون اساسی به وروح اداره مشروطیته غیر موافق و انتظام عمومی بی مخل بولنش اولمغله بونوع افعالك زجر ومنعی لازمه دن کورلمشدر .

کذلک ماده مذ کوره به صورت علننه ده هیئت اعیان ومبعوثانی وقانون اساسی بی تحقیر ایدتار حقنده دخی ایکنجی بر فقره ادخال ایدلمش وبونکله دولتک عمده سیاستنی تشکیل

ایدن بر قانونه و مجموع افراد امتك حرمتله متحسس اولمق  
مجبوریتنده بولندی هیات تشریعیه قارشى تجاوز علانى منع  
ایدلك ایستلمشدر .

ماده مذ کورهیه ذیل اوله رق دخى رؤسای حکومت  
اجنبیهیه و نزد سلطنت سنیهدمه مقیم سفرای دول متحابیه قارشى  
بر جرم ایقاع ایدنلرله رسماً کشیده قلمش اولان دولت علیه  
ویادول متحابه سنجاغنه حقارت ایدنلر علیهنده مجازات مختلفه بی  
متضمن بر ذیل علاوه ایدلمشدر .

فصل مذ کورك ۶۳ نجى ماده سیله علاوه سی اشقیا و حیدود  
جمعیتلرینه معاونت و اوزاقدن و یقیندن امورینى اداره ویتاقلق  
کبی جرمد فرعاً ذی مدخل اولانلر حقنده ترتیب مجازاتى  
مشممل اولوب حالوکه بوبابده قواعد عمومیه فصلنه احکام  
مخصوصه درج ایدلمش و ماده مذ کورهنك حالیه ایقاسی احکامك  
تکررى مستلزم اوله رق تشوشى موجب اوله جنى طبیعى بولنش  
اولدیغندن بی لزوم کوریلن ماده مذ کوره ایله علاوه سی طی  
ایدلمشدر .

قانون مذ کورك ۶۷ نجى ماده سننده رشوتك تعریفى افرادینى  
جامع ، و اغیارینى مانع بر حالده اولمدیغى کبی بعض زائد و بالخاصه  
زمانز ایچون غیر وارد فقراتى محتوی اولمغله ماده مذ کوره  
مقامنه دیگر بر ماده اقامه ایدیلهرك رشوتك تعریفى هم بسیط .

همده افرادی جامع و اغیارینی مانع برحاله افراغ ایدملشدر .  
 ۶۹ نجی مادهده راشینک فعلی مهم و عمومی برطرزده  
 کجیدیرلمش اولدیغندن بر ماده قائمه ایله رشوت ویرن اشخاصک  
 افعالی نه کی حالده مستلزم مجازات اوله جنی وضوح ایله افاده  
 ایدملشدر .

مرتشی ایله راشی آره سنده وساطت ایدن رانشک افعالی  
 جرمدہ اشتراک معناسنده اولوب بویاده قواعد عمومیه فصلنه  
 علاوه ایدیلن ماده بوکا دخی شامل اوله جغنه ونظر قانونده  
 اصحاب رتبه دن اولوب اولماق بیننده اصلا فرق وتفاوت  
 بولندیغنه مبنی زائد و بی لزوم کوریلان ۷۰ و ۷۱ نجی ماده لر  
 طی ایدملشدر .

۷۲ نجی ماده بعض تعدیلاته اوغرامشدر . شویله که  
 قانون جزا رشوت آلان قادیلرک ارتشا جزاسیله محکوم اولسنی  
 ذات الزوج اولوب ده آدقلری شیدن زوجنک حقوق علمنک  
 ثبوتنه معلق قلمش وزوجک خبر ورضاسی لاحق اولمدیغی  
 حالده قادینه برسنه حبس جزاسی تعیین ایتمش اولوب حالبوکه  
 مأمورینه منسوب طائفه نسانک ارتشایه جرأتی او مأمورک  
 زوجہ سی اولغہ موقت اولمدیغنه و مأمورک والده ویا همشیره  
 ویا اقاربندن لاعلی التعین بریسی دخی او مأمور نامنه ارتشا  
 ایده بیللمسی ممکن بولندیغنه مبنی ماده مذکورہ نک برنجی فقرہ سی



دها ساده لشدیر یله رک « مامورینه منسوب طائفه نسانک ترویج مرام ایچون آلدق لری شنیدن مامورک علمی لاحق اولدیغی حالده هر ایکسی حقنده مرتشی جزای تعینی موافق کورلمش و مامورک علمی لاحق اولدیغی حالده قادینک فعلی طولاندر یخیلق حکمنده قاهر ق آکا تطبیقی طبیعی اوله جغندن ایکنجی فقره بی لزوم کور یله رک طی و اخراج اولتمشدر .

۷۰ نجی ماده نک بتون بتون طینی انتاج ایتدیرن اسباب موجبہ مبسوطه یه بناءً ۷۵ و ۷۶ نجی ماده لر دن « رایش » کله لری طی ایدلمشدر .

مامورین دولتک ایفای وظیفه ده اهل و تراخیسنه متدائر اولان ۱۰۳ نجی ماده غایت بسیط و ناکافی کوراش اولدیغندن ماده مذکورہ تبذیل اوله رق نسا ده جه اهل و تراخی نفس جرم عد ایدلمش اولمغله برابر بو کیفیت آمرک امرینه عدم اطاعت و یاقانونه مخالفت صورتنده وقوع عیولش اولسی اسباب مشده دن عد ایدلمش و فضله اوله رق بوندن دولتجه بر مضرت حصوله کلمسی ایکنجی بر نوع سبب شدت طو نیلوب هربری ایچون درجه درجه مجازات قانونیه ترتیب اولمش و بوضورتله بر طاقم لاقید مامورینک تسیب و اهلانندن تولد ایتمکده بولسان احوال مؤسفه یه بر نهایت ویرمک و مکلف اولدق لری وظیفه نک اهمتی تقدیر ایله عکس حالک دعوت ایده جکی مؤاخذه قانونیه دن

بالتجانی تیقظ وانتباه اوزره حرکتلری تامین اولنق قصد  
ایدلشد .

مامورینک اقامتگاه اشخاصه خلاف اصول دخولی مسئله.  
سنه دائر اولان ۱۰۵ نجی ماده فعل مذکورک مستلزم جزا  
اولسنی جبر ایله مقید قلمش اولوب حالبوکه اقامتگاهک تعرضدن  
مصونیتی مامورینک خلاف اصول دخولنه بنفسها مانع اواق  
لازم کله جکنه وبونک مستلزم جزا اولسنک جبر ایله مقید  
قلمسی مامورین حکومت قارشى افرادک مقاومت ومخالفتی  
مستبعد اولسنه نظراً مصونیت مذکوریه رعماً خلاف اصول  
دخولی تسهیل وترویج معنا سنده بولندیغنه مبنی ماده مذکورهدن  
« جبر » کله سی قالدیرلمش وبونک فقره ثانیه سنه « صاحبک منعی  
خلافنه اوله رق ویا صور خفیه ده » قیدلره علاوه ایدلشد .  
ضابطه مامورلرینک ایفای وظیفه ده سوء معامله لرینه متعلق  
اولان ۱۰۵ نجی ماده ده بونلرک « قانون ونظامک تعیین ایتدیکی  
احوالدن غیرى اوله رق برکیمسه حقنده سوء معامله یه  
ویاکسر عرض وناموسه سبب اوله حق ویاخود جسماً اذا  
ویره جک حالتیه تصدی ایدرلرسه » یولنده کی عبارت قانونیه ده  
کسر عرض وناموس قضیه مهمه سی لاقیدانه استعمال ایدلمش  
وحالبوکه فعل مذکور افعال مهمه جنائیهدن اولوب بونلر  
ایچون فصول واحکام مخصوصه موجود بولنش اولدیغندن

عبارة مذ کورده دن ( کسر عرض و ناموس ) قیدی قالدیرلمش اولدیغی کبی ابقا ایدلمش اولان افعال سائر مه «یا خود اول کیمسه نی ضرب و جرح ایلر ایسه » قیدی علاوه اولنمش و بوبابده تعیین ایدیلان جزا فعلک ماهیت و طبعته غیر موافق و غایت خفیف کورلدیکندن ماده مذ کورده کی برهفته دن برسنه مه قدر حبس جزاسی برآیدن اوج سنه مه قدر ابلاغ واشبو فعلک فوفنده ابقاع ایدیلان جرائم دن طولایی دخی او جرائمه مترتب جزا تعیین قلنه جنی تصریح ایدلمشدر .

انضباط مملکته و حیثیت حکومته شدت تعلقی اعتباریله ۱۱۳ نجی ماده ده افراد ضابطه مه حین اجرای مامور بتده حقارت ایدنلر حقنده تعیین اولنمان جزای نقدی پک زیاده غیر منطقی کورلمش اولمغله جزای مذ کور برهفته دن ایکی آیه قدر حبسه تحویل و فقره ثانیه سنده کی عسا کر نظامیه ضابطانی و پولیس قومیسر و معاونلری علاوه ایدلمش و فقره مذ کوره - ده کی برهفته دن برآیه قدر حبس جزاسی برآیدن آتی آیه ابلاغ اولنمشدر .

۱۱۴ نجی ماده ده ماموریندن برنی و یا عسا کر نظامیه و ضبطیه دن برتفری ماموریتی اجرا ایدرکن و یا اجرا ایتدیکی حکم ماموریتدن طولایی ضربه جرأت ایتک فعلنه برده «معامله جبر و شسته» جرأت ایتک قیدی علاوه ایدلمشدر .

۱۱۵ نجی ماده ده کی جزا دخی جرمك اهمیتنه نظر آخفیف کورل دیکندن تزیدد ایدلشد .

محا که دعوت ایدیلوب ده کلکدن استنکاف ایدنلر حقنده اصول محاکمه جزائیه ده احکام مخصوصه موجود اولوب قانون جزانک بوکا دائر اولان ۱۱۶ نجی ماده سی فعلاً مفسوخ اولمغله ماده مذکوره بوکره کلیاً طی اولنهرق بونک یرینه قائم اولمق اوزره قوانین و نظامات دولتی و اوامر و مقررات حکومتی و اعلامات محاکمی و سائر اوراق عدلیه یی اجراییه مباشرت ایدن مأمورینه قارشی تجاوز و اجرا آت واقعیه مخالفت ایچون استعمال جبر و شدته تصدی ایدنلر حقنده احکام مخصوصه یی محتوی بر ماده ترتیب اولتمشدر .

اکثریا منازعات افرادک بیوک قسمی کندی کندیلرینه احقاق حق ایتک تصدیسندن انبعاث ایتمکده اولسنه بوایسه قوتک غلبه سی دیمک اوله رق بر حکومت منتظمه ایچنده افرادک بالذات احقاق حقه قیامی صورتیله قوای فردیه نک غلبه سی کیفیتی ایسه قطعاً تجویز ایدیله میه جک حادثات مهمه دن معدود بولسنه منی بونک فی مابعد منع وقوعی ضمننده اونجی فصلاک سر لوحه سنه « کندیلکندن احقاق حق ایدنلر » عبارته سی علاوه اولنوب بوکا دائر ۱۳۰ نجی ماده یه بر ذیل ترتیب اولتمشدر .

بوزیلده حکومته مراجعه امکان موجود اولدینی حالد

ادعا ایدیلن برحق استحصال مقصدیله اموال اوزرنده صرف قوتله بالذات احقاق حق ایدنلر ایچون برآیه قدر حبس جزاسی تعیین اولمش و فاعل اشخاصه قارشی استعمال جبر و شدت ایتدیکی حالده جزای مذکور برسنهیه قدر تمدید ایدلمشدر .  
انجق ادعا ایدیلان حَقْکْ عندالحاکمه صحتک ثبوتنده کوره جکی جزا نصفه تنزل اولمشدر . شو قدرکه حکماً مستحقنه تسلیم اولن ان اموال غیر منقوله ایچون آرتق بردها نزاع و محاصمه و ثبوت صحت دعوی کیفیتلری موضوع بحث اولهمیه جغندن بوخصوصده حکم قانونه قارشی ترمدله غیر منقول مذکور تکرار ضبط و اشغال ایدنلره جزا تشدید اولمشدر .

تلفونله مخبره اصولی مملکتتمزده آرتق تأسس اینمکه باسلامش و کیت کیده تعمیم ایده جکی طبیعی بولمش اولوب اصول مذکور ایله واقع اوله جق مخبراتی اخلاله جرأت انتظام عمومی به تجاوز دیمک اوله رق بونک منعی لازمه دن کورلمش اولدیغندن تاغراف مخبراتی اخلاال ایدنلرک مجازاتی متضمن اولان اون ایکنجی فصلک سرلوحه سنه و فصل مذکور تشکیل ایدن اوج مادهیه «وتلفون» کلمه لری علاوه ایدلمشدر .

مغایر نظام باروت صاقلایانلر حقننده قانون جزانک ۱۶۶ نجی ماده سنه علاوه اولن ان ذیل عدالتله قابل توفیق اولهمیه جق درجه ده شدید اولدیغی کبی اسلحه ممنوعه اعمال



وادخال ایچون دخی بر ممنوعیت قانونیه موجود بولنمیش و حال بوکه اسلحه ممنوعه ایله باروت غیر قابل انفکاک اوله حق درجه ده بر برینک لوازم ضروریه سندن اولدینی کی بوکون اسلحه ممنوعه قاجقیلانی بعضیلرنجه عادتاً صنعت اتخاذا ایدلمش اولدیغنه و دردست ایدیلن قاجقیلر حقنده تطبیق اولنه حق الده بر ماده قانونیه بولندیغندن طولایی محکمه لرحه عدم مسؤلیت قراری ویرلمکه مجبوریّت حاصل اولمقده بولندیغنه مبنی ذیل مذکور مقامنه قائم اولمق اوزره کرک باروت و کرک اسلحه ممنوعه اعمال وادخال و توسط ایدنلر حقنده ایکی آیدن ایکی سنه یه قدر حبس و بش لیرادن اللی لیرایه قدر جزای نقدی تعیین اولنش و بالخاصه قانون جزا اعتباریله اسلحه ممنوعه علی الاطلاق اسلحه میریه ایله ناملوسی اون بش سانتیمترویی تجاوز ایدن روولورلردن عبارت اولدینی یولنده تعریفات و ایضاحات درج ایدلمشدر .

اک زیاده دوچار تغیرات و تعدیلات اولان مواد اشخاص علیهنده کی جرائمه متعلق اولانلردر . قتل تعدده اعدام جزاسی بقا ایدلمش اولمغله برابر ولو من غیر تعدد اولسون بر کیسه نیک آباء واجدادندن وامهات وجداتندن برینی قتل ایلمک فضاحتنه جرأتی بتون ملل و اقوام عنندنه تعدد قدر شنیع بر جنایت عد ایدلمش و حقیقت حالده بویله بر فضاحتک ارتکابی فاعلک شناعت

اخلاقیه سنک و مرتبه پستی طبعیتک اک نفرت آور بردایی  
بولمش اولدیغندن قاتل آباء و امهات اولان شخصک جمعیت  
انسانیه دن رفع وجودی دهـا موافق کوریلهرک ۱۷۰ نجی  
ماده ده تعمداً قاتل اولان اشخاص ایله آباء و اجداد و امهات  
وجداتندن برنی قتل ایدنلر حقنده اعدام جزاسی تعیین  
ایدلمشدر .

۱۷۴ نجی ماده دخی اولدقجه اساسلی تعدیلاته اوغرا مشدر .  
بوماده ده من غیر تعمد وقوع به لان قتللر ایچون معین اولان اون  
بش سنه کورک جزاسی باعث انتباه و عبرت اولمدیغی یارم عصر دن  
بری قتل نفس جرمک کیتدکجه تکثیر ایتسیله ثابت اولدیغندن  
وافعال قتایه نک منع تکثیر و وقوعی فاعللرینک شدتله ترهینه  
متوقف بولندیغندن ماده مذکورده کی اون بش سنه کورک جزاسی  
مؤبد کورکه تحویل ایدلمش و ماده مذکورده نک فقره ثانیه سنی تشکیل  
ایدن آخر برجنایتی قبل اجرا و یا اثنای اجراده و یا بعدالاجرا  
ایقاع اولنان قتل کیفیتنه «برجرمک تهیه و یا تسهیلی و یا اجراسی  
و یا جرم مذکورک فاعل اصلی و یا فرعیلرینک فرارلرینی و یا  
جزاسز قالمالرینی تامین ضمننده ایقاع اولنان قتل کیفیاتی علاوه  
قائم مشدر . واقعا من غیر تعمد قتللرده فاعل ایچون مؤبد کورک  
جزاسی تعیینی و هله اولاده موجب هر اس اوله جق درجه ده  
وخیم و شدید کورینیور ایسه ده جزانک بودرجه ده تعیینی مطلق

و قطعی اولیوب فعلک صورت ایقاعنده کی احوال مخصوصه یه و فاعلک ذات و شخصنده محسوس اوله حق ردائت و سائرینه کوره هیئت حاکمه نك كرك بو جزایی و یا خود فعلده قانونك نظر دفته آله مدینی اسباب مخففه موجود اولدینی تقدیرده قواعد عمومیه فصلنك ۷۷ نجی ماده سنه علاوه اولنان ذیل حکمنه توفیقاً فعل مذکور حقنده اون بش سنه کورك جزاسی تعیین ایده بیلمسی حق تقدیر و اختیار لرینه مودوع بولندیغندن اشبو جزای مؤبدك بك نادر اوله رق تطبیق اولنه جنی درکار اولمغله شدتندن خوف و هراسه محل تصور اولنه ماز .

قواعد عمومیه فصلنده اشتراك جرائمه متعلق اوله رق وضع ایدلدیکی یوقاریده ذکر ایدیان احکام مخصوصه آرتق معین قاتل ایچون آیریجه بر حکم ترتیبه محل بر اقامش اولدیغندن ۱۷۵ نجی ماده کاملاً طی اولنوب آنك یرینه قائم اولمق اوزره حقوق جزائییه نقطه نظرندن بك مهم و لزوملی بر ماده وضع ایدلمشدر . شویله که بعض کره مقتول اولان شخیص بر مرضله معلول اولور که تلف نفسی انتاج ایدن فعلک عدم وقوعی حالنده یشا . مسی دخی ممکن اوله بیلیر ایسه ده تلف نفس قضیه سی یالکیز مرتکب جرمك فعلندن صورت مطلقه ده نشات ایتش اولمیوب فعله تقدم ایدن مرضك انضمام و اختلاطیه وجوده کلمش و شو حالده قتل فعلنه فاعل عننده مجهول بر سبب متقدم ترافق

ایدرك هرايكیسی مشتركاً تلف نفسه مفضی اولمش اولور ویاخود فعلك وقوعدن صوكره مجروحك حالت طبیعیده حسن اهتمام ایله شفایاب اولسی امکانی موجود اولدیغی حالده فعلدن بتون بتون مستقل بر سبب دها انضمام ایدرك جرحهك تأثیراتی وخیم برطرزه قالب ایدر و بو یوزدن تلف نفس وقوعه کلیر . بو ایکی صورتده دخی تلف نفسی مستقلاً فاعلك فعلنه عطف و اسناد ایتك موافق حق و انصاف کوريله مامش و بناءً علیه اسباب مذکوره فعل قتل ایچون معین اولان جزانك تخفیف و تهوینی مستلزم اسباب جدیده دن بولنش اولدیغندن بو مثللو فاعل عندنده مجهول اسباب متقدمهك تراقیله و یا فعلدن بتون بتون آیری و مستقل بر سببك انضماميله وقوعه کلن تلف نفسده بش سنه دن اقل اولماق اوزره کورك جزاسی ترتیب ایدلمشدر .

تعطیل عضوه دائر اولان ۱۷۷ نجی ماده یرینه اقامه ایدلمك اوزره ترتیب اولنان ماده قانونیه اصل مادهك محتویاتيله علاو . وه سنی توحید ایتمكدن عبارت ايسه ده اصل ماده یالکز تعطیل عضودن عبارت ایکن ماده قائمه تعطیل عضو حکمنده اولان قطع و کسر و یا بر معلولیت دائمه یی انتاج ایده جك صورتده ضرب و جرح و یا بر فعل مؤثر ایقاعی صورتلرینی دخی شامل برطرزده تحویل ایدلمش و قتل و جرح و تعطیل عضو فعللرنده اسباب

مشدده قانونیه دن اولان تعمدك وجودی حالنده حکامك تقدیری  
جزانك حد اقلنك تصریحی صورتیه تقیید ایدلمشدر .

۱۷۸ نجی ماده جزانك حد اقلی عدالتیه دهامتقارب اولمق  
اوزره برآز یوکسالتلمش و ۱۷۹ نجی ماده ده اسباب مشدده  
قانونیه اولمق اوزره قبول ایدیان آباء واجداد وامهات وجدات  
علیهنه وقوع بولان ضرب و جرح و یا قطع و تعطیل جرملرینه  
متعلق احکام ترتیب وعلاوه ایدلمشدر .

۱۸۰ نجی ماده قائمه ایله تطبیقات جزائییه ده کثرتله تصادف  
اولنان بر مسئله مهمه حل ایدلمشدر . شویله که : بر منازعه یه اشتراك  
ایتمش اولان اشخاص متعدده میاننده بر قتل و یا جرح حصوله  
کلیر فقط هر درلو تدقیقات و تحقیقاته رغماً بو قتل و جرحك  
هانکی شخص طرفدن ایقاع ایدلدیکی و کیمك اثر صنعی اولدیغی  
تعین ایده مز . بونلرك مجموعی منازعه یه اشتراك ایتمش اولمقدن  
طولانی جمله سی حقنده قاتل و یا جارج اولمق اوزره جزا تعینی  
عدل و حقه مقارن اوله میه جغی کبی اورته ده قتل و جرح کبی  
آسایش مملکتی جداً متأثر ایتمش بر جرم وار ایکن فاعلك یقیناً  
تعین ایتمه مسندن ناشی مجموعنك بری النفس عد ایدلملری دخی  
منافع عمومیة اجتماعیه نقطه نظرندن موافق اوله ماز . ایشته بو  
حالده ایقاع اولان فعل قتل ایسه فاعللك جمله سی حقنده بش  
سنه دن اون بش سنه یه قدر و قطع و تعطیل ایسه او چر سنه



کورك جزاسی تعیینی مناسب کورلمش و شو و ورتله فاعل حقیقینک عدم تعینندن ناشی مغایر عدالت حکم ویرلمک احتمالی رفع ایدلدیکی کبی ینہ بوعدم تعین ملابسہ سیلہ تبریۃ نفسک عدم امکانی منازعہدہ مشارک اولانلر ایچون فاعل حقیقی بی تعین ایتدیرمکہ سبب و وسیلہ اولمق منافی دخی ملاحظہ ایدلمشدر . مدافعۃ نفس و عرضہ متعلق اولہرق قواعد عمومیه فصلنہ علاوہ ایدیلن احکام مخصوصہدن ناشی ۱۸۶ نجی مادہیہ لزوم و محل قالمدیغندن مادۃ مذکورہ کلیاً رفع و الغا ایدلمشدر .

۱۸۸ مادہدہ معذرتک زوجہ و یا محارمندن برینی قتل شنیع زنا حالندہ کورلمسنہ حصر و تخصیصی موافق مصاحبت اولہمیہ جغندن مادۃ مذکورہیہ « و یا بر فراش غیر مشر و عدہ » قیدی علاوہ ایدلمش و ( بونلرک ایکیسنی بردن ) تعبیری حکام ایچون موجب اشتباه اولماق اوزرہ « بریسنی و یا ایکیسنی بردن جرح و یا قتل ایلسہ معذوردر » دینلمشدر .

معذرتی متحقق اولانلرک تعیین جزاسی بحثندہ ۱۹۰ نجی مادہ احکامی ناقابل تطبیق و تألیف بر تناقض و منافرتی محتوی ایدی . زیرا بالمقابلہ و وقوع بولان قتل و جرح و ضرب فعللری ۱۸۹ نجی مادہ ایله معذور عد ایدلمش و ۱۹۰ نجی مادہدہ علی الاطلاق معذرتی متحقق اولانلر اوج آیدن اوج سنہیہ قدر حبس جزاسی تعیین اولمش ایدی . حالبوکہ علی العادہ یکرمی

کوندن زیاده خسته لئی موجب اولیان ضرب فعلی ۱۷۹ نجی ماده موجبنجه برهفته دن برسنه به قدر حبسی مستلزم اولوب بالمقابل و وقوع بولان ضرب عادی نك جزایی دها خفیف اولمق هم مقتضیات منطقیه دن ، هم ده قتل کی افعال عظیمه نك جنحه درجه سنه تزیلی یولنده کی تهوین قانونی به قیاساً لازمه دن ایکن بالعکس ضارب اصلی به برهفته و یا اون کون جزا ویرمک لازم کلن جزائمه ضارب مقابله اوچ آئی جزا ویرمک کی غیر منطقی احوال ظهور ایتمکده و بوندن دولایی ضرب و جرح فعل لرنده ۱۹۰ نجی ماده ناقابل تطبیق بولمقده ایدی . شو اسبابه بناءً معذرتی متحقق اولانلرک فعلی اعدام ، مؤبد کورک و قلعه بندلک جزالری مستلزم ایسه فاعل بر سنه دن اوچ سنه به مجازات سائرۀ ترهیدیه یی مستلزم ایسه آلتی آیدن ایکی سنه به و مجازات تأدیه یی مستلزم ایسه یکریمی درت ساعتدن آلتی آیه قدر حبسه محکوم اوله جقلری یولنده بر ماده قائمه وضع ایدنشدر .

آچه واشیا کوندرلمسی و سائر مطالب و تکالیفی عاوی تهدیداته متعلق اولان ۱۹۱ نجی ماده نك احکامی آچه واشیا کوندرلمسی و سائر مطالبی محتوی اولیه رق و وقوع بولان تهدیدات ایله شفاهاً ایقاع ایدیلن ماده مذکوره ده مسطور اولان احوال دن دها خفیف اوله رق و وقوع بولان تهدیداته دائر ایکی فقره علاوه سیله

توسیع ایدلمشدر که بونلرک مملکتتمزجه لزوم واهیتی قابل انکار اوله ماز .

اسقاط جنینه متدائر اولان ۱۸۲نجی ماده مقامنه قائم اولوق اوزره بر ماده مفصله ترتیب ایدلمشدر . دینیه بیایر که قانون جزامزده اک آز اهمیت ویریلان فعل اسقاط جنیندر . حالبوکه فعل مذکور ادامه نسل و ذریته تعالی حسبیله اک مهم و اک زیاده نظردقتی جالب افعالدندر . اسقاط جنین ایدن شخیص برطرفدن دوام نسل انسانییه ممانعت ایتمش و دیگر طرفدن بر وجودی محو ایتمکله برابر آکا مربوط و آنک حاملی اولان دیگر بر وجود حقننده تهلکویه میدان ویرمش دیمک اولور بالخاصه تولیددن و یاتریسه اولاددن احتراز ایدن پک چوق نسوان بو فعل قبیحه مألوف اوله رق اکثریتله جنینی اسقاط صورتیه توفیر ذریتدن ابا و امتناع ایتمکده و جناب حتمک قادیلغه بخش ایتمش اولدینی یکانه وظیفه عالیه اجتماعیه بی اخلال ایتمکده درلر . حالبو که قانون جزا اسقاط جنین ایدن والده ایچون احکام ترتیب ایتمه مش اولدینی کبی بشقه سی طرفندن وقوعبولان اسقاط جنین حقننده دخی پک سطحی احکام ترتیبیه اکتفا ایتمشدر . هله صوک فقرده سنده « بوتعدیبی عن قصد واقع اولمش ایسه » قیدیه جزایی مقید طوتمسی روح قانونه پک واقف اوله میان بر چوق حکامی تعدینک اسقاط جنین

قصدينه مقرونیتی فکرينه اذهاب ایتک صورتيله تغلیطه دخی  
وسيله بخش اولمشدر . بوندن دولایی ماده قائمه ده وسائط مخصوصه  
استعمال ایدرک و یا بشقه سی طرفندن استعمالنه رضا ویره رک  
اسقاط جنین ایدن قادین حقنده آلتی آیدن اوج سینه یه قدر  
حبس جزاسی تعیین اولندیکی کبی او خاتون ایچون وسائط  
مخصوصه تهیه ایدرک اسقاط جنین ایتدیرن شخص حقنده دخی  
برسنه دن اوج سینه یه قدر حبس جزاسی تعیین اولمشدر .  
بوندن بشقه سقطک نتیجه سی اوله رق و یا سقط ایچون استعمال  
اولنان واسطه دن تلف نفس حصوله کلیر ایسه درت سنده دن  
یدی سینه یه قدر کورک جزاسی تعیین اولمش و خاتونک رضاسی  
اولیه رق وسائط استعماليله و یا ضرب و جرح ایله اسقاط جنینه  
سببیت ویرنلر حقنده جزا تشدید ایدلمش و اگر بو سببیه  
تلف نفس دخی حصوله کلیر ایسه جزا بر درجه دهـا  
آغـرلاشدیرلمشدر .

احوال مذکوره دن ماعدا اطبا و مأمورین صحیه و قابله لرک  
صفتلری بو جرمک اجراسنده اسباب مشدده دن عد ایدیلهرک  
جرم مذکور بونلردن بری طرفندن ایقاع ایدلدیکی حالده  
جزالرینک برسدس مقداری تزیدی مناسب کورلمشدر .

فعل شنیع مبحثنده اون اوج یاشندن آشاغی چو جو قلمر  
[حقنده وقوعبولان فعل شنیعک جبرطبیعی عدایدلمسینه دائر مانغا

محاکمات دائرہ سنک بر قرارینہ ابتناءً صادر اولان امر عالی  
شمدی یہ قدر محکمہ لرحہ معمول بہ طوتمقدمہ ایسہ دہ محاکمک  
بویله او امرہ بنای حکم ایتملری قطعاً شایان تجویز اولہ میہ جغندہ  
و فی الحقیقہ اون اوچ یاشندن دون اولان چوجقلمک رضالری  
حکمسز اولمق دخی طیبی بولندیغندن ۱۹۷ نجی مادہ آکا  
کورہ ترتیب ایدیلہ رک امر مذکور طرز قانونی یہ افراغ  
ایدلمشدر .

بین العائلہ صفوت و نزاهت اخلاقک محافظہ سی مقصدیلہ  
۱۹۹ مادہ یہ بر ذیل علاوہ اولنہ رق بوندن نفوذ عائلہ و یا امنیت  
و مناسبات بیتہ نک و یا حق تربیہ و تعلیمک سوء استعمالی صورتیلہ  
ایقاع فعل شنیع ایدنلر حقندہ جزا تعیین ایدلمش و بواحوال ایلہ  
برابر جبر و شدت دخی استعمال اولندیغنی حالہ جزا تشدید  
اولنمشدر .

بر خاتونک رضاء فعل شنیی ارتکابی حالندہ حق تعقیب دعوی  
زوجنہ و زوجی اولمدیغنی حالہ ولیسنہ حصر اولمش ایسہ دہ  
زوجک دعواسی طلاق وقوعندن درت آی نہایتنہ قدر بر  
مدتلہ تحدید ایدلمشدر . فی الواقع درت آیدن زیادہ بر زمان  
مروریلہ بویولده دعوی اقامہ ایتہ مش اولان زوجک مسئلہ یی  
اساسندہ یا لا قیدانہ تلقی ایتش اولمشی و یا منافرت عائلہ نک  
تشددندن ناشی مغایر اخلاق بروادی یہ صاپمش بولنسی احتمالی



وارد در که هر یکی تقدیر داده دعوانك قیصه بر مرور زمانه تابع قائم سنی ایجاب ایتدیرر . دیگر طرفدن خاتونك شريك تهمتك متأهل اولوب اولماسی دخی تشدید ویا تخفیف جزا مسئله سنده نظر دفته آلهه حق کیفیادتدن اولدیغندن بو جهت دخی آیری آیری احکامه تابع طوتمشدر .

قالدی که زوجك و یا ولینك دعوادن فراغتک تأثیراتی یالکیز خاتونه ویا خود خاتونه برابر بر شريك تهمته ساری اولوب اولماسی قضیه سی دخی جالب دقت اولمش و سوق نفسانیت و غرضله ناموس و غرضی موضوع بحث ایتک صورتیه بر شخصی محکوم ایتدیردکن صوکره ولینك ویا زوجك فراغتی ویا تکرار زوجه سنی قبول ایتسیله جزا قادین حقنده اسقاط ایدیلهرك شخص محکومك دوام مجازاتی احتمالی فراغتک ویا زوجه بی قبول صورتیه عفوک شريك تهمته دخی سرایتی خصوصنی قبوله سبب اولمشدر .

۲۰۶ نجی مادهنك صوکه فقره سنده قاجیریلان قیز حقنده فعل شنیع اجرایی حالنده معین اولان جزانك منتهای درجه سی حکم اولنسی جرم ایله متناسب کوریه میهرک جزای مذکورک حد اقلی آلی سنه اولمق اوزره تعیین اولمشدر .

افترایه دائر اولان ایکی یوزاون اوچنجی ماده کرک طرز تحریر و کرک ترتیب مجازات اعتباریه فعلاً ناقابل تطبیق بر ماهیته

ایدی . ماده مذکوره بر طرفدن اسناد ایدیلن فعل حقیقهٔ  
ایقاع ایدلمش اولسه بيله آنک بیان و اظهارینی افترا عدايتك  
و دیگر طرفدن اسناد واقعك افترا اولدینی ثابت اولورسه  
قیديله ترتیب مجازاتده فعلك عدم وقوعی شرط اتخاذ ايلك  
کبی تناقض صریحی محتوی اولدقدن بشقه قانوناً و نظاماً حکومته  
اخبار و قوعات ايتك و یا خود دعواى حقوق ايلك خصوصاً لرینك  
بوندن استثناسی صورتيله ماهیت افترايی تغییر و تشویش ايتمش  
وهله فعل مفتری بهه ترتیب ایدن مجازاتك عینی ايله مفترينك  
جزا دیده ایدلمسی قیدی ماده مذکورنك مؤبداً قابلیت تطبیقه سنی  
رفع ايتمش ایدی . حالبوکه افترا نك ماهیت اصلیه سی اسناد اولنان فعلك  
غیر صحیح و مزور اولسنی ایجاب ایتدیرمکله برابر مفتری علیه  
اضرار ایچون مفترينك اخبار نامه و یا شکایت نامه اعطاسی صورتيله  
آنك حقنده تعقیبات اجرا سنه وسیله ویرمه سنی اقتضا ایتدیرر .  
بناءً علیه ماده مذکوره طی اولنه رق آنك یرینه قواعد عمومیّه  
جزائیه هیه موافق و دها معتدل بر ماده اقامه ایدلمش و افترا نك  
شکل و درجه سنه کوره مجازات قانونیه تعیین ایدلدیکی کبی  
مفتری علیه حقنده تعقیبات قانونیه جریانندن صکره مفترينك  
اسناد واقعدن رجوعی و یا تصنیعی اعتراف ایلسی حالنده  
جزاسی تخفیف اولنق صورتيله تزویر و تصنیع کبی مغایر  
اخلاق اولان بر جریمه اصراردن توقی طریق ارأه اولمشدر .

حقارت و اطالهٔ لسانه متدائر اولان ۲۱۴ نجی ماده دخی غایت بسیط و فعلک صفحات مختلفه سنی غیر محیط اولدیغندن مادهٔ مذکوره دخی طی اولنوب یرینه حکام ایچون ده اسهل تطبیق بر ماده اقامه ایدلمشدر . حقارت ماهیت اصلیه سی اعتباریه افترادن يك فرقیدر . افترا وقوعبولماش بر جرمی قوهٔ عدلیه یه خبر ویرمک و یا اولیه بر جرمک آثار و دلائلی تصنیع ایلمک صورتیه مفتری علیهٔ اضراری قصد ایدلمکدر . حالو که حقارتده مادهٔ اولیه بر قصد موجود اولیوب متجاوز علیهٔ ناموس و حیثیته و یا شهرت و اعتبارینه ایراث خلل ایتمک مقصوددر . بوده قابل اثبات بر فعل اسنادیه و یا ناقابل اثبات بر شی تخصیصیه وقوعبولور . قابل اثبات اولان فعل دخی یا اساساً مجازات قانونیه یی دعوت ایده جک بر جرم اولور و یا خود مغایرت اخلاقیه موجود و حیثیت و اعتباره باعث انکسار اولمقه برابر مستلزم مجازات اولماز . طبیعاً ناقابل ثبوت اولان و مجازات قانونیه یی مستلزم اولیان بر شی اسنادیه حقارت ایدلدیکی تقدیرده فاعل جرمک اسناد ایتدیکی شیئی اثباته تصدیقی قبول اولنمه‌ماز . بوا یکی تقدیرده محکمه یالکزر حقارتی متضمن اولان فعل و قولک ثبوت وقوعیه برابر مجازات قانونیه سنی ترتیب و تعیین ایدر . آنجق حقارتی متضمن اولان فعل و قول هم قابل اثبات همده داعی مجازات اولدینی و مثلاً بر مأموره وظیفه

مأموریتنه متعلق بر جرم و از جمله ساخته کارلق و یا ارتکاب کبی  
بر فعل اسنادیله حقارت ایدلدیکی و یا خود قتل تهمتیله بر کیسه  
عابنده تعقیبات قانونیه جریان ایدرکن قاتل لفظیله تحقیر و وقوع  
بولدینی تقدیرده متجاوزک بوحالی اثبات ایتسی هم قبول اولنور.  
وهمده ثبوتی حالنده کندیسسی ایچون مجازات قانونیه تصور  
اولنه ماز.

قالدی که حقارتدن طولایی محاکمه جریان ایتمکده بولدینی  
صردهده متجاوز علیه کندیسنه اسناد اولنوب مغایرت اخلاقیه بی  
تضمن ایدن و قابل اثبات اولمغله برابر داعی مجازات اولمیان  
فعلک انظار عامدهده نفسنه ایراث ایده بیله جکی شین و نقیصه بی  
ازاله قصه دیله محاکمه نک فعل مذکورک اثباتنه دخی تشمیلی  
صراحه طلب ایدر سه بو طایی دخی قبول اولنق مقتضای  
مصلحتدر.

برده بعض کره متجاوز علیه اولان شخص حرکت غیر  
محقه سیله حقارتی کندیسسی دعوت و تحریک ایتش اولور.  
ایشته بواحوال مختلفه بی متضمن اولق اوزره بر ماده قانونیه  
قلمه آلمش و حرکت غیر محقه سیله حقارته دعوت ایدلدیکی  
تقدیرده بو کیفیت اسباب محفقه دن عد ایدلمش اولدینی کبی ایکی  
طرف متقابلاً یکدیگرینی تحقیر ایتدیکی و یا شخصی حقنده  
استعمال شدت اولنسنندن طولایی حقارته معناً مجبوریت

حاصل اولدینی تقدیرلرده مجازات قانونیه‌نک سقوطی قبول اولمشدر .

سرقت فصلنده بر خانه دروننده کی اوطه‌لرک قبولینی و یا قاصه‌لری و مقفل صندوقلری و دولابلری قیرمق و یا آلت مخصوصه‌ایله آچق فعللری عینیه بر بنه‌نک قپوسنی قیره‌رق و یا آلت مخصوصه‌ایله آچهرق خرسزلق ایتمک قیلندن اولدینی حالده قانون جزاده بوکا دائر صراحت موجود اولمديغندن ۲۲۰ نجی ماده‌یه بر فقره علاوه ایدلمش و ۲۲۲ نجی ماده‌نک حد اقل جزاسی خفیف کورلدیکندن بر سنه‌یه ابلاغ اولنوب حیوانات سرقتنه متدائر اولان ۲۲۴ نجی ماده‌ده کی جزا دخی مملکت‌میزک احوال حاضره‌سنه و شرائط اجتماعیه‌سنه نظر آتشدید ایدلمش و بونک ایکنجی فقره‌سنه « کومس حیواناتی و قوانلرده کی آریلر » جمله‌سی علاوه قلممشدر .

۲۲۵ و ۲۲۶ نجی ماده‌لرک محتوی اولدینی مجازات دخی بر نسبت عادلّه دائره‌سنده تزید اولمشدر .

۲۳۰ نجی ماده‌نک علاوه‌سی سارقلره یتاقلق صورته‌یه جریمده اشتراکه دائر اولوب قواعد عمومیه فصلنه علاوه اولنان ماده‌یه نظراً آرتق بونک فقرات ابتدائیه‌سنه محل قالمديغندن طی ایدلمش و یالکز تحریاته شروعدن مقدم حکومته خبرویرنلر حقنده کی احکام ابقا قلممشدر .



برده سرقت فعللارینک جزای ذاتاً شدید اولدیغی کبی  
برقسم خفیف کوریان مجازات دخی تشدید اولندیغندن و فقط  
ایقاع اولنان جرم پک خفیف برضرری منتیج اولدیغی تقدیرده  
عین جزانک تطبیقی و مثلاً بش بیسک غروشاق بر خرسزلقله  
اوج بش غروشاق خرسزلغک عین جزا ایله مجازات اولنمی  
مغایر عدالت کورلدیکنندن ذیل مذکورک فقره اولاسنه اموال  
مسروقه دون برقیمتی حائر اولدیغی حالده جزانک ناشدن نصفه  
قدر تنزیلی قاعده سی قبول اولمشدر .

مملکت مزده پک چوق منازعات اموال غیر منقوله نك تصرفه  
تعرضدن نشأت ایتمکده اولدیغندن حقوق تصرفیه نك تأمین  
امرنده ۲۵۲نجی ماده یه برذیل علاوه اولنه رق بوکبی تعرضات  
درجات متفاوتده دوجار مجازات ایدلمشدر .

محصولاتک قطع و تلفنک جزای بر مقدار تزیید اولنمغه  
برابر ثروت عمومیه ملیه نقطه نظرندن پک زیاده جالب اهمیت  
ودقت اولان اشجار مئمره ایله زیتون وکل و ایپک استحصانه  
خادم طوت آغا جلری و باغ چبوقلری کبی اشجار نافع نك  
قطع و تلفی حقنده احکام مخصوصه ترتیب اولمشدر .

۲۶۰نجی ماده یه علاوه اولنان ذیل ایله مزعج و مستکره  
صورتده سرخوش اولانلر حقنده جزای نقدی تعیین ایدلدیکی

کبی اعتیاد حالنده بر هفته حبس جزاسی تعیین اولنق صورتیله  
اعتیاد کیفیتی فعلک اسباب مشدده سی عداولمشدر .

§

۳۶۷

شورای دولت تنظیمات دائره سنک اسباب  
موجبه مضبطه سی

جزا قانوننک اکال نواقصی ایچون عدلیه نظارتجه ممالک  
سائره قوانین مکمله جزائییه سی ده نظر دقته آتیه رق بر قانون  
لایحه سی احضار ایدلش ایسه ده بو لایحه نک هر صورتله تأمین  
احتیاجات ایده جک بر حال مکملیه کتیرلمسی تدقیقات جدیه و متمادیه  
ایفاسنه و بالاخره مجلس عمومیجه ده سنه لرله مذاکرات و مبا  
حثات اجراسنه متوقف اولدینی درکار اولوب حالبو که قانون  
حاضرک کوندن کونه اظهار نقصان ایدن موادینک تعدیل  
واصلاحی و بعض موادینک ده طی و اخراجی هم بویوزدن  
خللدار اولان حقوق عمومییه نک تحت تأمین آئینسنه همده  
مکمل بر قانون جزا لایحه سی وجوده کتیرلمک ایچون لزومی  
اولان وقتک قزانلسنه مدار اوله جغندن او صورتله لازم التعدیل  
کوریلان مواده دائر تنظیم و طبع ایتدیریلان قانون لایحه سی  
ایله اسباب موجبه لایحه سنک تقدیم قلندینی بیانیله ایفای

مقتضای سنه دائر عدلیه نظارتینک شورای دولته حواله بیوریلان  
 ۶ ربیع الآخر سنه ۳۲۸ تاریخی و طقسان بر نومرولی تذکره سی  
 تنظیمات دائرہ سنده قرائت و ملفوفی لایحه قانونیه عدلیه  
 مفتش لرندن ضیاء الدین افندی مدعواً حاضر اولدینی حالده  
 تدقیق و مطالعه اولندی .

بر جرمک و قوعنده متضرر اولانلرک اقامه سنه مختار اولدینی  
 حقوق شخصیه باقی قالمق اوزره جرمک نوع و درجه سنه نظراً  
 آسایش عمومی یه اولان تأثیری نظر اعتباره آلمق و جمعیتک  
 بو صورتله انتظامنه خلل کلمک اوزره ولی الامرک ترتیب  
 جزایه اولان حق حسبیلله حکومت سنیه جه اک اول قلمه  
 آلمان قوانین عمومیه دن بری جزا قانونی اولوب تقادم زمان  
 ایله افعال بشریه ده ظهوره کلن معاملات اهالیجه استراحتی  
 سلب ایلدیکی و بوضورتله آنک منعه حکومتجه لزوم کورلیدیکی  
 حالده کیفیتک نهی قانونی اولمق اوزره اعلانی وظیفه دولتن  
 بولمنی حسبیلله قانون مزبور وقتاً من الاوقات خیلی تعدیلاته  
 اوغرامش و اعلان مشروطیتی متعاقب بونک مجلس عمومینک  
 تصدیقنه عرضی طبیعی بولمنش ایسه ده نظارتک تذکره سی ایله  
 لایحه نک اسباب موجب سنده بر تفصیل ذکر و بیان قلندی  
 اوزره بر ملتک افعال عمومیه سی امرونی قانونی آلتیه آله زرق  
 بوبابده بر فهرست جزا اولمق اوزره قانون جزا تنظیمنده کی

حکمتک حصولی اولاً جزائک امثالنه ارأئه عبرت و اخلاقک  
تصفیه سنه خدمت ایتسنه و ثانیاً جرائمک اسایشه اولان تأثیری  
نظر اعتنایه آلمق کبی اطرافلیجه تدقیقات اجرا سنه متوقف  
اولوب بوده و قته محتاج اولسنه بناءً ایشک تسریعندن برفانده  
مأمول اولدیغی درکار و شوقدرکه شیمیدین منعیچون بر جزا  
تهدیدی آلتنه آلمی ضروری اولان افعالک بر آن اقدام قانون  
حاضره درجی لزومی دخی بدیدار اولدیغندن نظارت مشار -  
الیهاجه بوجهتک ترجیحیله مواد معدله و مذیله بی مشتمل  
بر لایحه تنظیمنده کی مطالعه ایجاب مصاحته موافق و هیئت  
عمومیه سی اعتباریله شایان قبول کورلمش اولوب آنحق تقدیر  
ایلیه جک مجازات جرم ایله متناسب اولدیغی تقدیرده حکم  
و تطبیق متعسر اولدیغی بالنجربه ثابت اولدیغی کبی تعبیر عام  
و مطلقیه ذکر ایدیلان جرایمک قانونده کما کان ابقاسیله دیکر  
ماده لرده ده بشقه بشقه ذکر نایمحل اوله جنی و رشوت فعل  
قییحنک بحق منعیچون بعض موادینک دائره جه دوشونیان  
صورته کوره تعدیلی تنسیب ایدلمش و تعدیلات مذ کوره نسخه  
مطبوعه اوزرینه سرخ ایله اشارت اولنه رق لفاً تقدیم قلممش  
اولغله مرعیتنه مترتب معاملاتک ایفاسی بابنده امر و فرمان  
حضرت من له الامر کدر .

اعضادن اعضادن اعضادن تنظیمات دائره سی رئیس ثانسی  
عبداه بك كمال الدين دلبر افندی محمد سعید

حین تختیمده بولندی حین تختیمده بولندی اعضادن اعضادن  
عبدالرحیم شادان مصطفی نوری

§

## مجلس مبعوثان عدلیه انجمنی مضبطه سی

اليوم مرعى بولنان قانون جزانك بعض موادى مقدا مئه  
قائم اولق وبعض موادينه ذيل وعلاوه ايدملك اوزره عدليه  
نظارتيجه تنظيم وهيئات عموميه قراريله عدليه انجمننه حواله  
بيوريلان لايحه قانونيه انجمنمزجه تدقيق اولنه رق عدليه  
نظارتمندن كوستريلن اسباب موجبہ جداً وارد كورلديكندن  
لايحه مذكورہ نك بعض موادنده تعديلات جزئيه اجرائى  
صورتيله قبول ايدملش اولمغله هيئات عموميه به تقديمه قرار  
ويرلمشدر ..

۸ كانون ثانى ۳۲۶

اعضا	ضبط كاتبي	مضبطه محررى	عدليه انجمنى رئيسى
جانيك مبعوثى	صاروخان مبعوثى	قرق كليسا مبعوثى	قسطمونى مبعوثى
محمد على	على حيدر	مصطفى عارف	احمد ماھر

اعضا	اعضا	اعضا	اعضا
درسم مبعوثی	کو. اجنه مبعوثی	قره حصار شرقی مبعوثی	سیواس مبعوثی
لطیف فکری	محمد عارف	عمر فیضی	مصطفی ضیا
اعضا	اعضا		
طرابلس شام مبعوثی	ازمیر مبعوثی		
فواد خلوصی	سید		

§

— مجلس اعیان عدلیه انجمنی مضبوطه سی —

قانون جزانک بعض موادى مقـامنه قائم اولمق اوزره حکومتجه تنظیم و مجلس مبعوثانجه تعديلاً قبول اولنوب مجلس مذکور ریاستنک ۲۳ نیسان سنه ۳۲۷ تاریخ و ۱۲۸ نومرولى تذکره سیله ارسال اولنان لایحه قانونیه مطالعه و ایجابی مذاکره اولندی .

اليوم دستور العمل بولنان قانون جزانک ایجابات حاضره اجتماعیه ایله قابل تألیف اولمیان و بعض جرائمک ماهیتى قطعی صورتده تعیین ایتیمان احکامى محتوی اولدینی کبی بعض جزالر ایله افعال جرمیه آره سنده نسبت عادلّه بولنمديغندن و حکومتجه تنظیم و مجلس مبعوثانجه تعديلاً قبول اولنان مواد معدله قانونیه لایحه سی ده محاذیر معروضه یی برطرف ایتمکده بولنمديغندن



سالف الذکر لایحه نك هیئت عمومی سی اعتبار یله قبولی انجمن مزجه موافق کورلمش و آنجق برقاج ماده احکامنك توسیعی و یامقصد قانونی یه کوره تحریراً تصحیحی مقتضی کورونمشدر .

مسئولیت جزائییه سننه واصل اولمیانلرك ایشلییه جکلری افعال جرمیه دن طولایی دوچار اوله جکلری جزایی تعیین ایدن قرقنچی ماده نك مجلس مبعوثانجه تعدیلاً قبول اولسان متننه نظراً اون الی یاش مسئولیت جزائییه مبدأ تعیین ایدلمش ایسه ده اقلیم مزه واحوال حاضر مزه نظراً سن مذکور تمامیه تمیز وادرا که غیر کافی اولدیغندن تعیین تمامی جزا ایچون ۱۹ یاش مساعد اعتبار اولنمش واون بشدن صکره اون سکزی یاشنی اکمال ایتیانلرك دخی بالنسبه تخفیف جزایه و جوهله استحقاقلری درکار بولنمش اولسنه و خصوصیه بوسنده بولنانلرك اعدام ومؤبد جزالره دوچار ایدلملری موافق مصلحت کور یله مه مسنه مبنی اولوجهله ماده مذکوریه بر فقره علاوه قلمشدر .

اون اوچ یاشنی اکمال ایتیمش اولنلرك اصلاحخانه ده طوتلری متن ماده ده صراحة مذکور اولدیغی وجهله برای تربیه اولدیغندن و اوقیل غیر ممیزلرك سن رشده وصولرندن صکره یه قدر اصلاحخانه ده برا غاملری بوبابده موضوع تدبیر قانونینك اساس حکمتنه موافق اوله میه جغندن ( حکماً تعیین اولنه جق مدت ظرفنده ) عباره سی یرینه ( نهایت سن رشدینی تجاوز ایتیمه جك برمدتله دنیلیمسی تنسیب ایدلمشدر .

صبي غير مميز لك پدر وولى ويا وصيلرينه تسليم لرندن  
مقصد او منلاو صيلره اجراى نظارته اصلاح حالرينى تأمين  
وديك بر جرم ايقاع ايتلرينه ميدان ويرمه مك اوزره تقيد  
اولديغندن وكنديلرينه تسليم اولنان صبيانك سن تميزه  
وصول لرندن اول عدم تقيد لرندن ناشى بر جرم ايقاع ايتدكارى  
تقيد رده ابوين وولى ويا وصيلرك معاتب طوتله ملر تقيد و نظارته  
تسيلرينه ميدان ويره بيله جكندن بوكي احوالده ابوين وولى  
ويا وصيلرك برليرادن يوز ليرايه قدر جزاى نقدى ايله مجازات  
ايدملرى مناسب كوريلهرك بوباده برفقره درج ايدلمش و ابوين  
وولى ووصيلرك مسئؤل ايدملرى تقيد و نظارتى تعهد ايتلرينه  
استناد ايتديرلك مقتضى بولنديغندن (ابوين ويا ولى ووصيلرينه  
تسليم) عباره سندن اول (كنديلرندن تعهد نامه آلمق صورتيله)  
عباره سنى علاوه اولمشدر .

حين ايقاع جرمده اون اوچ ياشنى اكمل ايتمش اولوبده  
اون بش ياشنى اتمام ايتمه مش اولنلرك تعيين جزاى خصوصنده  
بلوغلرينك ثبوتى اوزون و مشكل بر مسئله اولديغندن اولبابده كى  
قيد طى و اخراج ايدلمش و ضبطيه نظارتى آلتنه آلمق جزاسنك  
مدتى فضله اولديغندن بش سنده دن يدى سنده قدر تنزيل  
و تعديلات واقعه نتيجه سنده ماده نك آله جفى شكل زيره درج  
ايدلمشدر .

### • ۴ نجی ماده قائمه :

حين ايقاع جرمده اون اوچ باشنى اكمال ايتماش اولانلر  
 قوه ممزه دن محروم عد اولنوب ايشلدكلى جرمدين مسئولى  
 اولمازلر. آنچق جناحه محكمه سى حكيميله و كندولرندن تعهدنامه  
 آلتق صورتيله ابوين وياولى ووصيلرينه تسليم وياخود نهايت  
 سن رشدينى تجاوز ايتيه جك برمدتله برلى تريبه و توقيف  
 بر اصلاحخانه يه اصال اولنور لر ابوين وياولى ووصيلرينه با تعهدنامه  
 تسليم اولنان چو جقلى اون بش ياشنى اكمال ايتمكسزىن قيد  
 و نظارتده تسبيله بر جرم ايقاع ايتلمرينه ميدان و يريلور ايسه  
 محافظه سنه مأمور اولانلردن برليرادن يوز ليرايه قدر جزاى  
 نقدى آتور .

حين ايقاع جرمده اون اوچ ياشنى اكمال ايتمش اولوبده  
 اون بش ياشنى اتمام ايتماش اولانلر حقلرنده ايشلدكلى جرمدين  
 دولايى بروجه آتى جزا تعيين اولنور .

اكر جرمى اعدام ويا مؤبد كورك ويا قلعنه بندلك ويانف  
 ابد جزالرينى مستلزم اولان جنايات قيباندىن ايسه اصلاح نفس  
 ايچون بش سنه دن اون سنه يه قدر حبس اولنور و اكر موقت  
 كورك ويا موقت قلعنه بندلك ويانف موقت جزالرينى موجب  
 اولان جرائمدين ايسه كذلك اصلاح نفس ايچون جرمينك  
 مستلزم اولدينى جزا مدتلك ربعدن نهايت ثاى مقدارى مدته دك

حبس اولنور و بوايكي صورتده دخي بش سنه دن يدي سنه يه قدر ضبطيه نظارتی آلتنه آله ييلور واکر جرم حقوق مدنيه دن اساقات جزاسنی موجب ايسه كذلك اصلاح نفس ايچون آتی آيدن اوچ سنه يه قدر حبس اولنور .

اگر ذکر اولنان جزا لک ماده وننده بر جزايي موجب ايسه اول جزا نك ثا ت مدتی تجاوز ايمه مك اوزره بر مدت معينه ايله كذلك اصلاح نفس ايچون حبس اولنور . اگر مجازات تقديريه بي مستلزم انسه نصفی تنزيل ايديلور .

حين ايقاع جر مده اون بش ياشنی اتمام ايتش اولوب ده اون سکر ياشنی اكمال ايتامش اولانلر اعدام ويا مؤبد کورک ويا مؤبد قاعه بندک ويا مؤبد نفی جزا لرینی مستلزم اولان احوالده اصلاح نفس ايچون يدي سنه دن اون بش سنه يه قدر حبس اولنور . موقت کورک ويا موقت قلعه بندک ويا خود نفی موقت جزا لرینی مستلزم احوالده كذلك اصلاح نفس ايچون مجازات اصليه مدتک نصفندن ثلثانی مدتته قدر حبس اولنور و هرايكي صورتده دخي بش سنه دن اون سنه يه قدر ضبطيه نظارتی آلتنه آله ييلور واکر جرم ذکر اولنان جزا لک ماده وننده ايسه جزای اصلي نك ربعی بعدال تنزيل حبس جزايي تعيين اولنور .

## ۴۷ نجی ماده :

بر جر مده تخفيف جزايي موجب اسباب تقديريه موجود

اولدینگی حالده مجازات ترهیدیه نك هانگی جزالره تحویل اولنه جقلری علی الانفراد بیان اولندقدن صکره واکر قانون، مجازت ترهیدیه دن برینک یالکز حد اعظمی ایله محکومیت جزاسنی تعیین ایلش ایسه مذکور جزانک حد اصغریسه قدر حکم ایدیه بیلور ( فقره سی زائد و مکرر قالد جغندن طی و اخراج اولنمشدر .

### ۵۵ نجی ماده :

ذات حضرت پادشاهینک حیاته سؤ قصده تشبث ایدنلرک سؤ قصده ایتمش اولانلر کی اعدام اولنملری اساسی ماده اصلیه ده موجود اولدینگی حالده بونک تشبث حقنده قاعده عمومیه وضع ایدن ماده نك دائره حکمنه داخل اولدینگی مطالعه سیله اخراج ایدلمش اولوب حالبوکه بوتشیشک اهمیت جرمیه سینه بناء اصل فعلدن ده دون برجزا ایله مجازات ایدلمی موافق کورلماش اولدیغندن اولباید برقید علاوه اولمغله فقره مذکورده ( ذات حضرت پادشاهینک حیاته سؤ قصده ایدن و یاخود اجراسنه تشبث ایلیان کسه اعدام اولنور ) صورتنه افراغ و بوماده نك فقره اخیره سنده کی ( حکومتک شکل و هیئت ) تعبیری ( حکومتک شکل مشروطیتی ) عبارده سیله تبدیل ایدلمشدر .

### ۶۸ نجی ماده :

مرتشیدن راشینک ویردیکی پاره ایله جزای نقدی اولمق

اوزره اول مقدار جزای نقدی آلتق مقصد قانونی اولدیغی  
حالده نصابسه توضیح اولنماش اولدیغندن ( مرتشیدن  
آلدیغی پاره ) عباره سندن صکره ( ایکی قات اوله رق ) قیدی  
علاوه ایدلمشدر .

### ۱۰۶ نجی ماده :

امر مأموریتلرینی اجراده وفوقنده بولنان آمرینک امرینی  
انفاذده قانون ونظامک تعیین ایتدیکی احوالدن غیری صورتده  
اوله رق برکیمسه حقنده برسوء معاملیه ویا جسماً اذاویره جک  
حالتیه جرأت ایدن ویا ضرب وجرح ایلیان مامورلرک مدت  
جزائیله لرینی اتماملری عقبنده همان ماموریتیه تعیین اولملری  
موافق حال ومصلحت اولهمیه جغندن بوقبیل کسانک افعال  
جرمیلرینه کوره مؤبدأ ویا موقه رتبه وماموریتدن محرومیت  
جزالریله ده مجازات اولملرینه دائر بر فقره علاوه ایدلمشدر .

### ۱۷۹ نجی ماده :

صوک فقره سنده مشتکینک تعقیب دعوادن فراغتی حق  
تعقیبی منع ایده جکی مصرح ایسه ده عباره مذ کوره مجمل وحتی  
مبهم اولوب مقصد قانونی ایسه اقارب وتعلقات بیننده وقوعه  
کلان دعوالرک تعقیبندن مشتکینک فراغتی حالنده حقوق  
عمومیه دعواسنک سقوطی بولندیغندن فقره مذ کوره ( اقارب  
وتعلقات بیننده وقوعه کلان ضرب وجرح دعوالرینک تعقیبندن



شکایتنامه نك اعطاسندن صكره دخی مشتكينك فراغتى حقوق عمومیه دعواسنى اسقاط ايدر ( صورتنده توضیح ایدلمشدر .

## ۲۰۱ نجی ماده نك علاوه سى :

زوجه ايله برابكرده ساكن اولديغى خانه ده زوجك ديكر خاتون ايله زنا فعل قبيحك اجراسى موجب مجازات اولمق ايجون اعتياده موقوف قانمش ايسه ده اساساً بوفعلك جرم قانونى ارمى مناسبات عائله ي افساد نقطه سنه معطوف اولديغندن و بوده فعل مذكورك بردفعه ايقاعيله بيله مختل اوله بيله جكمندن ( اعتياد ) قيدي حذف اولنه رق ( زنا فعل قبيحك اجراسنى اعتياد ايتمش ) يرينه ( زنا فعل قبيحنى اجرا ايتمش ) دينلمشدر .

## ۲۱۴ نجی ماده :

اصولاً دعوای شخصیه اقامه سنه متوقف اولان احوالده يعنى ذم و قدح و افترا خصوصاتنده اقامه دعوان صكره دعوای واقعه دن فراغتك حقوق عمومیه دعواسنى اسقاط ایده بيله چكى مذكور ايسه ده بركره افترا دن ده لايى اقامه دعوى ايدليكدن صكره بوندن مدعى شخصينك فراغتيله حقوق عمومیه دعواسنك سقوطنى قبول ايتك ۲۱۳ نجی ماده قانونیه نك فقرات اخيره سيله وضع ايديلان اساسه مخالف اولمقله برابر افترا جرمنك تأثيرات وخيمه سنه و افترانك وقوعيله ماده و معناً حاصل اولان مضرات

اعتباریله کیفیت آسایش عمومی به متعلق بر حادثه مهمه جرمیه اولدیغنده شبهه ایدیله میه جکندن فقره مذکورهدن افترا نك استثناسی موافق کورلمش و) آنجق افترا دن ماعدا احوالده مدعینك ( قیدی علاوه ایدلمشدر .

## ۲۵۲ نجی مادهیه ذیل :

آخرك اموال غیر منقوله سنده کی تصرفك اخلاالی محتاج توضیح بولندیغنه وجبر و شدتله اولیه رق و یا انتفاع مقصدیه وقوع بوله جق تجاوز و مداخله متن ماده دن خارج قالدیغنه بناءً توضیح اولنق و بوضورتله وقوع بوله جق تجاوزده تجریم وجبر و شدت استعمالیه واقع اوله جق تجاوزدن تفریق ایدلك اوزره ذیل مذکور وجه آتی به افراغ اولنمشدر .

## ۲۵۲ نجی مادهیه ذیل :

[ آخرك عهدۀ تصرفنده بولان اموال غیر منقوله یه یدنده تصرفنی ناطق برسند خاقاتی اولمدینی حالده خود بخود مداخله و تجاوز ایلیه رك ضبط ایدن و یا خود اموال مذکورهدن انتفاع مقصدیه حدودینی تحویل و تغیر ایدن شخص بر آیدن آتی آیه قدر حبس اولنور و هر ایکی صورتده دخی اشبو ضبط و تغیر حدود فعللری جبر و شدت استعمالی و یا تهدید ایقاعیه وقوع بولمش ایسه فاعلی ایکی آیدن برسنه یه قدر حبس ایدیلور و بوفعللر ایچلرندن ولو برینی مساح اولسون متعدد اشخاص

طرفندن ایقاع اولنورسه حبس جزائی آتی آیدن اوج سنه یه  
قدر امتدد ایلر .

ایشته قانون جزا لایحه سنک انجمن مزجه محتاج تعدیل  
کوریلان نقاطی بالاده شرح وایضاح قلمش اولغله کیفیت  
هیئت عمومیه عرض اولنور .

محمد غالب دلبر حاجم اریستیدی اسماعیل حقی  
سلیمان البستانی یورکیادیس



# جزا قانوننامه هاپونی

## مقدمه

### برنجی فصل

على العموم جرم و جزا لك مراتب و درجاتيله بعض اصول عموميه  
بیاننده در

۱ ماده — طوغریدن طوغری به حکومت عالیله وقوع  
بولان جرایمك اجرای مجازاتی دولته عائد اولدیغی کبی یر شخص  
علیله وقوع بولان جرایمك آسایش عمومی بی اخلال ایلی  
جهتی دخی كذلك دولته عائد اولدیغندن تعیین و اجرایی شرعاً  
امر اولی الامرء عائد اولان تعزیرك تعیین درجاتی دخی اشبو  
قانوننامه متکفل و متضمن اولوب انجق هر حالده شرعاً معین  
اولان حقوق شخصیله خلل کلیه جکدر .

۲ ماده — قانوناً مجازات اولنان جرایم اوج نوعدر :  
برنجیسی جنایت ، ایکنجیسی جنحه ، اوچنجیسی قباحتر .

۳ ماده — جنایت مجازات ترهیبیه بی استلزام ایدن افعالدر  
مجازات ترهیبیه قتل ومع التشهیر مؤبداً ویا موقتاً کور که قونمق  
وقاعه بند اولمق ماده لرله نفی ابد ومؤبداً رتبه ومأموریتدن  
محرومیت وحقوق مدنیهدن اسقاط ماده لریدر .

۴ ماده — جنحه مجازات تادیبیه بی مستلزم اولان افعالدر  
مجازات تادیبیه برهفته دن زیاده حبس وموقتاً نفی ومأموریتدن  
طرد وجزای نقدی ماده لریدر .

۵ ماده — قباحتر معامله تکیدریه بی مستلزم اولان افعال  
وحرکاتدر ، معامله تکیدریه یکرمی درت ساعتدن برهفته یه  
قدر حبس ونهایت یوز غروشه قدر مجازات نقدیه در .

۶ ماده — قانونک تعیین ایلدیکی یرلرده اشبو جزا ربعضاً  
یالکیز وبعضاً برابر اوله رق حکم واجرا اولنور .

۷ ماده — نفی موقت وحبس وموقت قاعه بندلک وموقت  
کورک جزا لرینه مستحق اولنلر موقع جزا لرندن فرار ایدرلر  
ایسه طوتلدقلرنده مدت باقیه لرینه اصل مدت جزا لرینک  
ثائتدن نصفه قدر مدت ضمیمه جزا لری تزیید اولنور . واکر  
نفی ابد جزا سنه مستحق اولان کیسه منافسندن فرار ایدرسه

مؤبداً قلعه بند قیلنور. و مؤبد قلعه بندلکدن فرار ایدن کیمسه  
مؤبداً کورکه قونیلور.

### ۷ نجی ماده نك ذیلی ملغادر.

نوط — مؤبداً کورکدن فرار ایدنلر حقنده بشقه بر جزا یوقدر  
الکتر حبسخانه لرحه تدابیر انضباطیه توسل اولنور.

۸ نجی ماده قائمه — مکررلر سقنده کی احکام صور آتیه  
اثره سنده تطبیق واجرا اولنور.

بر کیمسه مجازات ترهیبیه دن بر یله صورت قطعیه ده محکوم  
ولدق دن صکره اثنای مدت جزائییه سنده ویامدت جزائییه سنی  
کمال ایتدکدن ویا جزا اسباب قانونیه دن بر یله ساقط اولدق دن  
صکره اون سنه ظرفنده مؤبد کورک جزاسنی مستلزم بر جرم  
یتقاع ایدر واولکی محکومیتی ده مؤبد کورک جزاسنی بولنور  
ایسه [اعدام] اولنور. نفی ابد جزاسنی مستلزم بر جرم ایتقاع  
بدرسه مؤبد [قلعه بندلک] جزاسیله مجازات اولنور.

ایکنجی جرم مؤبد قلعه بندلک جزاسنی مستلزم ایسه مکرر  
ولان شخص [مؤبداً کورکه] محکوم ایدیلور.

ایکنجی جرم موقت قلعه بندلک ویاموقت کورک جزاسنی  
ستلزم ایسه فاعلک مستحق اولدینی جزا ایکی قات اوله رق  
تکم اولنور ولدی الایجاب بوجز الرک حد اعظمی اولان [اون  
سنه] ایکی مثلته ابلاغ اولنه بیلور.

بر سنه دن زیاده حبس جزاسیله صورت قطعیه ده محکوم



اولان کیمسه کرک جزانک انفاذندن اول کرک اثنای مدت جزائیه ده و یا خود مدت جزائیه سنی اکمال ایتدکدن و یا جزا اسباب قانونیه دن بریله ساقط اولدقدن صکره بش سنه ظرفنده عین جنجه یی ایقاع ایدرسه اشبو جزانک حد اعظمیله محکوم اولور ولدی الایجاب بو جزالrk حد اعظمی ایکی مثله قدر ابلاغ ایدیلور .

برسنه دن آشاغی حبس جزاسیله صورت قطعیه ده محکوم اولان کیمسه کرک جزانک انفاذندن اول و کرک اثنای مدت جزائیه ده و یا خود مدت جزائیه سنی اکمال ایتدکدن و یا جزا اسباب قانونیه دن بریله ساقط اولدقدن صکره بش سنه ظرفنده عینی جنجه یی ایقاع ایدرسه مقدا محکوم اولدینی جزا مدتک ایکی مثلندن دون اولماق و مستحق اوله جنی جزانک ایکی مثانی تجاوز ایتماک شرطیله حبسه محکوم ایدیلور .

جنجه لرده ساخته کارلق ، سرقت طولاندریجیللق ، امنیتی سوء استعمال فعللری تکررده عینی جرم اعتبار اولور . تکررده اساس ، محکومیت سابقه نک محاکم عدلیه دن صدوریدر ۹ ماده — اشبو جزالrk حکم و ترتیب و اجرایی ارباب جنایت و جنجه و قبایح علیمه اصحاب دعوانک حقوق و تضمینات مطلوبه سنه قطعاً خلل کتورمز .

۱۰ ماده — جزای نقدی ایله برابر اموال مسروقه

استردادى و تضمينات و سائر برلكده اوله رق حكم اولنديغى  
حالده اول باول اموال مسروقه و تضمينات تحصيل اولنور .

۱۱ نجى ماده قائمه — مصارف محاكمه نك ايفاسى محكوم عليه  
عائدر . بر جرم دن دولايى محكوم اولان اشخاص متعدده رد  
اموال و اعطاي تضميناتده و مصارف محاكمه نك ايفاسنده آخره  
حصه سيله حق مراجعتى اولق اوزره يكدىكرينه متكفلدر .  
جرائم مختلفه دن دولايى بر اعلام ايله محكوم اولان اشخاص  
متعدده نك يكدىكره تكفلى يالكز مشتركاً محكوميتى انتاج ايدن  
جرمك مصارف محاكمه سنه عائدر .

۱۲ نجى ماده قائمه — جنایت و جنحه يه متعلق مواده  
مأمورين ضابطه طرفدن نظارت آلتنه آلمق و جرمده استعمال  
اولنان و يالاجل الاستعمال تبيه قلنان و يا وقوع جرم دن حصوله  
كلن اشيا جرمده ذى مدخل اولميان اشخاصه عائ اولنديغى  
حالده ضبط ايدلمك جزالرى دخی مشتركاً حكم و ترتيب  
اولنه بيلور .

اعمالى ، استعمالى ، طاشينمى ، محافظه سى ، بيع و شراسى  
جرم تشكيل ايدن اشيا بر محكوميت جزائيه اولمسه و اشياى  
مذكوره فاعل جرمه عائ بولمسه بيله مطابقاً ضبط و مصادره  
اولنور .

۱۳ ماده — دولتک يا داخلاً يا خارجاً آسایشنى اخلاص

ایده جک جنایت و جنحه به جرات ایتمش اولان اشخاص قانوناً تعیین اولنه جق مدت جزائیة سنی تکمیل ایتدیکدنصکره مطلقاً ضبطیه نظارتی آلتنده بولنور .

۱۴ ماده — ضبطیه نظارتی آلتنده بولمق دولتک تعیین ایده جکی محللرده اقامت ایده مامک و اقامت ایده جکی محلی واورایه کیدنجیه دک کچه جکی یرلری کندوسی تعیین و بیان ایده رک یول تذکره سنه اولوجهله اشارت قلنمق و اول محله ورودنده یکرمی درت ساعت ظرفنده ورودینی حکومته خبر ویرمکه واورادن دیکر برطرفه کیده جک اولدینی حالدیه اوچ کون اول حکومته اخبار ایدوب مجدداً یول تذکره سی آلمغه مجبور اولمق خصوصلرندن عبارت اولوب شرائط مذکوره به رعایت ایتدیکی صورتده اول کیمسه [برسنه دن] زیاده اولماق اوزره حبس ایله مجازات اولنور . و قانوناً لازم کلدکجه هیچ برکیمسه ضبطیه نظارتی آلتنه آلتماز .

۱۵ ماده — هر جنایت و جنحه و قباحته طرف حکومتدن ظاهره اخراج اولندینی و یا مدعیسی ظهور ایلدیکی زمانده مرعی اولان قانون و نظام ایله تأدیی اجرا اولنوب مؤخر اولان قانون ایله مجازاتی اجرا اولنه مز .

نوط — بر قانونک حکمی ماقبلنه شامل اوله ماز . فقط مخفف جزا اولان احکام بوندن مستثادر .

## ایکینچی فصل

جنایاتہ مخصوص اولان جزا لک تفصیلاتی بیانندہ در

۱۶ ماده — اعدام زیرده محرر اولان موادده تعیین اولنان جنایتلر اصحابی حقندہ جاریدر . بو جزایہ مستحق اولہ حق جاننک جنایتک ثبوتی و حکمنی حاوی بالاسی طغرای غرا ایله موشح اولہرق صادر اولان امر عالی اول امرده میدان سیاستده علناً قرائت اولندقجه اول جانی قتل اولنماز .

۱۷ ماده — مقتولک جسمدی ورثہسی اولمدینی حالده منسوب اولدینی ملتی معرفتیلہ دفن ایتدیریلور .

۱۸ ماده — اعدام جزاسنہ مستحق اولان قاری حاملہ اولدینی لدی الافادہ حملی تحقق و کسب ثبوت ایلدیکی تقدیرده جزاسی وضع حمل ایتدکدنصکرہ اجرا اولنور .

۱۹ ماده — کورک ایاقلرنده تیمور اولدینی حالده خدمات شاقہده قوللانلقدر کورک جزاسنہ مستحق اولان شخص حقندہ تشہیر اصولی دخی اجرا اولنور . شویله کہ جزایہ حکم ایدن دیوان مضبطہ سنک غایت قالین حروف ایله یازیلوب مجازات اولنہحق شخص بولندینی شہردہ بر میدانہ و یا ممر ناس اولان بر محلہ کوتوریلوب اشبو خلاصہ کوکسنہ قونیلہرق ایکی ساعت اورادہ توقیف و خلقہ ارانہ اولندقدنصوکرہ

ایاقلربنه تیمور قونیه‌رق محل مجازاتنه کوندریلور اون سکرز  
یاشندن اشاغی اولان ویتیش یاشندن زیاده بولونان اصحاب جنایت  
اشبو شهر قاعده‌سندن معاف طوتیلور .

## ذیل

اهل اسلامدن علما و مشایخ و خطباء و ائمه‌ایله مالل سائرهدن  
صفت روحانیه‌سی اولنلر دخی شهر قاعده‌سندن معاف و مستثنا  
طوتیلور .

۲۰ ماده — مؤبداً کورک بعدالتشهر دولتیجه تعیین اولنه.  
حق محللرده جانینک ایاقلرنده تیمور اوله‌رق [الی وفاته] خدمات  
شاقه‌ده استخدام اولنمسیدر .

۲۱ ماده — موقت کورک کذلک بعدالتشهر دولتنک  
تعیین ایده‌جکی یرلرده [اوج سنه‌دن اون بش سنه‌یه قدر]  
تیمور بند اوله‌رق خدمات شاقه‌ده قوللانمقدردر . فقط  
بش سنه‌دن اشاغی اولان کورک جزاسی محللرنده دخی اجرا  
اولنه‌بیلور .

۲۲ ماده — اعدام و شهر جزالری صاحب جنایتک  
متعلق اولدیغی دین و مذهبنک ایام مخصوصه‌سنده اجرا اولنماز .

۲۳ ماده — مؤبد قاعه‌بندلک دولتیجه تعیین اولنان قلعه‌لرک  
برنده مجرمک [الی وفاته محبوساً توقیف] اولنمسیدر .

۲۴ ماده — موقتاً قلعه بندك كذلك دولتيجه تعيين اولنان قلعه لرك برنده [ اوچ سنه دن اون بش سنه يه ] قدر محبوبساً نوقيف اولنمقدر .

۲۵ ماده — قلعه بندك حبس ايله نفى جزالرينى جامع بر جزا اولوب قلعه بند اولان شخص ضبطيه نظارتك جواز ويرديكى درجه ده داخل و خارج قلعه ده بولنلر ايله مخابره ايده بيلور .

۲۶ ماده — موقت كورك و قلعه بندك جزالرى تنظيم اولنه جق اعلام و مضبطه لرك تصديق كونندن اعتبار اولنور .

۲۷ ماده — موقت پرائقه يه وضع اولنه جق و يا خود قلعه بند اوله جق اشخاص مدت جزالرى طرفنده معاملات عاديئه ذاتيه دن ساقط اوله جق لرندن مدت معينه مذكوره طرفنده كندو اموال و املاكنى اداره ايتك اوزره حكومتك راييه طرفندن بروكيل نصب و تعيين اولنه رق مدت جزالرى طرفنده ايرادلرندن كندولرينه و كيللرى معرفتيله يالكلر حبس خانه لر نظامات مخصوصه سنك تجويز ايده جكي قدرشى ويريلوب بوندن بشقه برشى ويرلميه جك و مدت جزالرينى تكميل ايتد كندو كرا كافة اموال و املاك و اشيالرى كندولرينه اعاده اولنه رق تعيين و لنش اولان و كيللارى دنخى اداره واقعه لر ينك محاسباتنى كندولرينه اعطا ايله جكلردر .



نوط — بوقبیل محکومین یا لکیز معاملات عادیّه ذاتیه دن ساقط  
اولوب تصرفات قولیه لرینک مرعیتی اساسنه بناءً تحت تحکملرنده بولنان  
اموال و املاکی تعیین ایدہ جکلی وکیل معرفتیه اداره ایتک حقلری  
محفوظ اولدیفی کبی امر اداره ایچون تعیین قننان وکیلارک سالف الذکر  
غیر منقولاتی کرک املاک صرفه دن اولسون و کرک مسققات موقوفه دن  
بولنسون و امورین شرعیه معرفتیه علی الاصول کندی ناملرینه  
ویریلجک وکالت تقریری منطوقنجه بیع و فراغه ده مأذون بولندقلری  
صورته امور اداره متعلق تصرفات قولیه جمله سندن بولنان شو مأذونیت  
دائرہ سنده ایفای معامله یه وکیلارک صلاحیتلری در کار بولنش اولدیغنه  
دائر انجمن عدلیه قراری وارذر .

۲۸ ماده — نفی ابد بر شیخصک دولتجه تعیین اولنان بر  
محله مؤبداً کوندریلوب اقامت ایتدیرلمسیدر . بو حالده فاملیاسنک  
دخی اول محله نقانی ایسترایسه مساعده اولنور .

۲۹ ماده — مؤبداً رتبه و ماموریتدن محرومیت جزاسنی  
جرمک فیما بعد دولتجه کرک طوغربدن طوغری یه و کرک التزام  
طریقیه بیوک و کوچوک خدمتده بولنمقدن و رتبه و معاشه نائل  
اولمقدن و نشان طاققدن محروم اولسی و اصحاب رتبه و ماموریتدن  
ایسه اول امرده رتبه و ماموریت و معاشنک رفع اولنمسیدر .

۳۰ ماده — حقلرنده مؤبداً و موقتاً کورک و مؤبد قاعه  
بندلک و نفی ابد جزالری حکم اولنانلر سالف الذکر مؤبداً رتبه  
و ماموریتدن محرومیت جزاسنه مستحق اولور ؛ اما موقتاً قاعه  
بندلک اکر جزای مخصوص اوله رق حکم و تعیین اولنش ایسه

و جزایه مستحق اولان شخص مدت جزا سنده اشبو محرومیت جزا سنده دخی مستحق اولوب مدت جزا سنك تكمیلندن صکره دولتجه اصلاح نفس ایلدیکی تعین ایدرسه طریق واستخدام قابلیتك اعاده سی جائز اولوب فقط قلعه بندك مدتی نقد رایسه نصفی مرتبه سی کچمدکجه اشبو اعاده قابل اوله ماز اکر کور کدن بدل اوله رق تعین بیورلمش ایسه اولوقت قلعه بند قلنان شخص کورک جزا سنده بولنانلر کی مؤبداً اشبو رتبه و مأموریتدن محرومیت جزا سنده مستحق اولور .

نوط — بوماده بی ، اصول محاکمات جزائیہ قانونك ، محکومینك اعاده حقوق ممنوعه سی بیانده اولان فصل رابی تعدیل وتصحیح ایلشدر ،

۳۱ ماده — حقوق مدنیهدن مؤبداً اسقاط جزایی اولا

یکرمی طقوزنجی مادهده مذکور اولان مؤبداً رتبه و مأموریتدن محرومیت جزا سنده مستحق اولمق و ثانیاً کافه حقوق بلدیهدن یعنی مملکتجه و ماتجه و اصنافجه بر مأموریت رسمیهده بولنمقدن محروم اولمق و ثالثاً بر مکتب خواجه لکنده قوللانیمامق و رابعاً اجرای تحقیقاتده قوللانامامق و بردعواده کندوسندن استیضاح کیفیت لازم کلدیکی تقدیرده افاده سی بیانی معلومات حکمنده قبول اولنوب دعواجه حکمسز طوتلق و بردعواده و کالت ایده مامک و خامساً وصی اوله مامق و سادساً سلاح طاشیمغه صالح اولمامق خصوصلرندن عبارتدر .

**۳۲ ماده** — یکرمی طقوزنجی و اوتوز برنجی ماده لرده مذکور رفع رتبه و حقوق مدنیه دن اسقاط جزالری بعضاً مؤبد و موقت کورک و قلعه بندک و نفی ابد جزالریله برابر و بعضاً دخی مخصوص و مستقل جزا اوله رق حکم اولنور. بویه جزای مخصوص اوله رق حکم اولندیغی تقدیرده اوچ سنه دن زیاده اولماق اوزره حبس جزاسی دخی برلکده حکم اولنور .

نوط — بوجزاک مخصوص و مستقل اوله رق زمرلرده حکم اولنه . جغنی قانون تعیین و تصریح ایتمه شد ، بالطبع تطبیق و حکم اولندیغی ده یوقدر ،

**۳۳ ماده** — ذکر اولنان اعدام و مؤبد و یا خود موقت برانغه و قلعه بندک و نفی ابد و رفع رتبه و اسقاط حقوق مدنیه جزالری اعلام لرینک خلاصه لری اعلامک تنظیم اولندیغی ایالت مرکزنده و جنایتک وقوع بولدیغی قضاده و اعلامک اجرا اولنه جغنی محله و مجرمک ساکن اولدیغی موقعده اعلان قلموب شویه که در سعادته باب ضبطیه و طشره لرده حکومت قونای قیوسی اوکنه تعلیق اولنور .

### اوچنجی فصل

جنحه و قباحته متعلق اولان جزالرك تفصیلاتی بیاننده در

**۳۴ ماده** — حبس جزاسی دولت حبس خانه لرده مدت محکومه ایچنده توقیف اولنقدرد . و اشبو حبس جزاسنک

مدتی مجرمك حبسه دخولی تاریخندن اعتباراً [ یکرمی درت ساعتدن نهایت اوج سنه در ] بومقوله محبوسلر دولتجه تعیین اولنان اصول ونظامه و حاللرینه کوره و کندولرینک استعدادی اولان مناسب ایشلرله اشغال اولنورلر .

۳۵ ماده — نفی موقت مجازاتی بولندیفی یردن بر بشقه محله کوندریلوب [ اوج آیدن اوج سنه یه دک ] تغریب اولنمقدردر .

۳۶ ماده — ماموریتدن طرد جزاسی ماموریتی اولنلرک قانون جزا حکمنجه ماموریتلرندن چیقارلمسی و ماموریتیه مخصوص معاشلرینک قطع اولنمسیدر . و طرد جزاسنک مدتی دخی [ اوج آیدن آلتی سنه یه قدر در ] یعنی بو جزایه مستحق اولنلر مدت مجازاتلرنده ماموریت و معاشه نائل اوله مزلر ماموریتده اولمالنلر بو جزایه مستحق اولدقلرنده انلر دخی مدت جزا - لرنده ماموریت و معاشه نائل اوله مازلر .

۳۷ نجی ماده قائمه — مجازات نقدیه : بر شخصدن قانونک تعیین ایتدیکی اوزره اچقه آلمسیدر .

محکوم اولان کیسه کندیسنه اخبارنامه تبلیغی تاریخندن اعتباراً ایکی آی ظرفنده مبلغ محکوم بهی تادیه ایتمز و یا ایده مز ایسه برکون حبس ، ربع لیرا و ربع لیرانک کسورینه بدل اولمق اوزره تادیه اولنماش جزای نقدی بالحا که حبس جزاسنه تحویل اولنور لکن محکوم علیه محبوس قالدیغی بهر

کون ایچون فقره سابقه موجبینجه بر چایرک لیرا تنزیل اولندقدن  
صوکره متباقی مبلغی تأدیه ایدرسه جزای نقدی مقامنه قائم  
اولان حبس جزاسنی اسقاط ایده بیلور فقط حبس مدتی بر  
سنه بی تجاوز ایده من .

**۳۸ ماده** — جنبه یه متعلق جزایی حکم ایده جک محاکم  
جانبدن اوتوز برنجی ماده ده مذکور حقوق مدنی دن اسقاط  
جزاسنک بعض موادی دخی برابر ترتیب اولنه بیلور .  
نوط — بوماده ، نه کی افعال واحوالده حکم وتعیین ایدله جکی تصریح  
ایدلکندن محاکمه حکم اولنه مامقده در ،

**۳۹ نجی ماده قائمه** — حکم قطعی لحوقندن اول وقوع بولان  
موقوفیت مدت محکومه جزائیه دن تنزیل اولنور . اکر محکوم  
علیه حقنده نفی جزاسی حکم اولنش ایسه بر کونلک موقوفیت  
بش کونلک نفیه معادل عد اولنور و اکر مجازات نقدیه ترتیب  
اولنش ایسه جزای نقدی ۲۷ نجی ماده ده کوسه تریلان نسبت  
دائرة سنده محسوب وتنزیل اولنور .

### دردنجی فصل

مدار عفو ومسئولیت اولوب اولمیان و جزایه استحقاق موجب  
اولان حالات بیانده در

♦ **۴۰ نجی ماده قائمه** — حین ایقاع جریمده اون اوچ یاشنی  
اکمال ایتمه مش اولانلر قوه ممیزه دن محروم عد اولنوب ایشلدکاری

جرمدن مسئؤل اولمازلر ، آنجق جنجه محكمه سی حکمیله  
وکندیلرندن تعهدنامه آلتق صورتیله ابوین ویاولی ووصیلرینه  
تسایم ویاخود نهایت سن رشدینی تجاوز ایتیه جک بر مدتله  
برای تربیه و توقیف بر اصلاحخانه یه ایصال اولنورلر ابوین  
ویا ولی ویا وصلرینه باتعهدنامه تسایم اولنان چوجققلر اون بش  
یاشنی اکال ایتیمکسزین تقید و نظارتده تسایمله بر جرم ایقاع  
ایلملرینه میدان ویریلورایسه محافظه سنه مأمور اولنلردن ] بر  
ایرادن یوزلیرایه [ قدر جزای نقدی آلنور .

حین ایقاع جرمدن اون اوچ یاشنی اکال ایتیش اولوبده  
اون بش یاشنی اتمام ایتامش اولانلر حققلرنده ایشلدکاری جرمدن  
دولایی بروجه آتی جزا تعیین اولنور .

اگر جرمی اعدام ویا مؤبد کورک ویا قلعه بندلک و یا نفی  
ابد جزالرینی مستلزم اولان جنایات قیلندن ایسه اصلاح نفس  
ایچون [ بش سنه دن اون سنه یه ] قدر حبس اولنور واکر موقت  
کورک و یا موقت قلعه بندلک ویا نفی موقت جزالرینی موجب  
اولان جرائمندن ایسه كذلك اصلاح نفس ایچون جرمینک  
مستلزم اولدینی جزا مدتک ربعدن نهایت ثانی مقصداری  
مدته دک حبس اولنور وبوایی صورتده بخشی بش سنه دن یدی  
سنه یه قدر ضبطیه نظارتی آلتنه آلنه ییلور واکر جرمی حقوق  
مدنیهدن اسقاط جزاسنی موجب ایسه كذلك اصلاح نفس



ایچون [ آلتی آیدن اوچ سنه یه ] قدر حبس اولنور . اکر ذکر اولنان جزا لک مادوننده بر جزایی موجب ایسه اول جزانک ثلث مدتی تجاوز ایتمامک اوزره بر مدت معینه ایله کذلک اصلاح نفس ایچون حبس اولنور . اکر مجازات نقدیه یی مستلزم ایسه نصفی تنزیل ایدیلور . حین ایقاع جرمدن اون بش یاشنی اتمام ایتمش اولوبده اون سکزی یاشنی اتمام ایتماش اولنلر اعدام ویا مؤبد کورک ویا مؤبد قلعن بندنک ویا مؤبد نفی جزا لرینی مستلزم اولان احوالده اصلاح نفس ایچون [ یدی سنه دن اون بش سنه یه قدر ] حبس اولنور و موقت کورک ویا موقت قلعن بندنک ویا خود نفی موقت جزا لرینی مستلزم احوالده کذلک اصلاح نفس ایچون مجازات اصلیه مدتک نصفندن ثلثانی مدتیه قدر حبس اولنور و هر ایکی صورتده دخی بش سنه دن اون سنه یه قدر ضبطیه نظارتی آلتنه آلتنه بیلور و اکر جرم ذکر اولنان جزا لک مادوننده ایسه جزای اصلینک ربعی بعدالتنزیل حبس جزاسی تعیین اولنور .

۴۱ ماده — مجرمک بر جرمی حین ارتکابنده جنت حالنده بولندیغی ثابت اولور ایسه مجازات قانونیه دن معفو طوتیلور .

۴۲ ماده — بر کیسه بر جرمی اصلا رضاسی اولمیه رق مجبوراً ایشلمش اولدیغی ثابت اولور ایسه کذلک مجازات

قانونیه دن معفو طوتیلور . آنجق بوبابده معتبر اولان مجبوریت جرمک درجانه کوره اول کیمسه بی شعار تهمتدن بتون بتون بری الذمه کوسـتره جک بر کیفیت و کندوسنک مقاومت ایده . میه جکی بر ضرورت اولق لازم کلوب ابوینک اولاده وافندینک خدمتکاره امری کبی تعظیم و احترامدن نشئت ایدن حاللر مجبوریت عد اولنماز .

۴۲ نجی مادهیه علاوه — کرک کندیسنک و کرک آخرک نفسنه و یا عرضنه وقوعبولان و تحرز ممکن اولمیان بر تعرض ناحق فی الحال دفع ضرورتیه ایقاع ایدیان فعل جرم عداولنماز جبرو شدت اجراسیله وقوع بولان نهب و سرقت اثناسنده و یا خود بر شخصک اراده واختیارینی خللدار ایده جک درجه ده بر ضرر عظیمی مؤدی اولان سرقت لرده سارق و ناهب لک صور سائر ایلده دفعی ومالک استرداد می ممکن اولمدینی حالده کندیسنی مدافعه وفی الحال مالی و یا ید محافظه سنده بولنان اموالی محافظه وتخلیص واسترداد ایچون ایقاع ایدیان افعال جرم عداولنماز . حکم قانونی و یا مرجع قانونی سندن صادر اولوب انفاذی وظیفه ضروری اولان بر امری اجرا صورتیه ایقاع ایدیان فعل جرم عداولنماز .

۴۳ ماده — مجازات قانونیه ده نسانک ذکور دن فرقی یوقدر آنجق بعض جزالک صور اجراییه سنده آنلرک خصو . صیت حاللرینه رعایت اولنمق لازم کلور .

نوط — حامله اوله رق موقوفاً و یا محکوماً حبسخانه لرده بولن ان قادی نلرک وضع حمل زمانی تقریب ایلدیکی حالدله طیبیک راپوری اوزرینه محلی خسته خانه سینه نقل و اعزامی لازم کله جکی کبی شاید حکمک عقیب صدورنده وضع حمل ایده جک اولان قادی نلرک دخی حبسخانه لرده تداوی و محافظه لری ممکن اوله میه جغی جهته بولنرک صورت و وقت نقل لری ایچون کذلک طیبیک رأینه مراجعتله حقلرنده معامله مشروحه نك اجرایی و خسته خانه ده بولن دیرلمرینی استلزام ایدن احوالک بر طرف اولدینی طباً تحقق ایلدکن صکره اکمال جزالری ضمننده ینه حبسخانه یه اعاده لری حقنده فی ۱۵ صفر سنه ۹۷ تاریخی بر تذکره علیه واردر .

۴۴ ماده — اموال مسروقه هر کی مک یدنده بولنور ایسه آندن آلنور اما تضمینات مصارف سائره مطلقاً اول جرمک فاعلنه حکم اولنور .

۴۵ نجی ماده قائمه — اشخاص متعدده بر جنایت و یا جنحه یی متحداً ایقاع ایدر و یا خود افعال متعدده دن مرکب اولان بر جنایت و یا جنحه ده بر طاقم اشخاص دن هر بری جرمک حصولی مقصود یله افعال مزبورده دن برینی و یا بر قاجنی اجرا ایلر سه اشخاص مذکوریه همفعل دینلور و جمله سی فاعل مستقل کبی مجازات اولنور .

بر جنایت و یا جنحه نك ایقاعنده فرعاً ذی مدخل اولانلر قانونک صراحتی اولمیان یرلرده بر وجه آتی مجازاته دوچار اولورلر :

اگر فعل اصلی اعدام و یا مؤبد کورک جزائرنی مستلزم

ایسه فرعاً ذی مدخل اولانلر حقنده [اون سنه دن اشاغی اولماق  
اوزره موقت کورک] ومؤبدأ قلعه بندلک جزاسنی مستلزم ایسه  
کذلک [اون سنه دن اشاغی اولماق اوزره موقت قلعه بندلک]  
وؤبدأ نفی جزاسنی مستلزم ایسه [اوج سنه مدته قلعه بندلک]  
جزاسی حکم اولنور .

احوال سائرده اصل جنایت و یا جنحه ایچون معین اولان  
جزانک سدسندن ثلثه قدری تنزیل اولنور .

آخر کیسه بی هدیه و یا نقود اعطاسی و یا تهدید و یا حيله  
ودسیسه اجرا و اعمالی و یا خود نفوذ ایقاعی و یا حکم مأموریتک  
سوء استعمالی صورتلریله بر جنایت و یا خود جنحه ایقاعنه تحریک  
ایدنلر و بر جنایت و یا جنحه نک ایقاع ایدیلر جکمه واقف اوله رق  
حصولته خادم تعریفاته بولنلر و بر جنایت و جنحه ایقاعنه  
مدار اوله حق اسلحه و آلات و وسائط سائره بی بیله رک تدارک  
ایدنلر و بر جنایت و یا جنحه بی اعداد و یا تمهیل و یا ا کماله سبب  
اولان افعاله بیله رک فاعل اصلی یه معاونتده بولنلر اول  
جنایت و یا جنحه نک فرعاً ذی مدخلی عد اولنور لر .

امنیت حکومه و آسایش عمومی یه و امنیت اشخاص و امواله  
قارشی حیدودلق و یا استعمال جبر و شدت ایلیان ارباب  
جرائمک افعال و حرکاتنه واقف اوله رق انلر بهلاختیار ییه جک

و یا یاته جق و صاقلانه جق و یا خود طوپلانه جق محل ویرنلر  
فرعاً ذی مدخل عد اولنورلر .

سرقت و یا غصب صورتیه و یا خود بر جنایت و جنحه  
ایقاعیه استحصا اولنان اشیایی تماماً و یا قسماً بیلهرک  
نزدلرنده حفظ و اخفا ایلنلر اول فعللرده فرعاً ذی مدخل عد  
اولنورلر .

۶۶ نجی ماده قائمه — بر کیمسه بر جنایت ایقاعنی تصمیم  
ایدوبده وسائط مخصوصه ایله اجرا سینه بدا ایدهرک ید  
اختیارنده اولیان اسباب مانعه حیلولتیه اول جنایتک حصو -  
لنه مقتضی افعالی اکل ایدمه مش ایسه قانونک صراحتی  
اولیان یرلرده فعل مذکور اعدام و یا مؤبد کورک جزالرنی  
مستلزم اولدنی حالد متشبث حقنیده [ یدی سنه دن اکسیک  
اولماق اوزره موقت کورک ] و مؤبد قلعه بندلک جزاسنی مستلزم  
ایسه کذا [ یدی سنه دن اکسیک اولماق اوزره قلعه بندلک ]  
و مؤبد نفی جزاسنی مستلزم اولان احوالده [ اوچ سنه مدته  
کذلک قلعه بندلک ] جزاسی حکم اولنور . احوال سائرده او  
جنایت ایچون قانوناً معین اولان جزانک نصفندن ایکی ثلثه  
قدری تنزیل ایدیلور .

متشبث ، جرمک افعال اجراییه سندن بالاختیار فراغت  
ایتدیکی و فقط تمام اولان قسم فعل حد ذاتنده بر جرم تشکیل

ایلدیکی حالدہ انجق اول قسمه مخصوص جزا ایله مجازات اولنور .

برکیمسه تصمیم ایتدیکی جنایتک کافه افعال اجراییه سنی اکمال ایتیش و فقط یداختیارنده اولمیان اسباب مانعه حیلولیله اول جنایت میدانہ کله مش ایسه — قانونک صراحتی اولمیان یرلرده — فعل مذکور اعدام و مؤبداً و کورک و قلعہ بندلک جزالرینی مستلزم ایسه متشبث حقنده [ اون سنه دن اشاغی اولماق اوزره موقت کورک ] و مؤبد قلعہ بندلک جزاسنی مستلزم ایسه کذا [ اون سنه دن اقل اولماق اوزره قلعہ بندلک ] و مؤبداً نفی جزاسنی مستلزم ایسه [ اوچ سنه مدتله قلعہ بندلک ] جزاسنی حکم اولنور . احوال سائرده او جنایت ایچون معین اولان جزانک ثلثدن نصفنه قدری تنزیل اولنور .

برجنجهنک اجراسنه تشبث انجق قانونک صراحتی اولان یرلرده مستلزم جزادر .

۴۷ نجی ماده قائمه — برجرمده تخفیف جزایی موجب اسباب تقدیریه موجود اولدینی حالدہ اعدام جزاسنی [ مؤبد ویا اون بش سنه دن اقل اولماق اوزره موقت کورکه ]، مؤبد کورک [ موقت کورک ویا بش سنه دن اقل اولماق اوزره موقت قلعہ بندلکه ] و موقت کورک و مؤبد قلعہ بندلک جزاسنی [ موقت قلعہ بندلکه ] تحویل اولنور .



جرم ، مؤبد نفی و یا موقت قلعه بندك و یا حقوق مدنيه دن اسقاط و مؤبد آرتبه و مأموریتدن محرومیت جزاسنی مستلزم اولدینی تقدیرده مجازات مذکورہ [برسنه دن اقل اولماق اوزره حبس] جزاسنه تحویل ایدیلور . جرم جنحه قبیانندن اولدینی تقدیرده محکمه مجازات تأدیبیه نك [حد اصغریسنه قدر] حکم ایده بیلور .

## برنجی باب

ضرری عام اولان جنایت و جنحه ایله مجازات مترتبه لری بیاننده در

### برنجی فصل

دولت علیه نك امنیت خارجیه سنی اخلال ایدن جنایت و جنحه لری بیاننده در

۴۸ ماده — تبعه دولت علیه دن هرکیم اولور ایسه اولسون سلطنت سنیه نك دشمنلریله برابر اوله رق علیه نه سلاح طوتار ایسه [اعدام] اولنور .

۴۹ ماده — تبعه دولت علیه دن هرکیم دول اجنبیه یی دولت علیه علیه نه اجرای حرکات خصمانه یه و یا حرب و قتاله تحریک و تشویق ایلك و یا خود دولت علیه علیه نه اجرای حرکات خصمانه و محاربه ایتملرینك سبب و طریقی لره استحصا

ایدیویرمک ضمننده دول اجنیه ویاخود انلرک مامورلری ایله  
اجرای مخبره وفساده تصدی ایدر ایسه بومقبوله افعال فسادیه  
کرک حرکات خصمانه وقوعنی منتج اولسون وکرک اولسون  
کذلک [اعدام] اولنور .

۵۰ ماده — تبعه دولت علیه دن هرکیم دولت علیه دشمنلر-  
ینک ممالک محروسه یه دخوللرینی تسهیل ویا سلطنت سنیه نك برشهر  
ویاقلعه ومواقع مستحکمه ولیمان و انبار وترسانه وجبخانه  
ولوازم حربیه مخصوص اعمالات خانه وفابریقه لرینی وحرب  
سفینه لرینی ودولت علیه دن ضابطان وافراد عسکریه سنی دشمنه  
تسلیم ایدر ویا تسلیمه سبب اولور ویاخود بونلری وکوپری  
وتیمور یوللرینی دشمنک فائده سی ایچون تخریب ایدر ویا استعمال  
اولنه میه جق برحاله کتورر ویا عسکر وآچه وذخیره وسلاح  
ومهمات اعطاسیله دشمنه اعانه ایدر ویاخود کرک جنود دولت  
علیه نك صداقت وانتظاملرینی اخلال وکرک آخر طریق ایله  
لشکر اعدانک ممالک محروسه په تخطی واستیلا وعسا کر سلطنت  
سنیه یه غلبه سنه خدمت ومعاونت ایلر ویاخود بو جنایاتی اجرا  
ایلک اوزره جانب اعدا ایله مخبره واجرای حیلله ودسیسه  
ایدر ایسه کذلک [اعدام] اولنور .

۵۱ ماده — اگر بردشمن دولتک تبعه سیله اجرا اولنان  
مخابرات یوقاروی ماده ده بیان اولنان جنایتلری متضمن اولیوب

فقط جانب دشمنه دولت عليه نك وياخود متفقلرينك احوال  
عسكريه وملكيه سى حقنده مضرتى موجب اوله حق بعض معلومات  
ويرلمش اولسنى نتيجه ويرر ايسه او مقوله مخبره ايدن كيمسه  
درجه تهمتنه كوره [موقتاً قاعه بند] قلنور . واكر او مثللو  
معلومات ويرمكده جاسوس سلق فعلى يعنى دولت عليه نك تدابير  
حربه سنى دشمنه بيلديرمك غرضى تبين ايدرايسه بوكامتجاسر  
اولان شخص درجه جنايته كوره [موقتاً كوركه] قونيلور و بو  
حركت اردولرده وقوعبولدينى حالده شخص متهمك قوانين  
حربه يه تطبيقاً [اعدامى] دخی جائز اولور .

وضابطان و افراد عسكر به ني دشمن طرفنه قاجيرانلر  
ياخود دولت عليه عسكرينى دشمن طرفنه كچمك ايجون اغفال  
ايدنلر [مؤبداً كوركه] قونيلور .

**۵۲ ماده** — مأمورين و خدمه دولت و سائر دن هر كيم  
دولت عليه نك امور مهمه پوليقيه سسه دائر بر مكله خفيه سى  
و مکتوم و خفى بر حركت عسكريه تصميمى سرائرينه حسب -  
الماموريه و يا رسماً واقف اولوبده آنى دولته مأمور و مأذون  
اولمدينى حالده اجنبى و ياخود دشمن بر دولت مأمور لرينه  
طوغريدن طوغرى يه و يا بالواسطه افشايدرايسه [اعدام] اولنور .

**۵۳ ماده** — مأمورين دولت عليه دن هر كيم دولت عليه  
متعاق اولان استحکاماتك و ترسانه و ليمانلرينك مأموريتى حسيه

کندوسنه مخصوصاً تودیع اولنش اولان رسم وخریطه لرینی وحرکات حربیه وترتیبات عسکریه یه وقلاع واستحکاماته دائر پلانلری ویاخود انلردن فقط برینی دشمنه ویاخود دشمن آدملرینه ویرر ایسه [اوج سنه دن اون بش سنه یه قدر کورکه] قونیلور واکر اومثللو رسم وخریطه لری دولتجه مآذونیتی اولمیه رق بردوست ویابی طرف بردولتک آدملرینه ویرر ایسه [برسنه دن اوج سنه یه قدر حبس] اولنور .

۵۶ ماده — تبعه حضرت شاهانه دن هر کیم دشمن طرفدن کشف وتحقیق احوالضمننده کوندرلش اولان جاسو ساری جاسوس اولدقلرینی بیلهرک کتم واخفا ایدر ایسه [مؤبداً کورکه] قونیلور .

### ذیل وعلاوه

ممالک دولت علیه نک برقطعه ویا برجزؤنی ویاخود ولایات ممتازه سندن برینی کاملاً ویا قسمماً دیگر برولایت ممتازیه جبراً الحاق ایتدیرمکه ویاخود علی اطلاق ممالک دولت علیه نک برقطعه سنی اداره حکومتدن چیقارمغه تشبث ایدن کیمسه لر [اعدام] اولنور ومدار تخفیف جزا احوال کوریلور ایسه [بش سنه دن آشاعی اولماق اوزره موقتاً قلعه بند] قلنور .

تبعه عثمانیه دن اولوبده دولت علیه علیهنده محاربه یه سببیت

ویرمک مقصدیله اجنبی بردولته دخالت ایدن کیسه [بش سنه دن  
آشاغی اولماق اوزره موقتاً] واکر بودخالت حربک ظهورینی  
منتج اولور ایسه [مؤبداً کورکه] قونیلور .

اعلان حربدن مقدم اجنبی بردولتک خدمات حربیه سنده  
مستخدم بر عثمانلی اعلان حربدن صوکره دشمنک قوه حربیه سنده  
قالور ایسه [موقتاً کورکه] قونیلور .

اشبو فصلده ذکر و بیان اولنان جنایات و جنجهلر ایچون  
معین اولان مجازات بونلره جرأت ایدن اجنبیلره دخی شاملدر  
وانسای حربده بو جنایت و جنجهلری اجرا ایلین تبعه اجنبیه  
حقارنده دخی اصول و عادت حربیه کوره حکم و معامله  
اولنور .

دولت علیه نک منافعی ایچون دول سائر دن خفی طوتلیسی  
مقرر اولان مواد مهمه یه و بوکا مماثل معلومات رسمیه و اساسیه  
واقف اولوبده دول مشارالیم مأمورلرندن برینه معلومات  
ویرنلر و یا خود عمومه نشر و اعلان ایدنلر و دولت علیه نک  
حکومات سائر ایله حقوق و مناسباتی حاوی سندات و مقاوله نامه لری  
احیا و یا تغییر و یا خود تقلید ایدرک حقوق مذکوریه بی اخلال  
ایلیانلر [ایکی سنه دن اقل اولماق اوزره حبسه] قونیلور .

جانب دولت علیه دن مأمور اجرایی اولدیغی بر مصاحقی  
دشمن مأمورلریله بالاتفاق قصداً دولته مضر بر صورت قویانلر

[اوج سنه کورکه] قونیلور . واسباب مخففه بولندیی حالده آتی  
آی حبس [جزاسی حکم اولنور .

فی غره محرم سنه ۲۹۸ و ۲۲ تشرین ثانی سنه ۱۲۹۶

## فصل ثانی

دولت علیه نك امنیت داخلیه سنی اخلاص ایدن جنایت وجنجه لر

۵۵ ماده قائمه — اتیای عظام حضراتنه قارشو علماً  
فضاحت لسانیه یه اجتناساری ثابت اولنلر [برسنه دن اوج سنه یه]  
قدر حبس اولنور .

ذات حضرت پادشاهینك حیاته نه سوء قصد ایدن ویاخود  
اشبو سوء قصدك اجراسنه تشبث ایلان کیمسه [اعدام] اولنور .  
شخص هایونه تعرض ایدن کیمسه [موقه کورکه] قونیلور .  
هرکیم بالذات ویا بالواسطه تبعه دولت علیه وسکنه ممالك محروسه بی  
ذات حضرت پادشاهی ویاخود حکومت عثمانیه علیه نه مسلحاً  
عصیان ایتدیرمك اوزره تحریك ایدوبده مقصده دی اولان  
قضیه عصیان فعله حیقار ایسه اول کیمسه [اون سنه دن اقل  
اولماق اوزره قلعه بندلك] جزاسیله مجازات اولنور . ذات  
حضرت پادشاهی یه علماً اطاله لسانه جرأتی ثابت اولان شخص  
[اوج آیدن اوج سنه یه قدر] حبس اولنور .



قانون اساسی و حکومتک شکل و هیئت و یا سلطنت سنیہ نک اصول وراثتی تغیر و تبدیل و یا احیاء جبراً تشبثی ثابت اولان شخص [اعدام] اولنور .

۵۵ نجی ماده یه علاوہ — هرکیم دول متحابہ رؤسای حکومتدن بری علیهنہ برجرم ایقاع ایدہ جک اولور ایسه قانوناً اوجرمه مخصوص اولان جزا ثلث مقداری تزید اولنور . تعقیبات جزائیہ جریانی متعرض علیہک شکایتنامہ سنہ متوقف افعال وقوعنده دولت اجنبیه نک حکومتی طرفندن اصولاً شکایتنامہ ویرلک اقتضا ایدر .

سلطنت سنیہ نزدینہ مأمور اولان سفرای اجنبیه علیهنہ برجرم ایقاع ایدلیدی تقدیرده اوجرمه مخصوص اولان جزا سدس مقداری تزید اولنور . جرم مذکور تحقیرنوعندن ایسه تعقیبات اجرایی متجاوز علیہک شکایتنه متوقفدر .

هرکیم رسماً کشیده قلنمش اولان دولت علیه و یا دول متحابہ سنجاغنی و طغراویا آرمه سنی قصد حقارتله شق و تخریب و صور سائرہ ایله تذلیل ایدرسه [آلتی آیدن اوج سنه یه قدر حبس] ایله مجازات اولنور .

۵۶ ماده — هرکیم ممالک محروسه اهالیسنی یکدیگری علیهنہ سلاحلرندیره رق مقاتله یه تحریک و اغرایه و یا خود بعض محالرده غصب و غارت و تخریب ممالکت و قتل نفوس افعالی ایقاعه

متعباسر اولوبده قضیه فساد تماميله فعله چيقار وياخود ماده فسادك اجراسنه باشلامش اولور ايسه اول كيمسه كذلك [اعدام] اولنور .

۵۷ ماده — بالاده محرر اللى بشنجى واللى التنجى ماده لرده بيان اولنان فسادلردن برينى برطاقم اشقيا برلكده اوله رق اجرا ايدر وياخود اجراسنه تصدى ايلر ايسه اول جمعيت شقاوته داخل بولنالردن اصل رئيس اشقيا ومحرك مفسدت اولنلر هر ترده طوتولور ايسه [اعدام] اولنوب سائرلرندن دخى موقع جنايته اخذو كرفت اولنالر ماده فسادده تعين ايده جلك جنايت ومدخللر بلك درجانه كوره [مؤبداً وياخود موقتاً كوركه] وضع اولنور .

۵۸ ماده — بالاده مذكور اولان اللى بشنجى واللى التنجى ماده لرده بيان اولنان فسادلردن برينى اجرا قصديله ايكي وياخود دها زياده اشخاص بيننده براتفاق خفى تشكيلى اولنوبده اول اتفاقده تصميم اولنان فسادلك اجراسنى سويله شيلوب قرار كير اولدقدن بشقه اسباب اجرايئه سنى تهيمه ضمننده بعض افعال وتدابيره دخى تشبث اولمش ايسه اول اتفاقده بولنان كيمسه لر [مؤبداً قلعه بند] اولنور واكر اويله اتفاق خفى ده بروجه محرر فسادك اسباب اجرايئه سنى تهيمه ضمننده بعض افعال وتدابيره تشبث اولمش بر فعل وتدبير تبين ايتمه يوب يالكز اجراسنى سويله شيله رك قرار

ویرلمش اولمقدن عبارت بولنور ایسه اول حالده داخل اتفاق بولنان کیمسه لر [موقتاً قلعه بند] قلنور . اگر بیان اولنان جنایتلردن برینی اجرا ایتک اوزره براتفاق خفی تشکیله دائر تکلیف وقوعبولوبده قبول اولنماش ایسه اول تکلیفی ایدن کیمسه [بر سنه دن اوج سنه یه قدر حبس] اولنور .

### §

#### ذیل

بر هیئت فسادیه نك مقصدینی اجرا ویاخود بر شخصه ویاخود متعدد اشخاصه سو قصد ایچون هر نه شکل و صورتده اولور ایسه اولسون اسلحه ناریه والات وادوات سائرۀ جارحه ومهلکه ایجاد واعمال واستحضار ایدن ویاخود طاشیان شخص ماده فساد و قتل و فعله حیقه ارایسه [اعدام] اولنور و فعله حیقه میوبده تشبث درجه سنده قالور ایسه اون سنه دن اقل اولماق اوزره کورک [جزاسیله مجازات اولنور .

فی ۱۹ ذی القعدة سنه ۳۰۹ و فی حزیران سنه ۳۰۸

### §

دیگر ذیل

حکومت سنیه نك مساعدده سی اولیه رق ممالك دولت علیه جزئی وکلی دینامیت ادخال و قبول واعمال ایدنلر و بیله رک بو

حالی تسیل ایلانلر [اون بش سنه] واشبو افعالك بر ماده  
فساد مبتنی اولدیغی تین ایدر ایسه متجاسر لری [مؤبداً کورکه]  
قونور و ماده فساد فعله چیقارسه [اعدام] اولنور .

۵ شعبان ۳۲۱ و ۱۴ تشرین ثانی ۳۱۹

### §

اشبو ذیلر مقامنه قائم اولمق اوزره نشر اولنان  
فقرات نظامنامه در

بر هیئت فسادیه نك مقصد اختلا لجویانه سنی و یا خود بر و یا  
متعدد کسانه سوء قصد ایله فکر ملعنت اجرایی ایچون هر کیم  
اولورسه اولسون و هر نه شکل و صورتده بولنورسه بولنسون  
دفعهً بر چوق اشخاصی قتل و افنا و بیوت و مساکنی و سفائن  
و وسائط نقایه ایله عمومک ممر و معبر لرینی هدم و احیا ایدیه بیله جک  
دینامیت و بومبا و بوکا مائل آلات مخربه یی ایجاد و اعمال و احضار  
و نقل و ممالک اجنبیه دن ممالک شاهانه یه ادخال و اخفا و استعمال  
ایدن اشخاص ایله بولنره مشارکت و بوحالره تشبث ایلانلر ماده  
فساد و قتل فعله چیقارسون چیقما سون هر حالده [اعدام] اولنور .  
بویله آلات مخربه نك ایجاد و اعمال و احضار و نقل و ادخال  
و اخفا و تشبث و استعمالنه مطلع اولان هر فرد بونی بالذات و یا  
بالواسطه در حال جانب حکومتیه اخبار ایتمه که مجبور در .  
بومجبوریتی بر سوء نیته مقارن اوله رق بلاعذر صحیح ایفا

ایتمدکاری نابت اولانلر ماده فسادویا قتل فعله حیقارسه [موبداً  
حیقماز ایسه موقه کورکه] قونیلور .

۳۲۴ جمادی الاول ۲۳۴ و ۳ تموز ۳۲۲

§

۵۸ نجی ماده نك ذیلرینه ذیلدر

بالاده مرقم ذیللرده بیان وتعداد اولنیان آلات مخربه  
وادوات جارخه ومهلکه ایله سائر بوقبیل اشیای مضره یی  
مراکب بحریه وبریه ایله ممالک محروسه شاهانه یه ادخال وارباب  
فساددن اولان اشخاصی حال وصفتلرینی بیله رک مواقع معینه -  
سنک غیرى محلدن اخراج ایلیان وبومقوله فسدده ایله سالف  
الذکر آلات وادوات مخربه واشیای مضره یی داخل ممالک  
شاهانه ده بر محلدن دیگر محله نقل ایدن بو احوال وکیفیاته  
وساطتده بولنان واپور ویلکن وسفائن قیودانلری وصندالچیلری  
وقایقجیلریله اشخاص سائر فعللرینک درجه سنه کوره [موقتماً  
کورکه] قونیلور .

۲۷ صفر ۳۲۶ و ۱۷ مارت ۳۲۴

۵۹ ماده — هرکیم طرف دولت علیه دن مأموریتی ویاخود  
دولتجه مقبول اوله حق بر سبب اولمدجه برفرقه عسکریه ویا  
برطاقم عسکر ویاخود دونماسنک ویا جنک سفینه سنک ویاخود  
برقلعه ویاخود بر موقع مستحکمک ویاخود بر لیان ویا بر شهرک

قومانداسنی ترك ایتسیچون طرف دولت علیه دن واقع اولان امره امتثال ایتمز ایسه وهر بر قومانداری معیتده اولان عسکره اذن ویریلرک طاغیدلسی حقنده واقع اولان امر دولت علیه کذلک سبب مقبول اولدجه امتثال ایتیه رک باشنده طوتار ایسه [اعدام] اولنور .

۶۰ ماده — دولت علیه نک عساکر موظفه و ضبطیه سنی ایقاع عصیان و اختلاله تحریک ایدنلر [مؤبداً کورکه] قونیلور و بونلری اعمال و استخدا مأمور اولانلردن هر کیم اولور ایسه اولسون اشبو عسکرک سلطنت سنیه امریله اجرا اولنان اخذ نفقات عسکریه ماده سی علیه نه حرکت ایلرینی طلب و یا خود امر ایدر ایسه [نفی] جزاسیله واکربو امر و طلبک آثار فعلیه سی کوریلور یعنی مأمور اولان قوه عسکریه نک بویله امر نامرضییه مطاوعتله دولت علیه نک اول خصوصده اولان مطلبنک اجرا سنیه فعلاً ممانعت اولنور سه آمر اولان کیمسه [اعدام ایلر] مجازات اولنور و بویله خلاف نامرضی امره مطاوعت ایدنلرک ضابط و سرکرده لری دخی [موقتاً کورک] جزاسیله مجازات قننور .

۶۱ ماده — هر کیم دولت علیه نه متعلق اولان ابنیه و هر نوع مهات آتبار و مخزنلرینی عن قصد یعنی حیانه احراق و هدم ایدر سه [اعدام] اولنور .

۶۲ ماده — هر کیم دولت علیه نک املاک و اموال و نقودینی

ويا اهالیدن برجم غفیرک املاکنی ضبط ویغما وغارت ایتک و بو  
 مثللو جنایات اصحابنک علیهنده حرکت ایدن عساکر دولت  
 علیه قارشو طور مق ضمننده تشکل ایتش اولان مسلح اشقیا  
 جمعیتنه باش اولور و یاخود بوجمیت ایچنده بر قوماندا صاحبی  
 بولنور ایسه [اعدام] اولنور . و بومقوله اشقیا جمعیتلرنده سوز  
 و قوماندا صاحبی اولیانلر محل فسادده طوتلدقلری حالد [موقتاً  
 کورکه] قونیلور .

### §

### ذیل

طاغلرده و قیرلرده مسلح اولدقلری حالد کزه رک راست  
 کلدکلری یولجیلری طوتوب صومیق فضیحه سنی ارتکاب ایدن  
 اشخاص که قطاع طریق تسمیه اولنورلر . بو مقوله لر حال  
 و صفتلرینه و درجه شقاوتلرینه کوره [موقت و یاخود مؤبد  
 کورک] جزاسیله مجازات اولنور فقط ایچلرنده بوجنایتده  
 سابقه لو و شقاوت مستمره اصحابندن اولنلر و یاخود طوتدقلری  
 اشخاصه اشکنجه و غدارانه صورته اذیت ایدنلر و یا قطع طریق  
 یولنده آدم اولدیرمش بولنانلرک [اعداملرینه] حکم اولنور .  
 ماده ۶۳ — ماده و ذیلی ملغادر .

ماده ۶۴ — بویله شقاوت جمعیتلرنده بر قوماندا و خدمت  
 صاحبی اولیان کیسه لردن مأمورین ملکیه و عسکریه طرفلرندن



طاغملر یچون ایلك دفعه وقوعبولان تنیه وتکلیفه امتثال ایله  
 صاووشوب کیده رک ویاخود صکره دخی موقع فسادک غیری  
 محللرده سلا حسز اوله رق بلا مقاومت طوتیلان اشخاص حقلرنده  
 اهل فساد جزائی حکم اولمیوب بشخص ایشلمش اولدقلری  
 جرائم مخصوصه لری وار ایسه انلره مبنی مجازات اولنور . و او  
 مقوله اشخاص ضبطیه نظارتی آلتنده بولنور .

**۲۵ ماده** — عصات و اشقیای طاقندن اولوبده اجرای  
 عصیان و شقاوته تصدیدن و یا تحریاته شروعدن مقدم شریک  
 تهمت اولنلری مأمورین دولته خبرویرنلریاخود تحریاته شروع  
 اولندقدن صکره شریک تهمت اولنلری توقیف ایتدیرمک اسبابی  
 استحصال ایدنلر سائرلری حقنده اجرا اولنه حق مجازاتدن  
 معاف اولوب فقط [ ایکی سنه یی تجاوز ایتماک اوزره ضبطیه  
 نظارتی آلتنده ] طوتیلور .

**۶۶ ماده** — هرکیم میدان واسواقده و مجمع ناس اولان  
 محللرده کرک نطق ایراد ایدرک و کرک یافته یا پشدره رق ویاخود  
 مطبوع ورقه نشر ایلیه رک اهالی و سکنه یی اشبو فصلده بیان  
 اولنان جنایتلری ایشلمکه طوغریدن طوغری یه تحریک ایدر  
 ایسه اول جنایتلرک فعلاً مرتکبی کبی مجازات اولنور . فقط  
 ذکر اولنان تحریکاتک برکونه اثر فعلیسی ظهور ایتمزایسه  
 [ نفی ابد ] جزاسیله مجازات قلنور .

### ذیل

بومقوله تحریکات و افساداته دائر مطبوع و غیر مطبوع اوراق  
و رسائل مضره بی نشر ایتک اوزره نزدنده حفظ ایدوبده  
هنوز نشر ایده مامش اولان شخصی دخی [بش سنه دن اقل  
اولماق اوزره قلعہ بند] ایدیلور . وارباب فساددن اولیوبده  
یا لکز انہ کچن بومقوله اوراق مضره بی مأمورین دوات علیہ  
ابراز واعطا ایتیه رک نزدنده صاقلایان کیمسه [برسنه دن اوج  
سنه یه قدر حبس] اولنور .

فی ۱۹ ذی القعدة سنه ۳۰۹ وفی حزیران سنه ۳۰۸

### اوچنچی فصل

#### رشوت بیاننده در

۶۷ ماده قائمه — حکامک و علی الاطلاق وظائف و خدمات  
رسمیه بی درعهده ایلیان بالجمله مأمورین و منتخب و منصوب  
بالجمله مجالس رسمیه اعضاسنک و افراد ناسده اولوبده حکم  
واهل خبره کبی بروظیفه رسمیه ایله مکلف بولنان اشخاصک  
و دعوی و کیلارینک قانوناً و نظاماً یا بغه مجبور اولدینی شیئی  
یا بقی و یا یا باماق و یا یا بامغه مجبور اولدینی شیئی یا بقی و یا یا باماق  
ایچون اخذ ایلدکری آچه و هدیه نامیله آلدقیری اشیا تأمین

ایتدکاری سائر منافع رشوت اولدینی کبی بومقصدہ مبنی دون  
ویا زیاده بہایہ اشترا و بیع ایتدکاری اموال و املاک قیمت  
حقیقیہ سی ایله ثمن مسمی بیندہ کی فرق فاحش دخی رشوتدر.

۶۸ نجی مادہ قائمہ — مرتشیدن آلدینی پارہ ایکی قات  
اولہرق استرداد ویا تعہد اولنان ثنود و منافعت برمثلی جزای  
نقدی اولہرق اخذ اولندقدن صکرہ [موقہ قلعہ بند] ایدیلور  
وایفا ایلدیکی معاملہ برحقک اخلائی موجب اولمش ایسہ قلعہ  
بندلک جزاسی [بش سنہدن اقل] اولہماز.

۶۹ نجی مادہ قائمہ — راشیدن ویرمش ویا تعہد ایتمش  
اولدینی مبلغ جزای نقدی اولہرق اخذ و بورشوتی اخلا  
حق ایچون ویردیکی ثابت اولورسہ [موقہ قلعہ بند] ایدیلور.

۷۰ نجی مادہ ملغادر.

۸۱ نجی مادہ ملغادر.

۷۲ نجی مادہ ملغادر.

۷۳ نجی مادہ ملغادر.

۷۴ نجی مادہ ملغادر.

۷۵ نجی مادہ ملغادر.

۷۶ نجی مادہ قائمہ — رشوت اولہرق ہنوز آچہ واشیا  
آلنوب ویرمش اولمایوبدہ فقط اولبابدہ سند ویرمش ویاخود  
سند دخی آلنیہرق رشوت تعاطیسی اوزرینہ یالکز بر مقاولہ

مخصوصه وقوع بولمش اولدینی و بو مقاوله نك فعله چیقما مسی راشی و مرثشینك دفعنه مقتدر اوله مدقلری بعض موانعدن نشأت ایلدیکی بالحاکمه ثابت و متحقق اولور ایسه بومقوله مقاوله لره بعینه رشوت آئوب ویرلمش نظریله باقیلوب بونی مرتکب اولانلر ۶۸ و ۶۹ نجی ماده لر موجبینه مجازات اولنور.

۷۷ ماده — بر آدم جان و مال و عرضی و الحاصل منفعت مشروعه سنی محافظه ایچون برینه رشوت ویرمه حقیقه مجبور و مضطر اولورده بعده کیفیتی جانب حکومت خبر ویرر ایسه ویرمش اولدینی آچه بالاسترداد کندوسنه اعطا اولنوب پورشوتی آلمش اولان شخص حقنده مرثشی جزاسی اجرا اولنور و بو آدم او یله مجبوراً ویردیکی رشوتی بوجه محرر و قتيله یعنی سبب مجبوریت و کندوسنجه اولان خوف و خشیت مندفع اولدینی آنده درسه ائده ایسه باعرضحال مقام عالی صدارته و طشره لرده بولندینی تقدیرده والی و محلی مجلس لرینه خبر ویرمیوبده آخر طرفندن طویلدینی تقدیرده عادتاً راشی جزاسیله مجازات قنور.

۷۸ ماده — بر آدمك حقه مقرون بر ایشی اولوبده آنك رؤیت و تسویه سی ضمننده مراجعته مجبور اولدینی مأمور طرفندن آچه ایستیلور و او دخی کلور خبر ویرر، و اثبات ایلر ایسه مصلحتی بوجه حقانیت کورلدکدن بشقه کندوسندن

ایستندمش اولان آچه طالبندن اخذایله نصفی مکافه کئندوسنه اعطا اولنور ورشوتی طالب اولان حقنده مرثشی مجازاتی اجرا اولنور .

۷۹ ماده — هر نه خصوص ایچون اولور ایسه اولسون کئندوسنه رشوت عرض اولنان کیمسه اول رشوتی کرک المزدن مقدم و کرک آلدقن صکره آخر طرفدن طویولمقسزین نهایت ایکی آی ظرفنده درس عادتده مقام وکالت کبرایه و طشره لرده ایسه بولندیغی محلك اک بیوک مأمورینه و مجلسنه خبر ویرر و آچه بی آلدیغی صورتده تسایم ایدرایسه حقنده معامله تحسینیه اجرا اولنور واکر آچه هنوز آلتامش ایسه جزای نقدی اولمق اوزره اول مقدار آچه راشیدن اخذ اولندقدن صکره حقنده بالاده بیان اولندیغی وجهه راشی حقنده معین اولان دیگر جزالر دخی اجرا قئلنور .

۸۰ ماده — واردات دولتک احاله سی خدمتده بولنان هر کیم اولور ایسه اولسون واردات دولتی آخر طالبی وار ایکن برندن آچه آله رق و یا خود منفعت ذاتیه سنه باقه رق دون بها ایله احاله ایدرایسه بونی ارتکاب ایدن مأمور اموال دولت سارق حکمنده اوله رق بروجه آتی دردنجی فصلده سکسان ایکنجی ماده ده معین اولان سرقت جزالریله مجازات اولنور .

۸۱ ماده — برکیمسه دیگر برکیمسه یه برجنایتی ایشاتمک

ایچون رشوت ویررایسه واول جنایت بالاده ذکر اولنان رشوت جزالرندن دها آغیر بر جزایی ایجاب ایدن جنایتلردن اولور ایسه ابتدا مرتشی یعنی آچه بی آلوب اول جنایتی ایشلیاندن یالکز تعاطی اولنمش اولان آچه آلدقدن صوکره کندوسی و کرک راشی یعنی آچه بی ووروب اول جنایتی ایشلمش اولان کیمسه وبونلر آردسینه واسطه وار ایسه اشبو جزا قانوننامه هایوننده اول جنایتی ایشلیان وایشلدن و واسطه اولنلر حقنده معین اولان جزالر ایله مجازات اولنورلر.

### دردنجی فصل

سرقت اموال میریه و ارتکابات سائرہ

۸۲ ماده — هرکیم اموال واششیای میریه بی نقداً و عیناً سرقت ایدرایسه سرقت ایتمش اولدیغی شی یکی قات اوله رق کندوسندن اخذ و استرداد و خزینۀ دولته تسلیم اولندقدن صکره [ بش سنه دن اقل اولماق اوزره قلعه بند ] قانوب [ مؤبداً رتبه و مأموریتدن محرومیت ] جزاسی دخی حکم اولنور.

نوط — دواثر میریه ده یومیه ویا شهریه ایله استخدام اولنان عمله وخدمه مأمورین دولتدن معدود اوله میوب اوداثره نك موظف خدمتکاری ديمك اوله جغندن بووجه خدمت ایتکده اولدقلری دواثردن برشی سرقت ایدرلر ایسه منضم اولان احواله کوره قانونك سرقت فصلنده اوحرکتک

تماس ایتدیکی ماده لره توفیقاً جزا کورملری لازم کله جکی وبومثللو خد -  
متکارلرده حدود وقدم آرامغه محل اولم یوب اوداژمه بیه برکون بیه خدمت  
ایدوبده اول کون برشی چالمش اولسه اورانک موظف خدمتکاری  
اولدینی حالد بوفعلی ارتکاب ایتمش اوله جفی ومال مسروق کلیت وجزوتی  
بحثنه کانه فصل مزبورده مندرج احوال مشدده منضم اولدینی حالد  
بومثللو اشیای خسیسه سرت ایدنلر حق لرنده ۸۲ نجی و ۸۴ نجی مواد  
قانونیه احکاماتک اجرایی فعل ایله جزا بیننده بر نسبت عادلّه حاصل  
ایده مدیکندن ۲۲۲ نجی ماده قانونیه بیه توفیقاً اجرای مجازاتلری ایجاب  
ایده جکنه دائر ۵ ربیع الآخر ۲۹۲ تاریخی برتدکره سامیه وارد ر .

**۸۳ ماده** -- هر کیم دولت علیه حسابنه اوله رقا اشتراسنه  
ویا خود بیعنه ویا اعمالنه مامور اولدینی هر نوع اشیانک بیع  
وشراسنده وبها ومقدارنده واعمالنده فساد قارشیدیره رق هر نه  
صورتله اولورایسه اولسون ارتکاب ایلرایسه سارق اوله جغندن  
ماده سابقه ده تعیین اولنان مجازاتی کورر .

**۸۴ ماده** -- بومقوله سارقلر ارباب رتبه و ماموریتدن  
اولمدقلری حالد دخی عینیه اصحاب رتبه ومأمورین کبی  
یوقاروکی ماده لرده بیان اولدینی اوزره مجازات اولنورلر .

**۸۵ ماده** -- مأمورین دولت علیه دن اصحاب مطلوب یدنده  
بولنان میری دیونی سرکی وسند اتندن قرمه طریقیله آچه آلنلر  
ویا خود اصحاب مطلوبک آلا جقلرینی تأدیه مقابله سنده کندولرندن  
پاره وسائر هدایا اخذ وقبول ایدنلر آلدقلری آچه واشیا هر نه  
ایسه کندولرندن استرداد اولندقد نصکره موقتاً [ قلعه بند ]



قانونرلر بو مثللو مأمورینک دائره لری تبعه سندن و متعلقات و منسوباتلرندن کندولرینک مساعدده سیله اشبو سرکی قومه سنی ارتکاب ایدنلر اولور ایسه کړک انلر و کړک بوکا مساعدده ایدن مامورلر حق لرنده دخی عینیه بوجزالر اجرا اولنور.

**۸۶ ماده** — بیوک و کوچک کافه مأمورین حسب الماء موریه استخدا م ایده جکی عمله نک تعیین اولنان اعمالیه و نقلیه اجر تلرینی و اشیا ائمانی اصحابنه تماماً ویرمز و یا نقصان اعطا ایدر و عملیه یی آنغریه اوله رق مجاناً ایشله دیر ایسه بویوزدن ایتدیکی تمعک برقاتی اجرت و ائمان مقابلنده اصحابنه ویرمک و دیکری جزای نقدی اولمق اوزره ایکی قات اوله رق کندوسندن اخذ اولندقد نصکره [موقتاً قاعه بند] قانونر.

**۸۷ ماده** — بیوک و کوچک مأموریندن بریسی محافظه مملکتته و تحصیل خدمتته مخصوص اولان ضبطیه نفراتی ناقص قوللانوب معاشلرینی تمام آلور و یا خود نفرات موجوده یی خدمت اصلیه لرندن بتون بتون آیروب دائره مخصوصه سنده خدمتکاراغه تخصیص ایلر و یا خود دائره سی خدمه سنی ضبطیه دفترینه یازوب معاشلرینی آلهرق انلره ویرر ایسه کړک نقصان نفرات ایچون الدینی و کړک دائره سنده قوللان دینی نفر ایچون اخذ ایتدیکی و خدمه سینه ضبطیه نفری نامیه آلوب ویردیکی معاش نه مقداره بالغ اولور ایسه ایکی مثلی کندوسندن آندقد نصکره [موقتاً قاعه بند] قانونر.

۸۸ ماده — مقطوعاً الزام اولنان امواله دائر اولان نظامك مزایده واحاله ماده لری احكامنی اخلال و افساد ایده جك و بونظامه مغایر اوله جق حال و حر کتده بولنان مأمورین و سائر اشخاص مأموریتدن طرد و [برسنه دن ایکی سنه یه قدر حبس] و یا خود [ایکی سنه دن اوج سنه یه قدر نفی] اولنور لر و بو حر کتلرندن طولای خزینه دولته عائد اولان ضرر کندی لرینه تضمین ایتدیر یلور.

۸۹ ماده — بیوک و کوچك كافه مامورین دولت اداره سنه و نظارتنه مأمور اولدق لری کلی و جزئی مواده میری ایچون اشیا و مالز مه بیع و شرا سنده كرك عانئاً كرك سراً بالذات و یا خود بالواسطه و یا علی طریق المشار که کند و تمتعلریچون تجارت ایدر و یا خود اعمال و انشاآتده مقطوعیت وجهله در عهده ایلر و یا در عهده ایدنله شریك اولور ایسه [ماموریتندن طرد ایله بر ییلدن ایکی ییله قدر نفی اولنور] و اکر بومقوله میری اخذ و اعطا سنده قومیس یون آلور و یا خود نقود و مسکوکات مبادله سنده تمتع ایدر ایسه [ماموریتدن طرد ایله برابر ایکی سنه یه قدر حبس] و یا خود [ایکی سنه دن اوج سنه یه قدر نفی] ایله مجازات اولنور.

۹۰ ماده — هر نه صورتله اولور ایسه اولسون ذمتنه مال میری کچرن و یا خود آخره کچمسنه مساعده ایدن مالیکه

و مالیه مأمورلری [ مأموریتندن طرد ایله اوج آیدن ایی  
سنهیه قدر حبس ] و یاخود [ آلتی آیدن اوج سنهیه قدر نفی ]  
اولنور.

۹۱ ماده — عسا کر بریه و بحریه لوازماتیچون مبايعاته  
مأمور و متعهد اولوبده سبیت یالکیز کند و سنده اوله رت لوازمات  
عسکریه یه نقیصه و خلل کتورن اشخاصدن مبايعه سی مقاوله  
اولتمش اولان اشیانک بهاسیچون علی الحساب آچه آلمش ایسه  
استرداد و تضمین ایتدرلد کدنص کره [ آلتان تضمینک ربی  
مقداری دخی جزای نقدی ] اخذ اولنور.

۹۲ ماده — مبايعات میریه ماده سنه خلل و یرن اشخاصه  
مأمورین دولتدن معاونت ایدن اولور ایسه [ اوج سنه حبس ]  
اولنور.

۹۳ ماده — لوازمات عسکریه یه متعلق اعمال و مبايعه سی  
مقاوله و تعهدات آتنه کیرن شیلر بلاعذر مقبول و قتیله و یريله-  
میوب تأخر ایتمش اولدینی و یاخود اعطا و اعمال اولنه جق  
اشیانک جنس و کیفیت و کمیته حيله و فساد قاریش-دیرلدینی  
تقدیرجه کندولرندن [ لازمکلان تضمیناتک ربی مقداری  
جزای نقدی ] دخی آلتور.

## بشنجی فصل

نفوذ مأموریت و موقعی سوء استعمال ایدنلر ووظیفه مأموریتی  
ایفا ایتمیلر

**۹۴ ماده —** مرافعه و محاکمه سی دردست رؤیت اولان  
هر نوع دعاویده مجرد امرحقانیته خدمت ایچون هرکیم اولور  
ایسه اولسون محاکم و مجالسه شفاهاً و تحریراً معلومات ویرمه  
مأذون اولدیغندن و بویله تبلیغاتک حکمه مدارى قرائن و امارات  
مرتبه سنده اوله جغندن بوقاعده مستثنا اوله رق سائر صورته  
تصاحب و یا غرض ایله مدعى علیهک لهنده محاکم و مجالسه  
بیوک و کوچک مأمورین طرفندن بالذات و یا بالواسطه تحریراً  
و شفاهاً برکونا امر و التماس ورجا و قوعه کلور ایسه بو مقوله  
مأمورین حققرنده و بویولده خلاف اصول حرکت ایدن محاکم  
و مجالس حققرنده ترتب ایدن مجازاتک درجاتی بروجه آتی بیان  
اولنور.

**۹۵ ماده —** بالاده بیان اولندیغی وجهله و قوعبولان  
مداخله بر مأمورك موقع مأموریتی نفوذیله امر و تحکم و جبر  
صورتننده و قوعبولمش ایسه مجالس و محاکم طرفندن مخالفتله  
دولته بیلدیرلده اول مأمور طرد جزاسیله تأدیب اولنور.  
اگر بومداخله التماس ورجا صورتننده و قوعبور ایسه محاکم

و مجالس طرفندن كذلك مخالفتله دولته بیلدیرلده بو رجا  
و التماس ایدن کیمسه دن [اون مجیدیه آلتونندن الی مجیدیه آلتوننه  
قدر مجازات نقدیه] آلتور.

**۹۶ ماده -** بو مقوله دعاوییه وقوعبولان مداخله  
اوزرینه اول دعوی بغیر حق حکم اولمش ایسه بو حکمی امر  
ایله ایتدیرمش اولان مأمور [مأموریتندن طرد اولندقدنصکره  
اوج آیدن بر بچق بیله قدر حبس] یاخود [آلتی آیدن اوج بیله  
قدر نفی] ایله مجازات اولنور و اگر بو حکم التماس و رجا اوزرینه  
وقوعبولمش ایسه او مقوله رجا و التماس ایدن کیمسه دن اله حق  
مجازات نقدیه دن بشقه [بر بچق آیدن اوج آیه قدر حبس]  
ویاخود [اوج آیدن آلتی آیه قدر نفی] اولنور.

**۹۷ ماده -** یردعواده وقوع بولان امر و التماس و رجایی  
محاکم و مجالس دن بری دولته اخبار ایتمکدن بشقه ولو اول امر  
و التماس و رجایی اجرا ایتامش اولسه بیله حاکم و یا رئیس بولنان  
کیمسه [مأموریتندن طرد] ایله مجازات اولنور.

**۹۸ ماده -** اگر بو مقوله وقوعبولان امر و التماس  
و رجایی محاکم و مجالس دن بری دولته اخبار ایتمکدن بشقه اول  
امر و التماس و رجایه مبنی خلاف حقانیت حکم ایلش ایسه کړک  
حاکم و کړک مجلس رئیسی [آلتی سنه مدتله طرد و اوج سنه مدتله  
نفی] جزالریله و مجلس اعضاسی یا لکزر [آلتی سنه مدتله طرد]

جزاسیله مجازات اولنور لر و کرک حاکم ورئیس و کرک اعضائک هیج بروقتده محاکم و مجالس مأموریتلرنده استخدا ملری جائز اوله من .

**۹۹ ماده —** بیوک و کوچک مأموریندن هر کیم اولور ایسه اولسون او امر دولت و احکام قوانین و نظاماتک اجرا سنه و هر نوع اموال و مرتبه نک تحصیله مخالفه ایچون صرف نفوذ و قوه مؤثره اجرا ایده جک و ایتدیره جک اولور ایسه [موقتاً حبس] جزاسیله مجازات اولنور . و اگر مأمور لرک بو وجهله حرکتی آمرلرینک امریله ضروری و مجبوری وقوع بولمش ایسه بو جزا بو مقوله لرک حقنده جاری اولیوب ابتدا امر کیمدن ظهور ایتمش ایسه آنک حقنده اجرا قلنور و اگر بو متللو حرکت دها اغر بر جنایتی مؤدی اولورسه او اغر جنایتک جزاسی حکم و اجرا اولنور .

### §

### ذیل

بو وجهله صرف نفوذ و قوه مؤثره ایدنلر مأموریندن دکل ایسه [برسنه دن زیاده اولماق اوزره کذلک حبس] جزاسیله مجازات اولنور .

**۹۹ نجی ماده**یه ذیل ثانی — هر کیم اولورسه اولسون قولرا و سائر امراض ساریه دن مصاب ویا وفیات ظهور ایدن

خانه وسائر محللرك قوردون آلتنه آلتنه دائر جانب حكومتدن وقوع بولان اوامر واجراآته فعلاً ممانعت ايدرسه حركتك درجه سنه كوره [برآيدن ايكي سنه يه قدر حبس] ايله مجازات اولنور.

**۹۹** نجی ماده يه اوچنجی ذیل — آداب و اخلاق عمومیه بی محافظه و امن انضباطی تقرير ویا امراض ساریه نك تأثیرینی تحدید ایتك اوزره دولته اتخاذاولنوب با اراده سنیه نشر و اعلان قلنان مقرراته رعایت ایتیانلر [برلیرادن اوزبش لیرایه قدر جزای نقدی] اخذ ویا [یکرمی درت ساعتدن برآیه قدر حبس] ايله مجازات اولنور لر.

نوط — عساكر عثمانیه افرادینك تحت نكاحنده بولان قادینلری آخره تنکیح ایدن ائمه وسائر نك محاکم نظامیه ده اجرای محاکم لری ايله قانون جزانك ۹۹ نجی ماده سنك برنجی فقره سنه توفیقاً مجازات ایدملری حقنده ۱۵ مایس ۳۰۹ تاریخلی برتذکره سامیه واردور.

**۱۰۰** ماده — والی و متصرف و قائم مقام و دفتر دار و حکام و مال مدیرلری و قضا مدیرلری بولندقلری ایالت و سنجاقلر و قضالر و الحاصل حکومتلرینك جریان ایتدیگی محللرده اهلینك حوایج ضروریه سندن اولان حبوبات و ارزاق و سائر مالزمه لری آلوب صاته رق تجارت ایللری ممنوعیت کلیه ايله ممنوع اولدیغندن بولردن اشبو تجارت ممنوعیه بالذات و هر درلو اشتراك و واسطه ايله علناً و سرّاً هر کیم جسارت ایلرایسه [مأموریتندن



طرد ايله يکرمی بش مجیدیه آلتونندن بیك مجیدیه آلتونه  
قدر جزای نقدی] آنور و بونلرک بولندقلری محللرده کندو  
املاک و اراضیسی وار ایسه محصولاتنک تجارتی اشبو قاعده دن  
مستثنا طوتیلور.

۱۰۱ ماده — هر بر مأمور دولت علیه نک اعلان و اشا -  
عه سنی اراده ایلدیکی فرمان عالی و امرنامه سامی و تنبیها ت سائر هی  
نزد دولت علیه ده قبوله شایان اوله حق بر معذرت صحیحیه  
مبتنی اولمیه رق تأخیر ایلر ایسه [مأموریتندن طرد] اولنور  
و بو حرکتک اثری دولت و مملکتجه بر مضرتی موجب اولور  
ایسه او مقوله مضرتیه سبب اولنلر حقلرنده مرتب اولان جزا  
دخی بشقه جه اجرا اولنور.

۱۰۲ نجی ماده قائمه — مأمورین دولتدن بری وظیفه  
مأموریتی ایفاده بلا سبب مقبول اهل و تراخی ایلر و یا آمرینک  
احکام قانونیه مستنداً اعطا ایلدیکی اوامری کذا بر کونا  
سبب مقبول اولمقسزین اجرا ایلر ایسه مأموریتنک درجه سنه  
کوره [اوچ لیرادن یوز لیرایه قدر جزای نقدی] آنور و اشبو  
اهال و تراخیدن و یا آمرک قانونه مستند اولان اوامری عدم  
اجرادن دولتجه بر مضرت حصوله کلش ایسه درجه سنه کوره  
[بر هفته دن اوچ سنه یه قدر حبس جزا سیله برابر مؤبدأ و یا  
موقه رتبه و مأموریتدن محرومیت جزاسی] دخی حکم اولنور

و بو فعلدن افرادجه برکونا ضرر حاصل اولمش ایسه ده اوده  
بشقه جه تضمین ایتدیریلور .

### آلتنجی فصل

مأمورین حکومت طرفندن افراد حقنده تعدیات وسوء معاملات  
وقوعنده اجرا اولنه حق مجازات

۱۰۳ ماده — محاکم و مجالس اربابندن و سائر مأمورین  
دولتدن بری متهم اولان اشخاصه جرملرینی سویلتمک ایچون  
اذیت و اشکنجه ایتکی حکم و یاخود اجرا ایدر ایسه [ موقتاً  
قلعه بندلک و مؤبدلاً رتبه و مأموریتندن محرومیت ] جزا ربله  
مجازات اولنور و بونی معیت مأموری مافوقنده بولنان آمر -  
لرینک امریله یامیش ایسه بو جزالر بوامری ایدن کیسه حقنده  
اجرا اولنور و اشکنجه اولنان شخص بوندن متأثراً فوت اولور  
ویاخود اذیتدن طولایی اعضا سندن برینه برکونا ضرر و نقصان  
اصابت ایدر ایسه بوکا جرئت ایدن مأمور حقنده قاتل یا خود  
جارج جزاسی دنخی اجرا ایدیلور .

۱۰۴ ماده — محاکم و مجالس اربابندن و سائر مأمورین  
دولتدن بری مجرمینه قانوناً تعیین اولنان مجازاتدن زیاده و آغیر  
صورتله معامله ایلمکی حکم و یا اجرا ایدر ایسه [ آلتی ایدن اوج

سنه یه قدر حبس و فیما بعد محاکم و مجالس مأموریتلرنده قولالا -  
نماق اوزره طرد [ اولنور .

۱۰۵ نجی ماده قائمه - بر مأمور وظیفه مأموریتی سوء استعمال ایدرک و یا قانوناً معین اولان اصول و شرائط خارجنده اولهق آخرک اقامتگاهنه و یا مشتملاتنه داخل اولورسه [ اوچ آیدن اوچ سنه یه قدر ] واکر فعل مذکور اقامتگاهی تحری ایتک کی سائر معامله کیفیه انضمام ایده جک اولورسه [ آلتی آیدن اوچ سنه یه قدر حبس ] اولنور و بونی آمرینک وظیفه مأموریتی داخلنده اولان خصوصاتدن طولایی امریله یابمش اولدینی تبیین ایدرسه کندیبی جزادن معفو طوتیلوب آمری هرکیم ایسه بوجزا آنک حقنده اجرا اولنور . و مأمورینک غیری دخی هرکیم اولورسه اولسون صاحبک منعی خلافتنه اولهرق یا اخافه ، یا خود جبرایله و یا صورت خفیه ده برکیمسه نک خانه سنه کیرر ایسه [ برهفته دن آلتی آیه قدر حبس ] ایله مجازات اولنور .

۱۰۶ نجی ماده قائمه - قوه جبرییه اعمالنه مأمور اولنلر وضابطه مأمورلری واحضار مأمورلری امر مأموریتلرینی اجراده و فوقنده بولنان آمرینک امرینی انفاذده قانون و نظامک تعیین ایتدیکی احوالدن غیری صورتده اولهرق برکیمسه حقنده بر سوء معامله یه و یا جسماً اذا ویره جک حالنه جرأت ایدر .

ویا خود اول کیمسه بی ضرب و جرح ایلر ایسه [ برآیدن اوچ سنه یه قدر حبس و مؤبد آویا موقه رتبه و مأموریتدن محرومیت ] جزا ریله مجازات اولنور و اگر ایقاع ایتدیکی جرم اشبو فاعلرک فوقنده ایسه او مثللو جرائمه ترتب ایدن جزا تعیین اولنور .

۱۰۷ ماده — بیوک و کوچک مأمورین و اصحاب رتب دولت علیه طرفلرندن برکیمسه نك مال و املاکی جبراً اشترا و فضولی ادعا ایله بغیر حق ضبط اولنق و یا خود صاندیرلوق مثللو حالات وقوعبولور ایسه اول اموال و املاک عیناً موجود اولدینی حالدله قیمتی نقداً صاحب اولنه رد ایتدیریلوب بوکا متجاسر اولان مأمور قننی رتبه ده اولور ایسه اولسون درجه تهمتنه کوره [ آلتی آیدن اوچ سنه یه قدر نفی و مؤبد آرتبه و مأموریتدن محرومیت ] جزا سیله مجازات اولنور .

۱۰۸ ماده — رأس مأموریتده بولنان بیوک و کوچک مأمورین و بونلرک معیتلرینه تعیین اولنان مأمولر و مأمورینک استیخدام ایلدکلری آدملر و هرنوع واردات دولتی مقطوعاً درعهده ایدنلر و بونلرک آدملری دولتجه معین اولان ویرکو و اعشار و رسومات و سائر عائداتک مقدارندن زیاده برشی اخذ و استحصال ایلرلر ایسه رأس مأموریتده بولنان مأمورین ایله ملتزملر [ موقتاً قلعه بندلک ] جزا سیله و معیت مأمورلری و مأمورین آدملری [ آلتی آیدن اوچ سنه یه قدر حبس ] جزا سیله

مجازات اولنور وزائد اوله رق آلدقلى آچه هر نه مقدار ايسه  
رد ايتديرلد كدنسكره [ مأخوذلى اولان آچه نك بر مثلى دخى  
جزاى نقدى ] اوله رق اخذ واستحصال اولنور .

۱۰۹ ماده — قانوناً تعيين اولنان مجازات نقديه دن ماعدا  
جریمه اوله رق بيوك و كوچك كافه مأمورين جزئى وكلى آچه  
وسائر شى آلور ويا قانوناً تحصيلنه مامور اولدنى مجازات  
نقديه نك مقدارندن فضله اوله رق جزئى وكلى برشى اخذ ايلر  
ويا خود تعيين اولنه حق جزاى نقدى يى قبل الحاك كه آلور ايسه  
آلدنى شى ايكي قات اوله رق كندوسندن اخذ ايله برى اصحابنه  
ويريلوب بوكا متجاسر اولان مأمور رشوت جزاسيله مجازات  
اولنور .

۱۱۰ ماده — دولتيجه ونظاماً تعيين اولنان واهاليجه  
بالايجاب لزوم كورينان خدمات عموميه دن بشقه مأمورين دولت  
ووجوه مملكت آنغريه اوله رق بلااجرت مجاناً هر نوع ايشده  
آدم قوللانور ايسه بوكا متجاسر اولان كيمسه ايله مجاناً  
استخدام ايلدكلى آدملك محللرنجه اولان اجرت معروفه لى  
اخذايله اصحابنه بالتسليم مامورين دن ايسه طرد اولنوب هر برى  
درجه تهمتنه كوره ( آلتى آيدن اوچ سـنه يه قدر نفى ) ايله  
مجازات اولنور .

۱۱۱ ماده — بيوك و كوچك كافه مأمورين و مامور

آدملری ومصلحت واحضار مباشرلری وضبطیه وعساا کر  
موظفه نفراتی وضابطانی کلوب کچدکاری یرلرده اهلینک خانه لرینه  
قونوب ومجاناً یم ویه جک آلورلر ایه آلدقلری هر نه ایه نمی  
اصحابنه رد ایتدیرلد کدن وکندولری ماموریت وخدمتلرندن  
طرد اولندقد نصکره [ بر هفته دن بر آیه قدر حبس ] ایله تادیب  
وعساا کر موظفه نک هیئتجه حرکتلرنده بومثللو شیلره جسارت  
ایدرلر ایه آلدقلری اشیانک ائمانی ضابطندن اخذ ایله صاحبلرینه  
تسلیم ایتدیرلد کدن نصکره ( خدمتلرندن دخی جیقاریلوب آلتی آیدن  
اوج سنه یه قدر حبس ) ایله مجازات اولنور .

### یدنجی فصل

مأمورین دولت علیه مخالف وعدم اطاعت وحقارت ایدنلرک جزاسی

۱۱۲ ماده — محاکم ومجالس مامورلرینه وسائر مامورین  
دولت علیه ماموربتلرینی اجراده ایکن ویاخود اجرا ایتد-  
کاری حکم وماموریتدن طولایی بونلرک قدر وناموسلرینه  
نقیضه ویره جک صورته معامله حقارته واطاله لسانه واخافیه  
جرات ایدنلر اولور ایه [ بر هفته دن آلتی آیه قدر حبس ]  
اولنور وبوحقارت واطاله لسان واخافه کیفیتلری محاکم ومجالسک

مرافعه سی وقتنده وقوع بولور ایسه بوکا متجاسر اولان کیمسه  
[ آلتی آیدن یریه قدر حبس ] اولنور .

۱۱۳ نجی ماده قائمه — عسا کر نظامیه نك و حکومت  
طرفندن علی الاطلاق ضابطه یه واداریه مامور بولنانلرک مامور-  
ریتلرینی اجراده ایکن ، یاخود اجرا ایلدکلی حکم ماموریتدن  
دولایی قدر وناموس-لرینه نقیضه ویره جک صورته حقلرنده  
معامله حقارته واطاله لسانه واخلایه جرات ایدنلر اولور ایسه  
[ برهفته دن اوچ آیه قدر حبس ] ویاخود [ برمجیدیه آلتونندن اوچ  
مجیدیه آلتوننه قدر جزای نقدی ] اخذ اولنور . و بومثللو  
حقارتلر عسا کر نظامیه وژاندارمه ضابطانی وپولیس قومیسر  
و معاونلری حقلرنده وقوع بولور ایسه [ اون بش کوندن آلتی  
آیه قدر حبس ] اولنور و بومثللو حقارت واخلایه نك اجرا سنده  
تشهیر سلاح ایدن اولور ایسه [ هر حالده آلتی آیدن ایکی سنه یه  
قدر حبس ] اولنور .

۱۱۴ نجی ماده قائمه — ماموریتدن برینی ویا عسا کر  
نظامیه دن ویا ژاندارمه وپولیس صنفندن بر نفری ماموریتلرینی  
اجرا ده ایکن ، یاخود اجرا ایتدکلی حکم ماموریتدن دولایی  
ضربه ویا معامله جبر وشدته جرأت ایدن اولور ایسه [ آلتی  
آیدن ایکی سنه یه قدر حبس ] اولنور .

۱۱۵ نجی ماده قائمه — اجرای حکومت و ضبط واداره



مملکتہ مامور اولان بیوک کوچک کافہ مامورین دولت اجرای وظیفہ ماموریت ایدرکن ، یا خود اجرا ایتدکری حکم ماموریتدن دولایی بر آدم بونلردن برینی ضرب و جرح ایدر و یا خود خسته لکنه سبب اوله حق صورته بر فعل مؤثره جسارت ایلر ایسه [ آلتی آیدن اوچ سنه یه قدر حبس ] اولنور .

۱۱۶ نجی ماده قائمه — اجرا مامورلری وقوه مسلحه و تحصیلدارلر ایله احضار و توقیف مذکره لرینی حامل یولنان مباشر و پولیسلر و محاکم طرفندن بر محله نیابتاً اعزام اولنان مامورلر وضابطه ملکیه و عدلیه مامورلری قوانین و نظامات دولتی و اوامر حکومتی و مقررات و اعلامات محاکمی و احضار و توقیف مذکره لری احکامی و دعوتیه و جلب مذکره لرینی و سائر اوراق عدلیه یی تبلیغ و تنفیذ ایلدکری صرده بونلره تجاوزله اجرا آت قانونیه لرینه ممانعت ایچون معامله جبر و شدته و یا دیکر بر فعل مؤثره جرأت ایدنلر بروجه آتی مجازات اولنور .

اولا : اشبو افعال یکر می نفر دن زیاده اشخاص طرفندن ایقاع اولنور و بونلرک جمله سی و یا ایچلرندن بریمی جنی صورتده مسلح بونلور ایسه [ اوچ آیدن اوچ سنه یه قدر حبس ] جزاسی حکم اولنور و بونلر میاننده مسلح کیمسه بولنمدینی حالد اشخاص مرقومه حقنده [ بر آیدن ایکی سنه یه قدر حبس ] جزاسی تعیین اولنور .

ثانیاً : جرائم مذکورہ کر اوچدن نہایت یکرمی یہ قدر اشخاص طرفندن ایقاع اولنور وکندلک بونلردن ولو بریسی بروجه بالاچلی صورتده مسلح بولنور ایسه [اون بش کوندن برسنه یہ قدر حبس] جزائی تعیین ایدیلور وبونلر میاننده حامل سلاح کیمسه بولماز ایسه [برهفته دن آتی آیه قدر حبس] ایله مجازات اولنور .

ثالثاً : حرکات مسروده اکر جلی صورتده مسلح بر ویا ایکی کشی طرفندن ارتکاب اولنور ایسه بونلر [برهفته دن آتی آیه] واشبو کیمسه لر برکونا سلاخی حامل اولمدقلری خالده [یکرمی درت ساعتدن برآیه قدر حبس] اولنورلر .

اشبو فقره لرده محرر مخالفت وعدم اطاعت جرملرینک ایقاعی صره سنده دهاشدید جزائی استلزام ایدن افعال ارتکاب اولنش ایسه افعال مذکورہ مرتکبلرینک هربری حقنده قانوناً لازم کلن جزا تعیین اولنور .

### سکزنجی فصل

محبوس قاچر مغه وارباب جنایتی اخفایه متجاسر اولان اشخاصه دائر ۱۱۷ ماده — هر نه صورتله اولور ایسه اولسون حکومت طرفندن اخذ و توقیف اولنان اشخاصک فراری و قوعندن

بونلرك نقل و ايصالنه مامور اولان ضابطان و نفرات و مباشرلر و بونلرك محبسلىده محافظه لرينه مامور اولان قره غول و حبسچى و زندانچى و نوبتچى و قپوچى و بونلركى مامورلر خلاف اصول و نظام قيد سزلك و تسبب ايدهرك ارباب جنايتك فرارى و وقوع بولور ايسه اولصور تله حر كترلر ظهوره كلنلر [ برهفته دن ايكي آيه قدر حبس ] اولنور و بونده مامورينك صنع و غرضى وار ايسه بوكا متجاسر اولان مامور فرار ايدن اشخاصك بادىء محبوسيتى اولان جنايتك درجانه كوره [ آلتى آيدن اوچ سنه يه قدر حبس ] ايله تاديب اولنور .

۱۱۸ ماده — حبس و توقيف اولنان اشخاصك محافظه سنه مامور اولميان كي مسمه لردن بر آدم محبوسينك فرارى اسبابى تحصيل و تسهيل ايدرا ايسه [ برهفته دن آلتى آيه قدر حبس ايله ] مجازات اولنور .

۱۱۹ ماده — كرك محبوسينك محافظه سنه مامور اولان و كرك سائر كمسنه لردن بر آدم محبوسينك زور ايله فرارلرى اسبابى تحصيل ايچون بونلره آلات و ادوات و اسلحه اعطا ايدر ايسه [ موقتاً كورك ] جزاسيله مجازات اولنور .

۱۲۰ ماده — محبوسينك محافظه سنه مامور اولنلردن بر كي مسمه آچه آله رق بر محبوس قاچير ديفى صورتده اكر محبوسك جرمى قتل و مؤيد كورك يا قلعه بندلك جزا لرندن برينى موجب

اولان جنایاتدن ایسه آلدینی [ آچقەنك ايكي قاتی جزای نقدی  
آلندقدن بشقه موقتاً كورك ] جزاسیله مجازات اولنور واکر  
محبوسك جرمی بونلرك مادوننده برجرم ایسه مرتشی حقنده  
معین اولان جزا ایله مجازات اولنور .

۱۲۱ ماده — محبسدن فرار ایده نی ویاخود برجنایت  
ایله متهم اولانی برکیمسه بیلهرك خانه سنده کتم و اخفا ایدر  
ایسه [ آلتی آیدن ایکی سنه یه قدر حبس ] اولنور و اصول  
وفروغندن اولان اقربا وازواج و برادر و همشیره سی اشبو  
مجازاتدن بالاستثنا معاف اولورلر .

### طقوزنجی فصل

مهر فککنه و امانت اشیا و اوراق رسمیه نك اخذینه متجاسر  
اولانلرك مجازاتی

۱۲۲ ماده — دولت اداره سنك ویاخود محاکمینك امری  
ایله هر نه مصلحتیه دائر اولور ایسه اولسون بر محل و اشیا  
و اوراقك حفظی ایچون وضع اولنان مهر بوزیلوب آچیلدینی  
حالده اول مهرك محافظه مأموری وار ایسه وبو کیفیت آنك  
غفلت و تسبیله وقوعه گلش ایسه [ بش مجیدیه آلتونندن اللی  
مجیدیه آلتوننه قدر جزای نقدی ] آلنور وبومهر جنایاته دائر

اوراق واشیا اوزرنده بولنوبده فك اولمش ایسه بوجزای  
تقدیدن بشقه اول اوراق واشیانك متعلق اولدینی جنایاتك  
درجه سنه کوره محافظه سنه مأمور اولان آدم [اوج آیدن بر  
سنه یه قدر حبس] ایله مجازات اولنور .

۱۲۳ ماده — بالاده بیان اولندیگی اوزره جنایاته دائر  
اولان اوراق واشیا اوزرینه وضع اولنان مهری بوزوب آچان  
کیمسه [آلتی آیدن بر سنه یه قدر حبس] ایله تأدیب اولنور  
وبونی بالذات محافظه یه مأمور اولان یامش ایسه [بر سنه دن  
اوج سنه یه قدر حبس] ایله مجازات اولنور .

۱۲۴ ماده — سائر هرتوع مصالحه دائر اوله رق بر محل  
واشیا واوراق اوزرنده بولنان مهری بوزوب آچان کیمسه  
[بر هفته دن آلتی آیه قدر حبس] ایله مجازات قلمور . وبونی  
بالذات محافظه سنه مامور اولنلر یامش ایسه [آلتی آیدن بر سنه یه  
قدر حبس] اولنور .

۱۲۵ ماده — مهر فکی ایله وقوعبولان سر قتمه متجاسر  
اولنلر حق لرنده عینیه محفوظ وقه الی محلك قپو کلیدلرینی  
قیره رق سر قتمه متجاسر اولنلر حق لرنده مرتب اولان مجازات  
اجرا قلمور .

۱۲۶ ماده — دولتیجه اوراق مهمه وسندات وجریده  
ودفاتر و محاکماته دائر اولان کاغدلر محافظه لرینه مخصوص اولان

محللردن و یا خود محافظه‌سنة مأمور اولان آدم‌لرک ال‌لرندن اخذ و سرقت اولنور و یا محو و تلف ایتدیریلور ایسه بو کیفیت محال فظه‌سنة مأمور اولانلرک عدم تقید و تسبیلرندن نشأت ایتدیگی متحقق اولدوقده [برآیلق معاشی مقداری جزای نقدی آلنور و برهفته‌دن اوچ آیه قدر حبس] اولنور .

۱۲۷ ماده — یوقاروکی ماده‌ده بیان اولندیغی وجهله سرقت و یا محو و تلف ماده‌لرینه جسارت ایدن کیمسه‌لر [آلتی آیدن ایکی سنه‌یه قدر حبس] و بو اوراق مهمه سرقتی و یا خود تلفی حفظنه مأمور اولانلر طرفندن وقوع بولور ایسه [جزای نقدی اوله رق برآیلغی آلدقده نصکره برسنه‌دن اوچ سنه‌یه قدر حبس] ایله مجازات اولنور .

۱۲۸ ماده — اش‌بو مهر فیکری و سرقت و محو و اتلاف اوراق جنایتلری حفظ اوراقه مأمور اولانلر اوزرینه بعضی اش‌شخاص طرفندن جبر و هجوم ایله وقوع بولدیغی حالده بوکا متجاسر اولانلر [موقت کورک] جزاسیله مجازات اولنور .

۱۲۹ ماده — پوسته و سائر بومقوله واسطه‌لره تودیغی اولنان مکانی کیشاد ایدن و ایتدیرن و بالخاصه بوکا معلوماتی اولان پوسته مأمورلری [برمجیدیه آلتونندن بش مجیدیه آلتوننه قدر جزای نقدی آلدقده بشقه برآیدن اوچ سنه‌یه قدر حبس] اولنور .

## اوتنجی فصل

صلاحیت و مأذونیتی اولمقسزین صفت رسمیه ده بولانلر وکنندیلککنندن  
احقاق حق ایدنلر

۱۳۰ ماده — هرکیم دولت علیه دن صلاحیت و مأذونیتی  
اولمقسزین خود بخود بر ماموریت ملکیه وعسکریه صفتنده  
کورینور ویاخود بو ماموریتلره متفرع موادی اجرا ایلرسه  
[اوج آیدن اکسیک اولماق اوزره حبس] جزاسیله مجازات  
اولنور وبوحرکته متجاسر اولان ساخته فرمان عالی وامرنامه  
سامی و بیورلدی مثللو اوراق رسمیه ارائه ونشریله ساخته کارلغ  
جرات ایدر ایسه حقنده اون بشنجی فصلده بیان اولنه جنی  
وجهله ساخته کار جزاسی دخی آیریجه حکم واجرا قانور .

۱۳۰ نجی ماده یه ذیل — برکیمسه حکومه در حال  
مراجعه مقتدر اولدیغی احوالده جبروشدت اجراسیله بالذات  
استیفای حق ایلر ایسه [رسنه یه قدر حبس] اولنور .  
جرمك فاعلی حقه صحتی اثبات ایلر ایسه کوره جکی  
جزانك اوج ربی قدری تنزیل اولنه یلور .

حکما کندی یدی نزع اولنوبده مستحقنه تسلیم قلنان  
اموال غیر منقوله یی تکرار ضبط واشغال ایلین شخص [برآیدن  
رسنه یه قدر حبس] اولنور .



اگر بوفعل جبر و شدت استعمالی و یا تهدید ایقاعی صورتیله  
 و یا خود مسلحاً و بردن زیاده اشخاص طرفندن اجرا ایدیلور  
 ایسه [حبس جزاسی آلتی آیدن ایکی سنه یه قدر] تمید اولنور.  
 ۱۳۱ ماده — طرف دولت علیه دن نائل و مأذون اولمدینی  
 نشانی طاقان و کندی رتبه سنک مافوقنده البسه رسمیه کیان  
 و یا خود هیچ رتبه و مأموریتی اولمدینی حالد اولنیفورمه تلبس  
 ایلان اشخاص [اوج آیدن بر سنه یه قدر حبس] ایله تأدیب  
 اولنور.

### اون برنجی فصل

امتیازات مذهبییه تعرض ایدنلر ایله بعض آثار قدیمه و معتبره یی  
 تخریب و ورخنه دار ایدنلره دائردر

۱۳۲ ماده — صنوف تبعه شاهانک دولتیجه اجرا سنه  
 ماذون اولدقلری رسم و آیینلرینه برکیمسه طرفندن تعرض  
 وقوعبولور و یا خود بونلرک اجرا سنه فعلاً و تهدیداً ممانعت  
 وقوعه کلور ایسه اول کیمسه درجه معامله سنه کوره [برهفته دن  
 اوج آیه قدر حبس] ایله تأدیب اولنور.

۱۳۳ ماده — خیرات شریفه و تزینات بلدیهدن اولان  
 ابنیه و آثار مصنوعه یی هدم و تخریب و یا خود بعض محللرینی

قیروب رخنه داریدن و جوامع حولیلرنده و سیریرلرنده واسواق  
ومیدانده کی آغاچلری قطع وتلف ایلیان ومقابر امواته تعرض  
ایدن اولور ایسه ضررلری تضمین ایتدیرلدکدنصکره [برآیدن  
بر سنهیه قدر حبس ایله مجازات اولنور وبر مجیدیه آلتونندن  
اون مجیدیه آلتوننه قدر جزای نقدی] آلتور.

### اون ایکنجی فصل

تلفراف وتلفون مخبراتی اخلاص ایدنلر

۱۳۴ نجی ماده قائمه — هر کیم اولور ایسه اولسون  
نظاماته رعایتسزک ایله تلفون وتلفرافک خدمت و حرکتینی  
ویا خود آلاتینی مخبریه مانع اوله حق صورتله اخلاص ایدرسه  
[بش مجیدیه آلتونندن الی مجیدیه آلتوننه قدر جزای نقدی]  
آلتور واکر بونی قصداً یاپمش اولدینی ثابت اولور ایسه بو  
جزای نقدیدن فضله [اوج آیدن ایکی سنهیه قدر حبس] اولنور.  
۱۳۵ نجی ماده قائمه — هر کیم اولور ایسه اولسون تلفون  
وتلفراف تللرینی ویا خود پورسان دیرکلرینی کسر وتخریب  
مثللو حالات ایله تعطیل مخبریه سبب اولور ایسه [اوج ماهدن  
ایکی سنهیه قدر حبس اولنور وبش مجیدیه آلتونندن الی  
مجیدیه آلتوننه قدر جزای نقدی] آلتور.

۱۳۶ نجی ماده قائمه — هر کیم اولور ایسه اولسون  
ممالك دولت علیه ده بر کونه اختلال و فساد وقوعی ائناسنده  
تلفون و تلغرافک برویاخود دهازیاده خطلرینی تخریب ویاخود  
سائر جهتله ایشلمه سنی منع ویاخود جبراً وسائر صورتله ضبط  
ایدرك بين المأمورين جریان ایده جک مخبرات و مراسلاتی تعطیل  
و واسطه تلغراف ایله مکتوب کوندرنلری تعطیل مراسلاتدن  
وتلفونله مکالماتدن منع وزجر ایلرایسه ویاخود تلفون و تلغراف  
خطنک تعمیرینه جبراً مخالفت ایلر ایسه [اللی مجیدیه آلتونندن  
ایکیوز مجیدیه آلتوننه قدر مجازات نقدیه آلتدقدن بشقه موقتاً  
کورکه] قونیلور .

### اون اوچنجی فصل

بلا رخصت مطبعه کشاد ایدنلره و امر رخصتله آچیلماش اولان مطبعه لرده  
اوراق مضره طبع ونشر ایلیانلره و مکتبلرک اصول تعلیمیه سنه دائردر  
۱۳۷ ماده — هر کیم دولت علیه نك امر ورخصتی  
اولیه رق بر مطبعه کشادیله کتاب واوراق طبع ایلر ایسه مطبعه سی  
قباتدیرلدقدن صکره جزای نقدی اوله رق [اللی مجیدیه آلتونی  
اخذ] اولنور .

نوط — مطبعه لر قانونی موجبجه ، امر ورخصت آلفه حاجت

اوله یوب بیاننامه اعطاسیله مطبعه کشاد اولنور . بوخصوصده مطبعه لر  
قانوننه مراجعت اولنه .

۱۳۸ ماده — دولت علیه نك امر ورخصتیله آچلمش  
اولان مطبعه لرده سلطنت سنیه وارباب حكومت وتبعه سلطنت  
سنیه دن اولان برملت علیه نده غزته ویا كتاب واوراق مضره  
طبع ونشرینه متجاسر اولان کیمنسه نك ابتدا باصدیرمش  
اولدینی شیلرک ضابطیله درجه جرمنه کوره مطبعه سی موقتاً  
ویاخود بتون بتون قیادتیرلدقدنصوکره [اون مجیدیه آلتونندن  
اللی مجیدیه آلتوننه قدر جزای نقدی] اخذ اولنور .

نوط — بوماده حقیده وبوکی خصوصاتده مطبوعات قانوننه مرا-  
جعت اولنه .

۱۳۹ ماده — آداب عمومییه مخالف اوله رق نظماً ونثراً  
هزل وهجو دائر شیلری ویاخود ادب سزجه رسم وتصویری  
باضان وباصدیران ونشر ایدن کیمنسه دن [بر مجیدیه آلتونندن  
بش مجیدیه آلتوننه قدر مجازات نقدیه آلتونر ویکرمی درت  
ساعتدن برهفته یه قدر حبس] اولنور .

نوط — مطبوعات قانوننك ۲۰ نجی ماده سنه نظر اولنه .

۱۴۰ ماده — معارف عمومییه نظاماتنك خلافتیه اوله رق  
برکیمنسه مکتب آچار ایسه آچدینی مکتب قیادتیرلدقدنصوکره  
[بش مجیدیه آلتونندن اوتوز مجیدیه آلتوننه قدر جزای نقدی] آلتونر  
۱۴۱ ماده — معارف عمومییه نظاماتنك خلافتیه اوله رق

بلا رخصت معلمك ايدن اولورسه معلمكدن منع ايله [ايكي مجيديه آلتونندن اون مجيديه آلتوننه قدر جزای نقدی] آلتور. ۱۴۲ ماده — معارف عموميه نظاماتك خلافتنه اوله رق بر مکتبده بر کتاب تدريس اولور ايسه اول کتابی اوقوتديران مکتب مدیریت واکر مکتبک مدیریت یوغیسه اول کتابی اوقودان معلم [بر هفته دن بر سینه قدر حبس] ايله مجازات اولور.

## اون دردنجی فصل

### قلبنك بیاننده در

۱۴۳ ماده — دولت علیه ده تداولی نظاماً مقبول و مقرر اولان آلتون و كموش مسكوكاته تقلیداً مسكوكات قطع ايدن و ذكر اولنان مسكوكات مقررده دن اكه وزن به و تيزاب و یاسائر آلات و طریق ايله آز و چوق آلتون و كموش اخراج و افراز ايدرك قيمتلى تنقيص ايليان و بر سه كیي دها قيمتلى اولان آخر بر سه كه يرينه سورمك اوزره آنك رنكده يالديزليان و او مثللو قلب و زیوف مسكوكاتك ممالك محروسه ده تداولنه و یا خود بلاد اجنبیه دن كلوب ممالك عثمانیه ده دخولنه معین اولان و قلب سور یجیلکیله مشغول بولنان کیمسه لر [اون سنه دن اکسیك اولماق اوزره موقتاً کورکه] قونیلور.

۱۴۴ ماده — هر کیم ممالك محروسه ده تداول ایتمکده اولان مسکوکات نحاسیه به تقلیداً سکه قطع ایدر و او مثللو قلب مسکوکاتک ممالك محروسه ده تداولنه و یا خود بلاد اجنبیه دن کلوب درون ممالك عثمانیه به دخولنه معین اولور ایسه [موقتاً کوزکه] قونیلور .

۱۴۵ ماده — هر کیم ممالك محروسه ده مسکوکات اجنبیه به تقلیداً سکه قطع ایدر و یا مسکوکات اجنبیه نک یوز قرق او چنجی ماده ده بیان اولنان طریقار ایله قیمتی تنقیص یا رنگنی تعییر ایلر یا خود او مقوله قلب و زیوف مسکوکات اجنبیه نک ممالك محروسه ده ده تداولنه و خارجدن ممالك عثمانیه به دخولنه معین اولور و یا بونلرک سورمیه مشغول بولور ایسه [موقتاً کوزکه] قونیلور .

۱۴۶ ماده — مواد سابقه ده بیان اولنان قلب و زیوف مسکوکاتی صحیح ظنیله آلوب و یرن کیمسه لر حقلرنده قلب سورمچیلک تهمتی عزو اولنق اقتضا ایتیموب فقط او مقوله مسکوکات فاسده الیرینه کچد کدنصو کره قلب و زیوف اولدیغنه واقف اولدقلری حالده سوررلر ایسه سوردکلری مبلغک [لا اقل اوچ مثلی و نهایت آلتی مثلی جزای نقدی] آنور و بو جزای نقدی هیچ بر حالده بر مجیدیه آتونندن اشاغی اولیه جقدر .

نوط — سیم مسکوکات اجنبیه نک ممالك عثمانیه به ادخال و تداولی

قطعیاً ممنوع اولدیغندن مسکوکات ممنوعه مذکوره بی ارباب حاجته طلبیری اوزرینه ویروب آلق مستثنا اولوب فقط آچه یوزدیرمق صره سنده وسائر اخذ واعطاده بوسکهری مجبوراً اهالی یه سورمهک چالیشانلرک اشبو ماده ایله محکوم اولملری لازم کله جکی حقنده ۲۸ کانون اول ۹۹ تاریخی برحیرات علیه واردر .

۱۴۷ ماده — یوز قرق اوچنچی و یوز قرق دردنچی و یوز قرق بشنچی ماده لرده بیان اولنان جنایتلرایله متهم اولان کیمسه لردن اول جنایتلرک تمامی اجرا سندن اول ویا خود دها حکومت طرفندن امر تحریاته شروع اولمازدن مقدم کیفیتي ومتجاسر اولانلری جانب حکومته اخبار ایدن و امر تحریاته شروع اولندقدنصو کرد دها سائر متهملرک اخذ و گرفت اولملرینه خدمت ایلیانلر مجازاتدن معاف اولوب فقط [ موقتاً ضبطیه نظارتی آلتنه ] آالنور .

## اون بشنچی فصل

### ساخته کارلق بیاننده در

۱۴۸ ماده — اوامر دولت علیه یه تقلید ایدن وایتدیرن ویا خود اوامر علیه یی تغیر ایدن وایتدیرن و مأمورین دولتك صح و امضاسنی تقلید ایدن وایتدیرن و دولت علیه مأموریتلرینه و مأمورلرینه مخصوص بر مهره تقلیداً ساخته مهر اعمال ایدن و بویله ساخته مهری استعمال ایلیان و بالجله خزائن و مال



صندوقلرینک متداول اولان اسهام و تحویلات و سرکی و سائر هرکونه سنداتی تقلید و یا ساخته کارقله تغییر ایدن و بویله ساخته قوائم و سندلر استعمال و یاخود ممالک محروسه یه ادخال ایلیان کیمسه لر [ اون سنه دن آشاغی اولماق اوزره موقتاً کورک یاقلعه بندلک ] جزاسیله مجازات اولنور .

۱۴۹ ماده — هرکیم میری یه متعلق اولان هر نوع طغرای تمغالردن برینی تقلید و یا ساخته کارلق صورتیله تغییر ایدر ایسه [ اون سنه یی تجاوز ایتماک اوزره موقتاً کورک یاقلعه بندلک ] جزاسیله مجازات قلنور . و بویله طغرای میری تمغالردن برینی بر تقریب اله کچور و بده انی دولت و مملکتیه مضر اوله حق صورتده استعمال ایدن کیمسه [ اوچ سنه حبس ] اولنور .

نوط — هر نوع مستعمل پوللری بیله رک قولالانلر رسم تمغا قانونک ۳۱ برنجی ماده سی موجبجه بوماده نک فقره ثانیه سی حکمنجه مجازات اولنورلر .

۱۵۰ ماده — هر نوع امتعه و اشیا اوزرینه دولت علیه نامنه اوله رق باصلمغه مخصوص اولان و کرک بر مأموریتیه و کرک دولتک رخصتیله اولان بر شرکته و یاخود بر تجارت اوینه مخصوص بولنان هر نوع مهر و تمغا و نشانلره تقلید و یاخود او مقوله ساخته تمغا و نشانلری استعمال ایلیان کیمسه [ اوچ سنه حبس ] ایله مجازات اولنور . و بو ساخته کارلقدن طولایی واقع اولان ضرر کندوسنه تضمین ایتدیریلور و هرکیم بو مثللو مهر

وتمغا و نشانلرك اصللرینی بر تقرب الہ کجیروبدہ کرک حکومت و مأموریتلرك و کرک بر جمعیت تجارتک و بونلرك امثالی هیئت و شرکت مخصوصہ نك منفعتنه مضر اولہ حق حالده استعمال ایلر ایسه [آلتی آیدن بر سنہ یه قدر] حبس ایله تأدیب قلنور. بوصولته واقع اولان ضرر دخی اول کیمسه یه تضمین ایتدیریلور.

۱۵۱ ماده — مواد سابقه ده بیان اولنان ساخته کارلق ایله متهم اولان کیمسه لردن هر کیم اول جنایتلرك تمامی اجرا سندن اول و یا خود دها حکومت طرفندن امر تحریراته شروع اولنمزدن مقدم کیفیتی و متجاسر اولنلری جانب حکومتہ اخبار ایدر و امر تحریراته شروع اولدقدن صوکره دخی سائر متهملرك اخذ و گرفت اولنلرینه خدمت ایلر ایسه مجازاتدن معاف اولوب فقط [موقتاً ضبطیه نظارتی آلتنده] طوتیلور.

۱۵۲ ماده — مأموریندن هر کیم اولور ایسه اولسون حین اجرای مأموریتنده مقدمات پابلش اولان اعلام و مضبطه و سائر سنداتک و یا دفتر و جریده و سائر سجلاتک کرک سطوری آرہ سنہ علاوه و کرک خط و خاتم و یا امضایی تغییر ایله و یا بر شخصک اسمی یرینه دیگر بر شخصک اسمی قویقله ساخته کارلق ایدر ایسه [اون سنہ دن آشاغی اولماق اوزره موقتاً کورک و یا خود قاعہ بندلک] جزاسیله مجازات اولنور. واکر بو ساخته کارلانی ایدن کیمسه مأموریندن دکل ایسه [یدی سنہ یی

تجاوز ایتماک اوزره موقت کورک و یاخود قلعه بندلک [ جزا -  
سیله مجازات اولنور .

**۱۵۳ ماده —** بر مأمور مجالس و محاکمه وسائر امور  
عباد رؤیت اولنان محللرده ارباب مصالح ایچون یاپیلان هر نوع  
سندات و اوراق رسمیه یی مأموریتی اقتضاسنجه تنظیم ایدر ایکن  
کوک صاحب مصلحت اولنلرک تقریر و افاده لرینی بشقه درلو  
یازهرق و کوک کیفیت غیر صحیحه یی صحیح برینه و یاخود اعتراف  
اولنمیان بر حال و کیفیت اعتراف اولنش حکمنه قویه رق حیل  
کارقله اصل ماده یی و یاخود احوال متفرعه سنی تغییر ایله ساخته  
کارلق ایدر ایسه [ اون سنه دن آشانغی اولماق اوزره موقتاً  
کوک یاخود قلعه بندلک ] جزا سیله مجازات اولنور .

**۱۵۴ ماده —** مادتین سابقتمنده بیان اولنان ساخته اوراق  
بیله رک استعمال ایدنلر [ یدی سنه یی تجاوز ایتماک اوزره موقتاً  
پرانغه بند یا قلعه بند ] قلعنور .

**۱۵۵ ماده —** بر شخصه متعلق اولان اوراق مخصوصه ده  
بالاده بیان اولنان صورتله ساخته کارلق ایدن و بو مقوله ساخته  
اوراق بیله رک استعمال ایلیان کیمسه لر [ بر سنه دن اوچ سنه یه  
قدر حبس ] ایله مجازات اولنور .

**۱۵۵ نجی ماده ذیلی —** رسومات اداره لرینه نظاماً ابرازی  
لازم کلن فاطوره و بیاننامه و سائر یی خلاف حقیقت اوله رق

تنظیم و یا اصلارینی تغییر و تحریف آیدن و یا ایتدیرن و یا خود بویله  
خلاف حقیقت و یا محرف و اوراقی بیله رک ابراز و یا استعمال آیدن  
و یا ایتدیرن اشخاص [ بر هفته دن بر سنه یه قدر حبس ] اولنور  
و یا خود بش لیرادن یوز لیرایه قدر جزای نقدی آلنور و یا خود  
بو جزا رک ایکسی بردن اجرا قلنور .

۱۵۶ ماده — بول امری و مرور تذکره سی و پساپور-  
طوره ساخته اسم یازدیران و یا خود بو مقوله حیلہ اینه یول  
کاغدلرینی استحصال ایچون کفالت ایلین شخص [ آلتی آیدن  
ایکی سنه یه قدر حبس ] اولنور .

### §

### ذیل

شخص آخر نامه ویریلان یول امریله مرور تذکره سنی  
تغییر و تحریف ایتیمکسزین مجرد اول شخصک نامنی طاقنه رق  
استعمال آیدنلر و اوراق مذکوره بی نام مستعار ایله استعمال  
اولنه جغنی بیله رک آخره اعطا ایله یانلر [ بر هفته دن بر ماهه ] قدر  
و پساپور طوری بو صورته استعمال و یا خود نام مستعار ایله  
استعمال اولنه جغنی بیله رک شخص آخره اعطا ایلیانلر [ آلتی  
آیدن ایکی سنه یه قدر حبس ] اولنور .

۱۵۷ ماده — یول امری و مرور تذکره سی و پساپورطی و تذکره عثمانیه بی ساخته اوله رق یاپان و یا خود اشبو اوراقی تغییر و تحریف ایدن و بومقوله ساخته و تغییر و تحریف اولمش اوراقی استعمالی ایلین اشخاص [ برسنه دن اوچ سنه یه قدر حبس ] اولنور .

۱۵۸ ماده — خانجی و قهوه جی و بی-کار اوطه جیسی و لوقانظه جی و سائر بومثللو اجاره یومیه ایله شونی بونی اسکان ایدن کیمسه لر اوطه و سکننا ویردکاری اشخاصک صحیح اسملرینی بیلدکاری حالده نامدیگرله ساخته اوله رق دفتره قید ایتدیررایسه [ برآیدن اوچ سنه یه قدر حبس ] اولنور .

۱۵۹ ماده — مرعی اولان اصول و نظامی اقتضاستجه کفالته ربط ایتکمیزین مرور تذکره سی ویرن مأمورلر ما- ریتلرندن عزل و [ آلتی آیدن برسنه قدر حبس ] ایله مجازات اولنور . بومثللو مأمورین ویره جکاری یول کاغدلرینه بیلهرک ساخته اسم یازارایسه [ آلتی آیدن ایکی سنه یه قدر حبس ] اولنور .

۱۶۰ ماده — هر نوع خدمات دولتدن کندینی و یا خود آخرنی معاف ایتدیرمک اوزره اطبیا و جراح نامنه اوله رق علت وجودیه سنی متضمن ساخته شهادتنامه یاپان شخص [ بر سنه دن اوچ سنه یه قدر حبس ] اولنور .

۱۶۱ ماده — طیب و جراحان در هر کیم برینک التماسنه  
مبنی و یا خود خاطره رعایه خدمت دولتدن معاف ایتدیرمک  
ایچون اصلی اولمیهرق مرضی و علای واردر دیو شهادت ایدر  
ایسه [ بر سنه دن اوچ سنه یه قدر حبس ] اولنور . واکر  
بوساخته کارلخی آچه وهدیه اخذیله ارتکاب ایتمش ایسه حقنده  
مرثشی جزاسی و آچه ویرن حقنده دخی راشی جزاسی اجرا  
اولنور .

۱۶۲ ماده — هر نه درلو ساخته و تقاید شی اولور ایسه  
اولسون بیلمیهرك استعمال ایدنلر جزادن معاف طوتیلور .

## اون آلتنجی فصل

### قوندالچی مجازاتی

۱۶۳ ماده — شهر و قصبه و قریبه دروننده مسکون و غیر  
مسکون هر نوع ابنیه ایله سفینه لره عمداً آتش و یروب احراق  
ایدن شخص احراق ایتدیکی بنا و یا سفینه بشقه سنک مالی بو.  
لندیخی و یا خود کندوسنک مالی اولوبده آتشک سرایتیله بشقه سنک  
بنا و یا سفینه سی دخی محترق اولدیخی صورتده اکر ایقاع اولنان  
حریق تلف نفی موجب اولمش ایسه فاعلی [ اعدام ] تلف

نفسی موجب اولمامش ایسه [ مؤبداً کورک ] جزاسیله مجازات اولنور .

فقط محترق اولان بنا و یا سفینه کندی مالی اولوب آتش دخی آخرک بنا و یا سفینه سنه سرایتله احراق ایتزایسه [ اون سنه دن زیاده اولمامق اوزره موقتاً کورکه ] قونیلور .

۱۶۴ ماده — شهر و قصبه و قریه خارچنده اولوب انسانه مخصوص و یا خود قابل سکنا واستعمال اولان و اولیان بنالره و قوری و اورمان و هنوز طوپراق اوزرنده بولنان محصولاته عمداً آتش و یروب احراق ایدن کیمسه احراق ایتدیکی شی باشقه سنک مالی ایسه [ مؤبداً ] و یا خود [ موقتاً ] و کندی مالی اولوبده حریقک سرایتله آخره مضرتی طوقنور ایسه [ موقتاً کورک ] جزاسنه مستحق اولور . داخل و یا خارج شهرده هر نوع بنالرك قصداً احراقنه متصدی اولوبده فعله کتوره میانلر [ موقتاً کورکه ] قونور .

۱۶۵ ماده — کسالمش اودون و کراسته و بچلمش محصولاته کندی مالی اولمدیغی حالده عمداً آتش و یرن شخص [ موقتاً کورکه ] قونیلور و کندی مالی اولوبده بویله بالاختیار احراقيله آخره مضرتی طوقوندیغی حالده [ موقتاً قلعه بند ] قونور .

۱۶۶ ماده هر حالده واقع اولان حریق حین ظهورنده



مواقع محترقه ده بر ویاخود دها زیاده شخصک تلفنی موجب اولدینی حالد قونداق وضع ایدنلر علی الاطلاق [اعدام] جزا- سیله مجازات اولنور.

۱۶۶ نجی ماده نك ۱ و ۲ نجی ذیللری مقامنه قائم ماده مذبله — هرکیم دائرة عاذه سندن رخصت استحصال ایتکمزین ممالك عثمانیه ده باروت و سائر اجزای ناریه و اسلحه ممنوعه و بونلره مخصوص فشنک اعمال ایدر و یا ممالك اجنبیه دن ممالك عثمانیه به باروت و سائر اجزای ناریه و اسلحه ممنوعه و بونلره مخصوص فشنک ادخال و یا بوزوع قچاقیلغه توسطایلر ویاخود داخل ممالك عثمانیه ده بر محلدن دیگر محله قچاق باروت و سائر اجزای ناریه و اسلحه ممنوعه و بونلره مخصوص فشنک نقل وادخال ایدر سه بونلر مصادره اولندقدن بشقه [ایکی آیدن ایکی سنهیه قدر حبسه] قونیلور و بش مجیدیه آلتونندن اللی مجیدیه قدر جزای نقدی آلتور . بلا رخصت بوقیل ممنوع فشنک و اسلحه و باروت و اجزای ناریه طاشیانلر و صاتانلر دخی [ بر ماهدن آلتی ماهه قدر حبس و بر مجیدیه آلتونندن اون مجیدیه آلتوننه قدر جزای نقدی ] اخذبله مجازات اولنور . قانون جزا اعتباربله اسلحه ممنوعه دن مقصد علی الاطلاق اسلحه میریه و حریینه ایله ناملوسی اون بش سانتیمتری متجاوز اولان روولورلردر .

۱۶۷ ماده — هر درلو اېنيه و املاكي احراق ايجون بر  
شخصه جبر واکراه ايدن کيمسه [کورک] جزاسيله مجازات  
اولنور .

## باب ثانی

اشخاص حقنده وقوعبولان جنایت و جنبه لاله مجازات مرتبه لری

### برنجی فصل

قتل و جرح و ضرب و اخافه به دائر در

۱۶۸ ماده — قتل کرک سلاح ايله و کرک تسميم ايله  
و کرک صور اخری ايله بر شخصی اعدام ایتکدر .

۱۶۹ ماده — تعمداً قتل بر کيمسه قتل فعلی ايقاعدن  
مقدم ذهننده تصور و تصمیم ایتش بولنمیدر .

۱۷۰ نجی ماده قائمه — تعمداً بر شخصی قتل ايدن و یا آباء  
واجداد و امهات و جداتندن برینی ولو من غیر تعمد قصداً  
قتل ایلیان کيمسه [اعدام] اولنور .

۱۷۱ ماده — حکم قانونی حقوق شخصیه بی اسقاط ایده  
میه جکندن مقتولک ورثه سی و ارسه آنلرک ادعاری اوزرینه  
حقوق شخصیه دعواسی محکمه شرعیه حواله اولنور .

نوط — شرعاً قصاصنه حکم اولنیوب دیتله محکوم علیه اولدینی  
حالدہ قانوناً اعدامی لازم کلن و اصلاً متروکاتی بولنمایان قاتلرک محکوم  
اولدقلری دیت ایچون خزینۀ جایله دن آقچه ویرلماسی و ترکه لری وارایسه  
تحقق ایدءك مقدارینه کوره آقچه اعطاسیله بعدما ترکه لرندن نءه یانك  
اصول اتخاذ قانمسی مقده ارادۀ سنییه اقتراں ایدن ۱۵ اغستوس  
تاریخیلی برتذکرۀ سامیه سیدر .

۱۷۲ ماده — قصاص یا اعدام جزا لرندن عفو اولنان قاتل  
[ مؤبدأ یا خود اون بش سنه دن اقل اولماق اوزره موقتاً  
کورکه ] قونیلور .

۱۷۳ — برکیمسه جنایت و شقاوت مستمره اصحابندن  
اولوب بر جنایت عظیمه یی ایشامك ایچون دیگر اشخاصه اشکنجه  
ویا خود بك زیاده غدارانه صورتله اذیت ایدر و بونك سابقه لی  
اولدینی تحقیق و تعین ایلرایسه [ سیاست قاتل ] جزاسیله حکم اولنور .

۱۷۴ نجی ماده قائمه — برکیمسه من غیر تعمد بر شخصی  
قصداً قتل ایدر سه [ اون بش سنه مدتله کورکه ] قونیلور . فقط  
اشبو تاف نفس قضیه سی اولا مجاس ملی اعضا سندن و یا مأمورین  
دولتدن بری علمینده ایفای وظیفه حالنده و یا ایفا ایلدکلری  
وظیفه دن دولایه اجرا ایدلمش ثانیاً اشکنجه و یا تعذیب اجرا سیله  
ایقاع ایدلمش و یا خود بردن زیاده اشخاص علمینده وقوعه  
کلمش اولدینی خالدہ فاعلی [ مؤبدأ کورکه ] قونیلور . بر جرمك  
تهمیه و یا تسهیلی و یا اجراسی و یا جرم مذکورك فاعل اصلی و یا

فرعيلربنك فرارلری ویا جزاسز قالملری خصوصنك تأمینی  
ضمننده ایقاع ایدیلان فعل قتلک فاعلی [ اعدام ] اولنور .  
قتل قصدینه مقارن اولمق سزین بالاخیار ایقاع ایدیلان  
ضرب و یا تلف نفسی مفضی اولیان آلات ایله وقوعبولان  
جرحدن متأثراً مضروب و مجروح وفات ایدرسه فاعلی [ بش  
سنه دن اقل اولماق اوزره موقتاً کورکه ] قونیلور .

۱۷۵ نجی ماده قائمه — تلف نفس فاعل عننده مجهول  
اولان اسباب متقدمه نك ترافقیله و یا فاعل دن بتون بتون آیری  
برسببک انضمامیله وقوعه کلش ایسه اعدامی مستلزم احوالده  
[ اون بش سنه دن ] و مؤبد و اون بش سنه کورکی مستلزم احوالده  
[ اون سنه دن ] اقل اولماق اوزره کورک جزاسی حکم اولنور .  
۱۷۶ ماده — مقتولک جسدینی اخفا و یا خود حکومته  
خبر و یر مکسزین و کشف اولنمق سزین دفن ایدن کیمسه [ برآیدن  
برسنه یه قدر حبس ] اولنور و برمجیدیه آلتونندن بش مجیدیه  
آلتوننه قدر جزای نقدی آلتور فقط اول کیمسه ده ماده قتله  
شرکت وار ایسه آنک ایچون کوره جکی جزا بشقه جه اجرا  
اولنور .

۱۷۷ نجی ماده قائمه — بر عضوک قطع و یا کسرینی و یا  
عملدن سقوطني و یا دیگر بر معلولیت دائمه یی انتاج ایله جک  
صورته ضرب و یا جرحه و یا آخر بر فعل مؤثره قصداً جرأت

ایابن کیمسه مصارف جراحیه سی استیفا اولنسیله برابر [موقتاً کورکه] قونیلور . افعال مذکوره تعمداً ایقاع ایدلمش ایسه کورک جزاسی آلتی سنه دن اقل اوله ماز .

۱۷۷ نجی ماده ذیلی ملغادر .

۱۷۸ نجی ماده قائمه — بر کیمسه بر شخصی یکرمی کوندن زیاده ایشندن قالمسنی و یا خود خسته لئسنی موجب اوله جق صورتده جرح و یا ضرب ایدر و یا بر فعل مؤثر ایقاع ایلر ایسه [اوج آیدن ایکی سنه به قدر حبس] اولنور و مصارف جراحیه سیله مجروح و مضر و بک حال صحتنده کسب ایده جکی تجارت و اجرتنک مثلی کند و سندن آلتوب مجروح و مضر و به ویریلور و اگر بونی اولجه تصور و تصمیم ایدرک یا بمش اولدینی تبین ایدر سه حبس مدتی بر سنه دن اقل اوله ماز .

۱۷۹ نجی ماده و ذیلی مقامنه قائم اولان ماده — جرح و ضرب اگر ماده سابقه مذکور اولان درجه دن خفیف اولور ایسه جارح و ضارب اولان کیمسه [بر هفته دن بر سنه به قدر حبس] ایدیلور و بر لیرادن اون لیرایه قدر جزای تقدی به محکوم اولور و یا بوجز الکرک یا لکیز بریسی حکم اولنور و اگر بونی اولجه تصور و تصمیم ایدرک یا بمش اولدینی تبین ایدر ایسه حبس مدتی [بر آیدن ایکی سنه به] قدر تمدید اولنور .

قتل قصدیه اولیه رق مجرد اخافه ایچون برینه سلاح چکن

کیمسه دخی [ برهفته دن آتی آیه قدر حبس ] اولنور .

آباء واجداد وامهات وجداتندن برینی ضرب و جرح ایلمنلر  
بروجه آتی مجازات اولنورلر .

ضرب و جرح برکونا اعراض وامراضی موجب اولماش  
ایسه ضارب و جرح [ اون بش کوندن ایکی سنه یه قدر ] و یوز  
یتمش سکزنجی ماده ده مذکور خسته لنی موجب بولنمش ایسه  
[ درت آیدن اقل اولماق اوزره حبس ] اولنور . ضرب و جرح  
یوز یتمش یدنجی ماده ده مذکور احوالی موجب اولمش ایسه  
فاعل [ بش سنه دن اقل اولماق اوزره ] و اگر فعل تصور  
و تصمیم ایله ایقاع ایدلش ایسه [ اون سنه دن اقل اولماق اوزره ]  
مضروب و مجروح ضرب و تلف نفسی مفضی اولمیان آلات ایله  
وقوعبولان جرحدن متأثراً وفات یار ایسه کذلک [ اون  
سنه دن اقل اولماق اوزره ] و مضروبک وفاتی مؤدی اولان  
ضرب و تلف نفسی مفضی اولمیان آلات ایله وقوعبولان جرح  
تصور و تصمیم ایله ایقاع ایدلشسه [ اون بش سنه مدته کورکه ]  
قونیلور .

۱۷۹نجی ماده یه علاوه — اشبو ماده ده بیان اولنان  
فعل اون کوندن زیاده خسته لنی موجب اولماش ایسه تعقیبات  
اجراسی شکایتنامه اعطاسنه متوقفدر اقارب و تعلقات یدیننده  
وقوعه کلن بوقیل ضرب و جرح دعوالرینک تعقیبندن شکا .

یتنامہ نك اعطاسـندن صو کره دخی مشتکینک فراغتی حقوق  
عمومیہ دعواسنی اسقاط ایدر .

۱۸۰ نجی ماده قائمه — بر منازعه اثناسنده وقوعبولان  
قتله و تعطیل عضوده و جرحدن متأثراً وفاتده و ضرب و جرح  
افعالنك اجرا سنده اشخاص متعدده اشتراك ایدوبده فاعلك  
کیم اولدینی تعین ایلامش ایسه اشخاص مرقومه دن هر بریسی  
حقنדה فعل ایچون قانوناً معین اولان جزا ثلثدن نصفه قدر  
تزیل اولنه رق حکم ایدیلور و اعدام و مؤبد کورک جزالرینی  
استلزام ایدن افعالده [ اون سنه دن اقل اولماق اوزره کورک ]  
جزاسی تعین اولنور .

### §

### ذیل

مجرد قتل قصدیله سـلاح چکوبده ید اختیارنده اولمیان  
اسباب مانعه حیلولتیله ماده قتل فعله حیقمامش ایدوکی تحقیق  
ایدنلر کذلک [ موقتاً کورکه ] قونیلور .

۱۸۱ ماده — قتل و جرح و ضرب فعللری بر کونه اختلال  
و نهب و غارت اموال ایله برابر اجرا اولنور ایسه بونلره بالخاصه  
جسارت ایدنلرک کوره جگکری مجازادن بشقه بو حال اختلالک  
سبب و محرک و موجبی اولنلر دخی عینیله بو فعللری ایشله مش



کبی مجازات اولونور لر فقط امر قصاصده حکم شرعی نه ایسه اجرا اولنور .

۱۸۲ ماده — بر کیسه بر شخصی خطاءً اتلاف ایدر یا خود بغیر قصد تلف نفسه سبب اولور ایسه ورثه مقتولک حقوق شرعیه سی بالحاکمه استیفا اولندقدن صکره اکر بو قتل کیفیت دقتسز لکدن و نظاماته رعایتسز لکدن نشأت ایتش ایسه [ آلتی آیدن ایکی سنه یه قدر حبس ] ایله مجازات اولنور .

۱۸۳ ماده — بر کیسه بر شخصی خطاءً جرح و ضرب ایدر یا خود بغیر قصد یاره لئسنه و یا خود بر لئسنه سبب اولور ایسه مصارف جراحیه سی و بر عضوک قطع و تعدیانی موجب اولدیغی تقدیرده دیت شرعیه سی استیفا اولندقدن صکره اکر بو جرح و ضرب کیفیت دقتسز لکدن و نظاماته رعایتسز لکدن نشأت ایتش ایسه [ بر هفته دن ایکی آیه قدر حبس ] دخی اولنور .

۱۸۴ ماده — بر کیسه آمر مجبرک امریله بر شخصی قتل ایتسه قاتل جزاسی آمری حقنده اجرا اولنور آمر مجبر مأموری امرینه مخالفت ایتدیکی تقدیرده اتلافه مقتدر اولان کیسه دیمکدر بوندن ماعدا صورتلرده مأمور اولان کیسه معذور اوله میوب قتل جزاسی آنک حقنده اجرا قلنور و بو مثالو آمر غیر مجبر حقنده دخی [ موقتاً کورک ] جزاسی حکم اولنور .

۱۸۵ ماده — بر کیمسه آمر مجبرك امريله بر شخصی جرح و یا ضرب ایدرسه یاره و بره سنك در جه سنه کوره بالاده مذکور اولان جرح و ضرب جزالری آمری حقنده اجرا اولنور . واکر آمر غیر مجبر ايسه بوجزالر فاعلی حقنده اجرا اولنوب بومثللو آمر غیر مجبر اولنلر دخی [رهفته دن بر سنه یه قدر حبس] اولنور فقط قطع یا تعطیل عضو ايله امر ایدن کیمسه هر حالده [موقتاً کورك] جزا سنه مستحق اولور .

۱۸۶ ماده — ملغادر .

۱۸۷ ماده — کیجه لین بر کیمسه بر آدمك خانه یا دکان یا او طه سنه نردبان قوروب چیقارکن یا خود جبراً کلید آلتنده کی یرلری بوزار ایکن و یا خود بر مسکون خانه نك یا مشتملاتنك دیواری ده لر و یا قپوسنی قیرار ایکن اول کیمسه یی دفع ایچون وقوع بولان قتل و جرح و ضرب فعللری کذلک معافدر واکر بویکفیت کوندوزین اولور ايسه اشبو قتل و جرح و ضرب فعللری بسبتون معاف طوتماز ايسه ده فاعلی معذور اولوب حقنده یوز طقسا ننجی ماده ده بیان اولنه حق وجهله معامله اولنور .

۱۸۸ نجی ماده قائمه — بر کیمسه زوجه سنی و یا خود دیگر محارمندن برینی بر شخص ايله فعل شنیع زنا حالنده کوروب ده بریسنی و یا ایکی سنی بردن ضرب و یا جرح و یا قتل ايسه معفودر واکر بر کیمسه زوجه سنی و یا محارمندن برینی

بر شخص ايله فراش غير مشروعه كوروب ده بریسنی ویا  
ایکسینی بردن ضرب ویا جرح ویا خود قتل ایتسه معذوردر .  
۱۸۹ ماده — بالمقابلہ وقوعبولان قتل وجرح وضرب  
فعللرینی ارتکاب ایدن کیسه کذلک معذوردر .

۱۸۹ نجی ماده نك فقره ثانیه سی ملغادر .

۱۹۰ نجی ماده قائمه — معذرتی متحقق اولانلرک  
جزالری بروجه آتیدر :

اگر فعل [ اعدام ویا مؤبد کورک ویا مؤبد قلعه بندلک ]  
جزالرینی مستلزم ایسه فاعل [ برسنه دن اوچ سنه یه قدر حبس ]  
اولنور .

اگر فعل مجازات سائرۀ ترهیبیه یی مستلزم ایسه فاعل  
[ آلتی آیدن ایکی سنه یه قدر حبس ] اولنور . اکر فعل مجازات  
تأدیبیه یی مستلزم ایسه فاعل ومعدرتک درجه سنه کوره فاعل  
[ یکر می درت ساعتدن آلتی آیه قدر حبس ویا بش بشلکدن  
ایکی ایرایه قدر جزای نقدی یه ] محکوم اولور .

۱۹۱ ماده قائمه — بر شخص کندیسنه ، یا خود تعیین  
ابتدیکی بر محله نقد آچه ویا بعض اشیا کوندر مسنی ویا سائر  
مطالب وتکالیفی حاوی بر کیسه یه مهرلی ویا مهر سنز ویا امضالی ،  
یا امضاسنر کاغذارسال ایدرک یا خود آدم کوندره رک ایستدیکنی  
کوندر منز وتکلیفی اجرا ایلزسه حقنده بعض مضرت وقوعه

کتیره جکی بیانیله اخافه و تهدید ایدر و بیان ابتدیکی مضرت فاعلی حقنده قانوناً [اعدام ، یا مؤبداً کورک] جزاسنی موجب اولوب فقط فعله چیقمامش بولنور ایسه بونوع جنایتہ متجاسر اولان شخص [موقتاً کورکه] قونیلور .

اگر تهدید واقع آچه ویا بعض اشیایا سائر مطالبی محتوی اولمایوبده ایقاع ایدیله جک مضرت فقره سابقه ده معین اولان جرائمدن برینی تضمن ایدر و فقط فعله چیقمامش بولنور ایسه تهدیده جرأت ایدن شخص [ برسنه دن اوچ سنه یه قدر حبس] اولنور .

بر شخص برنجی فقره ده محرر مطالب و تکالیف و مضرات ایله آخر کیسمه یی شفاهاً تهدید ایلرو یا خود تهدید واقع مهرلی ویا مهرسز ویا امضالی ویا امضاسز کاغذ ارسال ایلک ویا خود آدم کوندر مک صورتیله واقع اولقله برابر اخبار ایدیان مضرت فقره مذکورده کی جنایتلردن ده خفیف نوعدن وکذا فعله چیقمامش بولنور ایسه شخص مرقوم [اوچ آیدن اوچ سنه یه قدر حبس] اولنور . اگر مطالب واقعه ضمننده وقوعه کلان تهدید و اخافه مجازات تأدیبیه یی مستلزم اولور ویا ناموس و حیثیتی علیننده تشهیر ایله تهدید وقوعه کلیرسه فاعلی [ بر هفته دن بر سنه یه قدر حبس] اولنور .

## ایکینچی فصل

اسقاط جنین وقاریشیق مشروبات وکیفلسرسمیات فروخت ایدنلرک  
مجازات مترتبه لری

۱۹۲ نجی ماده قائمه — وسائط مخصوصه استعمال ایدرک  
ویا بشقه سنک طرفندن استعمالنه رضا ویره رک اسقاط جنین  
ایدن قادین [آلتی آیدن اوج سنه یه قدر حبس] اولور .  
بر خاتونک رضاسیله وسائط مخصوصه تهیه ایدرک جنینی  
اسقاط ایتدیرن شخص [برسنه دن اوج سنه یه قدر حبسه]  
محکوم اولور .

اگر بو اسقاط جنینک نتیجه سی اوله زق ویا سقط ایچون  
استعمال اولنان واسطه دن تاف نفس حصوله کلورایسه [درت  
سنه دن یدی سنه یه قدر کورکه] قونیلور .

برکیمسه حملنه مطلع اولدینی بر خاتونک رضاسی اولیه رق  
وسائط مخصوصه استعمالی ویا خود ضرب و جرح ویا افعال  
سائر ابقاعی ایله اسقاط جنین وقوعه کتیریر ایسه [اوج سنه دن  
اون سنه یه قدر کورکه حکم ایدیلور .

اگر بواسقاط جنینک نتیجه سنده ویا سقط ایچون استعمال  
اولنال واسطه دن خاتون تاف اولور ایسه [جزا اون بش  
سنه دن آشاغی اولماق اوزره کورکدر .]

بوافعال ایقاع ایدن اشخاص اطباءن ویاصحیه مأمورلرندن  
ویا قابله کبی نظارت حکومت تحتنده اجرای صنعت ایدن  
کیمسهلردن بریسی ایسه معین اولان جزا [برسدس] مقداری  
تزیید اولنور .

۱۹۳ ماده — برحامله خاتونک کرک رضاسی اولسون  
وکرک اولسون اسقاط جنین ایتدیرمک ایچون علاج ایچوروب  
یاخود اسباب ووسائلنی تعریف ایدوبده اثریله چوجنی  
دوشیریلور ایسه بوکا سبب اولان کیمسه [آلتی آیدن ایکی سنه یه  
قدر حبس] اولنور واکر بوکا سبب اولان طیب و جراح  
واجزاجی ایسه [موقتاً کورکه] قونیلور .

۱۹۴ ماده — اتلاف نفس ایتیوب آنجق قصداً بعض  
شیلر اعطاسیله برآدمک خسته لکنه یاخود بر مقدار کار و کسبیه  
مشغول اوله مامسنه سبب اولان شخص [برماهدن برسنه یه قدر  
حبس] اولنور و اوچ مجیدیه آلتونندن یکرمی مجیدیه آلتوننه  
قدر تضمین آقچه سی آلتوب متأثر اولان آدمه ویریلور .

۱۹۵ ماده — یدنده شهادتنامه سی اولیه رقا جزاجی دکانی  
آچان اجزاجیلرک ابتدا دکانی قیادلدق دمنصـکره [اون مجیدیه  
آلتونندن الی مجیدیه آلتوننه قدر جزای نقدی] اخذیله مجازات  
اولنور .

۱۹۶ ماده — صحت عمومیه بی اخلال ایده جک اجزای

مضره وقاریشیق مشروبات و کفالتسز سمیات فروخت ایدنلر  
[ برهفته دن ایکی سنه یه قدر حبس اولنور و برمجیدیه آلتونندن  
یکرمی بش مجیدیه آلتوننه قدر جزای نقدی ] آلنور و صاندینی  
اشیا هر نه ایسه جانب حکومتدن ضبط اولنور .

### اوچنجی فصل

هتک عرض ایدنلرک مجازاتی

۱۹۷ نجی ماده قائمه — هرکیم اون بش یاشنی اکمال ایتماش  
برچو جغه فعل شنیع اجرا ایلر ایسه [ موقتاً کورکه ] قونیلور .  
اشبو فعل جبر و شدت اجرا سیله واقع اولور سه کورک جزاسی  
[ یدی سنه دن اقل ] اوله ماز .

۱۹۸ ماده — بر آدم برکیمسه یه جبراً فعل شنیع اجرا  
ایدر یعنی عرضه کچر ایسه [ موقتاً کورکه ] قونیلور .

### §

### ذیل

بویله فعل شنیع اجرا سنه تصدی ایدوبده ید اختیارنده  
اولمیان اسباب مانعه حیلولیتله فعله چیقماش اولور ایسه [ اوچ  
آیدن اقل اولماق اوزره حبس ] حراسیله مجازات اولنور .  
۱۹۹ ماده — جبراً فعل شنیع اجرا سی بوکا دوچار



اولنلرك اوزرلرينه حكملرى جارى اولان سربيلرى وياخود  
وليلرى وياخود آياقلى خدمتكارلرى طرفلرندن وقوعبولور  
ايسه [ بش سنه دن اقل اولماق اوزره كورك ] جزاسى حكم  
اولنور .

۲۰۰ ماده — اكر بويله جبراً فعل شنيع هنوز براره  
تزويع اولنماش قز حقنده وقوعبولور ايسه بوكا متجاسر اولان  
كيمسه اشبو [ كورك جزاسندن بشقه تضمين ويرمكه ] دخى  
مستحق اولور .

### §

### ذيل

تزويع ايده جكم ديو اغفال ايله بر بكر بالغه نك بكريخى ازاله  
ايدوبده صكره آلمقدن استنكاف ايدن كيمسه كندوسندن بدل  
تضمين بكر آلدقدن صكره [ برهفته دن آلى آيه قدر حبس ]  
اولنور فقط بو حكمك صدورى ازدواج وعديله اغفالى يا  
ارككك اقرار واعتراف ايلسنه وياخود قز طرفنك اثبات  
ايتسنه منوطدر .

۲۰۱ ماده — هر كيم ذكور وانانندن كنج كيمسه لرى  
اضلال واغفال ايده رك فحشياته تحريك واغرا واسباب حصولى  
تسهيل ايتمكى اعتياد ايده رك آداب عموميه منافى حركته  
جسارت ايلر ايسه [ برماهدن برسنه يه قدر حبس ] ايله مجازات

اولنور واکر بوصورتہ اضلال و اغفال قضیہ سی بابا یا خود آنا و یا وصی اولان کیمسہ دن ظہور ایدر ایسہ ( آلتی ماہدن برہجق سنہ یہ قدر حبس ) ایلہ مجازات اولنور .

۲۰۱ نجی مادہ نك علاوه سی مقامنہ قائم اولان مادہ — بر خاتونك بر شخص آخر ایلہ رضاءً اجرا ایلدیکی فعل شنیعدن دولایی علیہندہ تعقیبات اجراسی بینلرنده زوجیت قائم اولدینی حالہ و یا خود طلاق و قوعندن درت آئی نہایتنہ قدر زوجنك و زوجی اولمدینی تقدیرده و لیسنك شکایتنہ معلق اولوب شکایت واقعہ اوزرینہ ارتکاب زنا ایلدیکی تحققیق ایلین حاتون [ اوچ آیدن ایکی سنہ یہ قدر حبس ] ایلہ مجازات اولنور .

بوفعلده خاتونك شریکی اولان شخص دخی متاہل ایسہ [ اوچ آیدن ایکی سنہ یہ ] قدر ، غیر متاہل ایسہ [ بر آیدن بر سنہ یہ قدر حبس ] اولنور . بوندن بشقہ کنندیسندن [ بش عثمانلی آلتونندن یوز عثمانلی آلتوننہ قدر جزای نقدی ] آلنور . بوبابده قبولہ شایان اولہ بیله جك دلائل فعل مذکور ی اجرا حالندہ و یا خود بر مسلمانك حریمندہ بولمقلقدن و یا خود کنندی طرفندن یازلمش اولان مکاتیب و اوراقدن استنباط اولنور .

شو قدر کہ کرک قبل الحکم و کرک بعد الحکم زوج و یا ولی دعوادن فراغت ایدر و یا خود زوج تکرار زوجہ سنی آلیرایسہ کرک زوجہ و کرک شریک جرم حقنہ حق تعقیب و جزا ساقط

اولور وائناى تحقيقات و محاکمه ده مشتکى وفات ايدرسه کذلک  
ديکرلرى حقنده تعقيبات اجرا ايدلمز .

زوجه سى ايله برانکده ساکن اولدينى خانه ده برخاتون ايله  
زنافل قبيحنى اجرا ايتمش اولدينى زوجه سنک شکايت واقعه سى  
اوزرينه تحقق ايدن زوج [ اوچ آيدن ايکى سنه يه قدر حبس  
وبش عثمانلى آلتونندن يوز عثمانلى آلتونه قدر جزاى نقدى ]  
آلنور .

۲۰۲ ماده — مغاير عار و حيا علناً فعل شنيع اجرا سنه  
اجتسار ايدن شخص [ اوچ آيدن برسنه يه قدر حبس ] اولنور  
وبرمجيديه آلتونندن اون مجيديه آلتونه قدر جزاى نقدى  
آلنور .

۲۰۲ نجى ماده ذيلی — انا نه و ذکور ردن کنج کيمسه لره  
حرف اندازلق ايدنلر [ برهفته دن بر آيه قدر ] والدريله صارقنديلاق  
ايلينلر [ بر آيدن اوچ آيه قدر حبس ] اولنورلر . نسا قيا فتيله مقرر  
نسوان اولان محللره کيرنلر مجرد بوفعلدن طولايى [ اوچ آيدن  
برسنه يه قدر حبس ] اولنورلر و بويله تبديل هيئتله کيرمش  
اولدقلىرى یرده قانوناً اشبو جزادن اشد جزايى موجب  
اولان برجنائيت و يا خود برجنجه يه ابتدار ايتمش ايسه اول  
فعلک جزاسيله جزا آلنور .

۲۰۲ نجى ماده يه ذيل ثانى — آداب عموميه يه مغاير

اوله رق فیخش مقصدیله آچیق یرلرده ویا خلقلک سهولتله مطلع  
اوله بیله جکی باغ و بَغچه کبی نیم آچیق محملرده قالدین اوینا دلینگی  
تقدیرده اویناتان اشخاص ایله بالاخییار اوینایان قالدینلر [برآیدن  
برسنهیه قدر حبس] ایله مجازات اولنورلر .

### دردنجی فصل

خلاف اصول حبس و توقیف اشخاص وصبی و مرهق سرقی  
وقیز قاجبرمتی نضاحتی

۲۰۳ ماده — هرکیم اولور ایسه اولسه-ون مأمورین  
حکومتک امری اولمق سزین اصحاب تهمتک توقیفی حقنده قوانین  
ونظاماتک تعیین ایتمش اولدینگی اصولک خارجنده اوله رق بر  
شخصی حبس و توقیف ایلر ویا رهن صورتیله صاقلار ایسه  
[آلی ماهدن اوچ سنهیه قدر حبس] ایله مجازات اولنور.  
بوصورتله حبس و توقیف اولنان ویا رهن صورتیله صاقلار-  
نیلان اشخاصی اخفا ایچون بیله رک یر کوسترن کیمسه دخی  
کذلک [اوچ ماهدن اوچ سنهیه قدر حبس] اولنور.

۲۰۴ ماده — ماده سابقه ده مذکور اولان توقیف اشخاص  
جرمنی بر کیمسه دولت مأموری ذی وقیافتنه کیره رک ویا خود  
ساخته اسم سویلیه رک ویا خود مأمورین طرفندن ساخته امر

کوستره درك اجرایه جسارت ایلر ایسه حقنده [موقت کورک]  
جزاسی اجرا اولنور کذلک توقیف اولنان شخص اعدام ایله  
خافه اولنمش و یاخود حقنده جسماً اذیت و اشکنجه ایدلمش  
ایسه بوکا جسارت ایدن شخص هر حالده [موقت کورک]  
جزاسنه مستحق اولور .

۲۰۵ ماده — برصینک یرینه دیکرینی قویه رق دکیشد.  
یرمک یاخود برخاتونک تولید ایتماش اولدینی چوجنی آندن  
تولد ایتماش یرینه قویق کبی فضاحتلره اجتسار ایدنلر [آلتی  
آیدن اوچ سنه یه قدر حبس] اولنور برصیی سرقت و یاغائب  
ایدن کیسه دخی کذلک [آلتی آیدن اوچ سنه یه قدر حبس]  
ایله مجازات قیلنور . آنجق بومدت ظرفنده صیی میدانه  
چیقارمز ایسه صیی کتورمدکجه و یاخود صینک وفاتی تحقق  
ایتمدکجه حبسدن اطلاق اولنمز .

۲۰۶ نجی ماده ایله ذیلی مقامنه قائم اولان ماده — هرکیم  
ذکور و انانندن برشخصی جبر و یا حیله ایله برطرفه قاجیریر  
ایسه بروجه آتی مجازات اولنور قاجیریلان شخص ذکوردن  
اولوبده اون بش یاشنی اکمال ایتماش ایسه فاعلی [برسنه دن  
اوچ سنه یه قدر حبس] اولنور . بوصورتله قاجیریلان چوجق  
انانندن اولورسه فاعلی [موقتاً کورکه] قونیلور و فعل شنیع  
وقوع بولمش ایسه حقنده [اون سنه دن اقل اولماق اوزره  
کورک] جزاسی ترتیب اولنور .

قاجیریلان شخص کړک ذکروردن وکړک انانندن اولسون  
اون بش یاشنی اکمال ایتش ایسه فاعلی [ایکی سنه دن اوچ  
سنه یه قدر حبس] اولنور .

قاجیریلان قیز حقنده نکاح وقوعبولوبده قیز دخی اون  
بش یاشنی اکمال ایلش ایسه کندوسنک واکمال ایلدیکی حالد  
ولیسنک دعوادن فراغتیه حقوق عمومیه دعوسی ساقط  
اولور .

قاجیریلان قادینک قوجه سی وار ایسه ویاخود فعل شنیع  
وقوعبولش ایسه فاعلی [بش سنه دن اقل اولماق اوزره  
کورکه] قونیلور .

قاجیریلان شخص نهایت قرق سکرز ساعت ظرفنده  
وبرکونا تجاوز وقوعبولقسزین بالاختیار عائله سی طرفندن  
آلمسی ممکن اولان امنیتلی برحله براغلمش ایسه جزا [برماهدن  
برسنه یه قدر حبس] در .

### بشنجی فصل

یلان شاهدلیکی ویلان یرہ یمین ایدنلرک جزاسی

۲۰۷ ماده — جنایاته متعلق موادایله متهم اولان کیمنه  
نک کړک لهنده وکړک علیهنده یلان شاهدلیکی ایدن شخص

بعدالتشهیر [ موقتاً کور که ] قونیلور وا کر عزو و جنایات  
ایله متهم اولان کیمسه آنک شهادت کاذبه سیله [ موقت کورک ]  
جزاسندن اشد بر جزا کور مش ایسه شاهد زور حقنده دخی  
عینیه بو جزا اجرا اولنور .

۲۰۸ ماده — جنحه و قبیاحه متعلق مواد ایله متهم  
اولملرک کرک لهنده و کرک عالمنده کذلک یلان شاهدلیکی  
ایدن شخص [ برآیدن بش آیه قدر حبس ] اولنور .

۲۰۹ ماده — دعاویء عادیه ده یلان شاهدلیکی ارتکاب  
ایدن شخص [ آلتی آیدن برسنه یه قدر حبس ] اولنور .

۲۱۰ ماده — یلان شاهدلیکنی ارتکاب ایدن شخص  
بونک ضمننده پاره المش ایسه تعاطی اولنان آقچه نک بر مثلی  
دخی استیفا اولنه رق آلان و ویرن حقلرنده [ مرثشی وراثشی ]  
جزالری اجرا اولنور .

۲۱۱ ماده شهادت صحیحه و مستقیمه اصحابی ایفای  
شهادتدن کرهأ منع ایدن یاخود جبراً یلان شهادتی ایتدیرن  
کیمسه حقنده یلان شاهدلرینک درجه تهمتنه کوره ترتب  
ایدن جزای قانونی اجرا اولنور .

۲۱۲ ماده — حقوقه دعوالرده یمین دوشوبده یلان  
یره یمین ایدن کیمسه بعدالتشهیر [ آلتی آیدن اشاغی اولماق  
اوزره حبس ] جزاسیله مجازات اولنور .



## آلتنجی فصل

افترا و شتم و افشای سربیاننده در

۲۱۳ نجی ماده قائمه — هرکیم قوه عدلیه و یا خود کیفیت  
جهت عدلیه و تودیع مجبور اولان بر مأموره اخبار نامه و یا  
شکایتنامه اعطا ایدرک بی جرم اولدیغی بیلدیکی برکیمسه و  
لغرض بر جرم اسناد ایدر و یا خود اوکیمسه علمنده بویه بر  
جرمک آثار و دلائل مادیه سنی تصنیع ایلر ایه اسناد ایلدیکی  
جرمک ماهیتنه و تصنیع ایلدیکی بینات و دلائل مادیه نك درجه  
قوتنه کوره [ برهفته دن اوچ سنه یه قدر حبس ] اولنور .

اسناد اولنان جرم مجازات ترهیبیه بی مستلزم اولدیغی  
صورتده دخی کذا بینات و دلائل مادیه نك اهمیتنه و اسنادات  
واقعهدن طولای مافتی علیک توقیفی کبی حریت شخصیه سنی  
تحدید ایدن بر حالک حدوثنه نظر اّمفتی حقنده [ موقت کورک ]  
جزاسی حکم اولنور و مافتی علیه حقنده جنایتله محکومیتی  
متضمن بر حکم صادر اولمش ایه مافتی حقنده [ اون سنهدن  
اقل اولماق اوزره موقت کورک ] جزاسی ترتیب ایدیلور .  
فقرات آنفده بیان اولنان جرمک فاعلی مافتی علیه حقنده  
تعقیبات قانونیه اجرا اولنمقسزین اسناد واقعدن رجوع ایدر  
و یا خود تصنیعی اعتراف ایلر سه بالاده محرر جزالرک [ سدسی ]

ترتیب و اسناد واقعدن رجوع و یا تصنیعك اعتراف اولنسی ماده  
مفتري بهدن طولايي تعقیبات قانونیه به شروع ایدلد کدنصکره  
واقع اولورسه مجازات اصلیهك [ایکی ثلث مقداری تنزیل] اولنور.

۲۱۴ نجی ماده قائمه — هرکیم دیگر کیمسه علمهنده  
بر جرم مخصوص تعیینیه و یا خود جرم تشکیل ایتیهك بر ماده  
مخصوصه بیانیه خلقك حقارت و خصوصتیه معروض قیله حق  
و یا ناموس و اعتبارینی کسر ایدهك اسنادات ايله ذم ارتکاب  
ایدرسه [ایکی آیدن برسنه به قدر حبس] اولنور .

ذم مستلزم جزا اولمق ایچون آتیده کوستریلن صورتلردن  
بریسيله واقع اولمسی شرطدر .

اولاً — متجاوز علمك و جاهنده بر مجلسده و یا اشخاص  
سائرهك ایشیده بيله چکی بر موقعه علنی اولملیدر .

ثانیاً — متجاوز علمك غیابنده و فقط مجتمع و یا متفرق  
بر چوق اشخاص ايله اختلاط ایدیلهرک اجرا ایدملیدر .

ثالثاً — عمومه نشر و تشهیر اولنش و یا بر قسم کسانه  
توزیع ایدلمش یازی ، رسم ، قروکی ، و یا قاریقاتور و یا خود  
طوغریدن طوغری به متجاوز علمه کوندرلمش آچیق مکتوب  
و یا قارت پوستال واسطه سيله وقوع بولملیدر .

رابعاً — هر نوع جرائد و رسائل یومیه و موقوته و یا خود  
هر نوع مطبوعات و وسائط نشر به ايله ایقاع ایدملیدر .

ذم ايله دوچار تجاوز اولان شخص عليه ذمك موضوعی  
اولان ماده دن طولایی تعقیبات قانونیه اجرا ایدلمش اولور  
ومتعرض اولان شخصك متجاوز عليه بی جرم اولدیغنی  
بیهرک اسنادانده بولندیغنی تحقق ایلرسه ذم افتزایه منقلب اولوب  
افترا حقنده کی ماده قانونیه حکمنه توفیق معامله اولنور .

ذم جرمی ارتکاب ایدن شخص براءت ذمتی ضمننده  
متجاوز عليه اسناد ایلدیکی فعلك صحت و یا شهرتی اثبات ایتک  
ایسترسه اشبو ادعاسی قبول اولماز . آنجق متجاوز عليه اولان  
کیمسسه مأمورین دولتن اولوبده اسناد اولنان فعل وظیفه  
مأموریتنه تعلق ایتدیکی و یا خود هر هانکی برشخص عليه  
اولورسه اولسون ذمك موضوعی بر جرم قانونی اولدیغنی  
تقدیرده صحتی اثبات ادعاسی قبول اولنور وشو حالده اسناد  
اولنان فعل ثابت اولور و یا بوندن طولایی متجاوز عليه اولان  
شخص محکوم ایدیلرسه ذم جزاسی ساقطدر عکس تقدیرده  
جزانك حد اعظمه قدر حکم اولنه یلیر .

هرکیم بر ماده مخصوصه تعیین ایتکمزین هر نه صورتله  
اولورسه اولسون بر کیمسسه نك ناموس و یا شهرت و یا حیثیتنه  
تعرضله قدح فعائی ارتکاب ایدرسه [ اون بش کوندن آتی  
آیه قدر حبس ] اولنور و یا بوکا مقابل [ بش ایرادن الی لیرایه  
قدر جزای نقدی ] آالنور .

قدح جرمی دخی ذم حقنده بیان ایدیلن صور اربعه دن  
بريله ايقاع ايدلك شرطدر .

قدحك فاعلى طرفندن اسنادات واقعهك اثبات صحته  
متعلق واقع اوله حق ادعا قطعياً قبول اولماز . آنجق قدحك  
موضوعى قانوناً جرائمى معدود اولوبده فاعل جرم بونى  
تعيين وتخصيص صورتيه بر ماده مخصوصه حاله قلب ايدرك  
ذم موقنده بولمق ايسته مكده مخيردر وبوتقديرده آرتق قدحدن  
دولايى تعقيبات اجرا ايديله ميوب حقنده ذمك احكامى جريان  
ايدر .

ذم وقدح جرملىريك اجرا سنده متجاوز عليهك اسمى  
صراحةً ذكر ايدلمه مش ويا اسنادات واقعه ابهام ايدلمش اولسه  
دخی صورت ايقاع جرمه نظراً اسناداتك ماهيتنده ومدعينك  
شخصنه معطوفيتنده تردد ايديله ميهك درجه ده قرائن  
كورلديكى تقديرده هم اسم ذكر ايدلمش وهم عزويات تصریح  
قلنمش كي معامله اولنور .

ذم وقدح خارجنده اوله رق بر کیمسه عليهنه مواجهه سنده  
لساناً ویا فعلاً ویا خود کندیسنه خطاب ايدلمش ویا اطلاعنه  
ایصالی قصد اولنمش بر مکتوب ايله حقارتده ویا عادیاً اطاله  
لسانده بولنان ویا بر اشارت مخصوصه وبر معامله غلیظه ايله  
اجرای تحقیقات ایلین شخص [یکرمی درت ساعتدن بر آیه

قدر حبس] اولنور ویا بش لیرایه قدر جزای نقدی النیر .  
 متجاوز علیه حقارت واقعیه کندی حرکت غیر محقه سیاه  
 سببیت ویرمش ویا حقارته دوجار اولدقدن صکره کندیسیده  
 بالمقابله اجرای حقارت ایش ویا خود ترضیه قبول ایش ایسه  
 محکمه ایجاب حاله کوره طرفینک ویا خود یالکز برینک جزاسنی  
 برثلثدن ایکی ثلثه قدر تنزیل وکاملاً اسقاط ایده بیایر .

اشبو فصلده بیان اولنان جرائمندن دولایی تعقیبات اجرای  
 متجاوز علیه اصولاً دعوای شخصی اقامه سنه متوقف اولوب  
 آنجق افترادن ماعدا احواله مدعینک اقامه دعواد نصکره  
 دعوادن واقعندن فراغتیه دخی حقوق عمومیه دعواسی ساقط  
 اولور .

مشتکی اقامه دعوی ایله برابر علیهنده ارتکاب اولنان  
 جرمندن دولایی دوجار اولدینی ضرر مالدینک تضمیننی طلب  
 ایتکدن بشقه کندیسنه ایراث ایدلدیکنی ظن ایتدیکی ضرر  
 معنوی مقابله دخی دیلدیکی قدر تضمینات نقدیه ادعا  
 ایده بیایر . جرمک اهمیت وشدتنه ، متجاوز علیه وضعیت  
 اجتماعیه سنه کوره اشبو تضمیناتک مقداری محکمه جه تقدیر  
 وحکم اولنور .

جرم ثابت اولوبده جزانک ساقط اولدینی احواله  
 تضمینات ادعاسی رد اولنور .

۱۶ تموز ۳۲۵ تاریخلی مطبوعات قانوننک بومواده مخالف اولان احکامی مفسوخدر .

۲۱۵ ماده — اطبا و جراح و اجزاجی و قابله خاتونلر و بونلرک امثالی کیمسه لر صنعتلری اقتضاسنجه کندولرینه تودیع قلمش اولان سرائر شخصییه یی قانوناً اخباره مجبور اولدقلری احوالدن غیریده افشا ایدرلرسه [یکرمی دوت ساعتمدن بر هفته یه قدر حبس ایله بریکرمیلک مجیدیه دن برمجیدیه آلتونسه قدر جزای نقدی] آلنور .

### بدنجی فصل

سرقت حقنده

۲۱۶ ماده — زوج و زوجیه برلکده اولدقلری و یا برلرندن مفارقت ایلدکلری حالده یکدیگرینه عائد اولان مالی و اولاد و سائر فروعک بابا و انا و سائر اصولدن اولان اقربانک مالی و بابا و آنا و سائر اصولدن اولان اقربا ، اولاد و سائر فروعک مالی اخذ ایدرلرایسه مأخوذات واقعه استرداد اولنه رق صاحبنه و یریلور و مال مأخوذ صرف و استهلاک اولنوب آخذ دخی تضمیننه مقتدر اولمیدینی و کندوسی ماده سرقتی اعتیاد ایتمش بولندینی حالده [حبس جزا سیله] مجازات اولنور و بو یولده اخذ اولنان اشیایه خارجدن یتاقاق ایدن و یا خود بونک

جمله سنی و یا بر مقدارینی کند و منفعتلری ایچون استعمال ایلیان اشخاص عادتاً سارق کبی مجازات اولنور .

**۲۱۷ ماده** — زیرده محرر بش حالک جمله سی برابر اجرا اولنان سرقتک جزاسی [ مؤید و یا خود اون بش سنه دن اقل اولماق اوزره موقتاً کورکدر ] اشبو احوال خمسهنک برنجیسی کیجه وقتی اولمقدر ایکنجیسی ایکی و یا خود ده ازیاده اشخاص برلکده بولنمقدر اوچنجیسی بونلر و یا خود ایچلرندن ولو بریسی خفی و یا جلی مساح اولمقدر دردنجیسی بر خانه و یا خود مشتملاتنه و یا بر او طه سنه والاصل ایچنده آدم اوتورر هر نوع محله دیوارینی بیقه رق و یا دیوارندن زردبان ایله آشه رق و یا خود قپوسنی قیره رق و یا بر آلت ایله کلیدینی آچه رق و یا دولت مأموری زی و قیافته کیره رک و یا خود ضابطان طرفندن ساخته امر کوستره رک کیرمکدر . بشنجیسی معامله شدت و تشهیر سلاح ایله اخافه ایلمکدر .

نوط — اذانی ساعت بردن صکره سنک کیجه اعتبار اولنمی حقنده ۲۰ مایس ۲۸۹ تاریخی تذکره سامیه واردر .

**۲۱۸ ماده** — ماده سابقه ده بیان اولنان بش حالک برنجیسی و ایکنجیسی ایله برابر معامله جبر و شدت اجرا سیله خرسزلق ایدنلر [ موقتاً کورکه ] قونیلورلر و اگر بویله خرسزلق اجرا سند و قوعبولان معامله شدیده دن اثر جرح ظهور ایتمش



ایسه بو حالدہ بویله خرسزلغه متجاسر اولنلر [ مؤبدآ ویا خود  
اون بش سنه دن اقل اولماق اوزره موقتاً کورکه ] وضع  
اولورلر .

۲۱۹ ماده — کیجه بر قاج کیشی طریق عامده خرسزلق  
ایتدکلری حالده [ مؤبدآ ویا خود برسنه دن اقل اولماق اوزره  
موقتاً کورکه ] قونیلورلر .

۲۲۰ نجی ماده قائمه — هر نه قدر انسان اقامت ایدر محل  
اولسه ویا خود مسکون محله متعلق بولمسه بیله قپالی و دیوار ایله  
محدود اولان محللرک دیوارینی دله رک ویا نردبان ایله آشهرق ویا  
آلت مخصوصه ایله ویا صور سائر ایله پنجره ویا قپوسنی قیراق  
ویا آچهرق خرسزلق ایدنلر [ موقتاً کورکه ] قونیلورلر .  
هر نه قدر دیوار دله رک ویا نردبان قوره رق ویا آلت مخصوصه  
ایله کلید آچهرق کیرلش اولسه بیله بر خانه ویا مشتملاتنده کی  
اوطه قپولرینی ویا قاصه و مقفل صندیق و طولابلری قیرمق ویا  
آلت مخصوصه ایله آچق صورتیه سرقت ایقاع ایدنلر دخی  
[ موقتاً کورکه ] قونیلور .

نوط — ابواب و محال مقفله و آلت مخصوصه : تختہ پرده قیلقلو  
اولهرق آغاج ویا خود تیمور زه نبرک ویا ماندال ایله قپالو ویا خود ایپ کی  
شیلر ایله باغلو ویا خفیفجه اکسر ایله ایلشدرلش حکمنده میخلو اولان  
یوفقه وچوروک قپولر ابواب مقفله دن معدود اوله میوب بوندن ماعدا بر  
قاعده کلیدی قپولر ماشه و اکسر و تیمور چپوی ایله آچیلور ایسه بونلر

آات مخصوصه دن معدود اوله جفته دائر د ربیع الاخر ۹۲ تاریخلی بر تذکره سامیه واردر .

۲۲۱ ماده — خرسزلق معامله شدیده اجراسیله وقوع بولوب فقط بویله معامله شدتن اثر جرح ظهور ایتماش و بشقه بر حال منضم اولماش ایسه و یاخود معامله شدت وقوع بولوب فقط اولا کیجه اولدینی و ثانیاً ایکی و دهها زیاده اشخاص طرفلرندن جمله سی و یاخود ایچلرندن بریسی مساح بولندینی حالد و وقوع بولمش ایسه متجاسر اولنلر کذک [ موقتاً کورکه ] قونیلورلر .

۲۲۲ نجی ماده قائمه — زیرده تعداد اولنان ا حولدن بریله ارتکاب سرقت ایدن شخص [ برسنه دن اوچ سنه یه قدر حبس ] اولنور . احوال مذکور دنک برنجیسی : کیجه وقتی اولاق وایکی و یاخود دهها زیاده اشخاص برالکده و یا بوا یکی کیفیتک یالکیز بریسی اولوب فقط آدم اوتوریر بر محله و یا معابدده اولمقدر . ایکنجیسی ماده سرقت کوندوز و یاخود شخص واحد طرفندن وقوع بولسه و محل سرقت آدم اوتوریر محل اولمه سه بیه سارق اولان شخصک خفی و یا جلی مساح بولمسیدر . اوچنجیسی بر شخص موظف خدمتکار اولوبده خدمت ایتدیکی افندینک و یاخود افندیسنک خانه سنه کلش اولان کیسه نك و یاخود افندیسیله بالرفاقه کیتمش اولدینی خانه صاحبنک مالنی سرقت ایله مک و یاخود خرسزلق ایدن کیسه عمله و یا اصناف

شاگردی اولوب اوسطه سنك خانه ودكان ومغازدسنده وياخود  
بر شـخص مستمراً چالشـديني بر محله خرسزاق ايلكدر .  
دردنجيسي خانجی ولوقنطه جی وآرابه جی وقایقجی وامثالی اصناف  
وياخود بونلرك آدملى كنديلرينه توديع اولنان اشياك هپسنى  
ويا برمقدارینی سرقت ايتكدر .

۲۲۳ ماده — عربجه وكراجی وقایقجی نقل ايتدكلری  
مأ كولات ومشروباتدن برمقدار چالهرق يرينه وجوده مضرتی  
اولان برشی قورلرایسه بویله خرسزاقه جسارت ايدنلر كذلك  
[ اوچ سنه مدتله حبسه ] قونیلورلر واکر بومقوله مأ كولات  
ومشروباته قانقلری شی وجودجه مضرتلی برشی دكل ایسه  
[ برماهدن برسنه قدر حبس ایله مجازات اولنوب یارم مجیدیه  
آتووندن بش مجیدیه آلتوننه قدر جزای نقدی ] دخی آنور .  
۲۲۴ نجی ماده قائمه — هرکیم آت وسائر یوک وآرابه  
وینك حیوانی وكذلك طوار اطلاق اولنان بیوک و کوچوک  
حیواناتی سرقت ایلرایسه [ برسنه دن اوچ سنه قدر حبس ]  
اولنور .

هرکیم زراعته متعلق آلات و ادواتی، بیع وفرخت اولنق  
اوزره کسیلوب تیئه اولنمش اولان حطب وکراسته یی وطاش  
اوجاقلرنده قیرلمش طاشلری و طالیانلرده بولنان بالقلری  
وکوللرده اولان سـولكلری وکومس حیواناتی و قوانلرده کی

آریلری سرقت ایلرایسه [ برماهدن برسنهیه قدر حبس ] ایله مجازات اولنور . و مال مسروق موجود اولدیغی حالده عیناً صاحبنه رد قانور و موجود اولدیغی صورتده دخی تضمین ایتدیریلور .

**۲۲۵** نجی ماده قائمه — هرکیم یچلمش و قوپارلمش مزرو-عات و سائر انتفاع اولنان محصولات ارضیه دن یا خود حاصل اولان حبوبات ییغینلرندن سرقت ایلرایسه صاحبک حقی ایفا ایتدیرلدکن صکره [ برماهدن برسنهیه قدر حبسه ] قونیلور . اکر بویله محصولات حقنده اولان خرسزلق کیجه وقتی و برقاچ کشی طرفلرندن آرابه و یا حیوانات واسطه سیله واقع اولور ایسه [ آتی آیدن ایکی سنهیه قدر حبس ] ایله مجازات اولنور .

**۲۲۶** نجی ماده قائمه — مزروعات و سائر انتفاع اولنان محصولات ارضیه هنوز یچلمش و قوپارلمش اولمادیغی حالده کرک کوفه و کرک طوربه و بونک امثالی شیلرله و کرک آرابه و حیوانات واسطه سیله و یا برقاچ کشی معرفتیه سرقت و قوعبولدیغی حالده بوکا متجاسر اولانلر [ برماهدن برسنهیه قدر حبس ] اولنور .

**۲۲۷** ماده — برکیمسه خرسزلق ایتک ایچون تفریق املاک علامتترینک یرلرینی دکشدیررایسه [ اون بش کوندن اوچ ماهه قدر حبس ] ایله مجازات اولنور .

**۲۲۸** ماده — هرکیم برآناختار تقلید ایدر و یا خودکلید

آچه جق برنوع آلت یا پارسه [ اوچ ماهدن برسنه یه قدر حبسه ]  
قونیلور واکر یوکا جسارت ایدن چلنکر اصنافندن اولورایسه  
[ موقتاً کورک جزاسیله ] مجازات اولنور .

۲۲۹ ماده — هر کیم جبر و زور ایله بر آدمک الندن  
دین تحویلی و یا خود مقبوض سندی آلور و یا خود بویله بر تحویله  
مهر باصدیرر و امضا ایتدیرر ایسه [ موقتاً کورکه ] قونیلور .  
۲۳۰ ماده — اشبو فصلده تعیین اولنان سرقت ماده .

لرندن بشقه آخذ و یا ناکسیجیلک کبی سرقتلره متجاسر اولانلر  
[ اوچ ماهدن برسنه یه قدر حبسه ] قونیلور و بومقوله اشخاص  
ضبطیه جه کفالت آلتنه دخی آلنور .

۲۳۰ نجی ماده نك ذیل اول و ثانسی مقامنه قائم اولان  
ماده مذبله — مجازات تأدیبیه نی مستلزم اولان سرقت و طولاً  
ندیر یجیاق و امنیتی سوء استعمال جراثمندن برینی ارتکاب ایدن  
کیمسه کندی حقنده بر کونا تعقیبات عدلیه اجراسنه مبادرت  
قلنمقسزین صورت غیر مشروعه ده الده ایتدیکی مالی صاحبنه  
رد و اعاده ایلر و یا خود رد و اعاده قابل اولمیوبده متضررک  
ضررینی تضمین ایلرسه کوره جکی جزا [ برثاادن ایکی ثلثه قدر  
تنزیل ] اولنور واکر اشبو رد و اعاده و یا تضمین خصوصی  
تعقیبات اثناسنده و فقط قبل الحکم وقوع بولورسه [ جزاسدسدن  
ثلثه قدر تنزیل ] اولنور .

سرقت ، امنیتی سوء استعمال و دولاندری بچق فعللری  
اشیای خسیسه حقنده وقوع بولش ایسه [ جزا ثلشدن نصفه  
قدر تنزیل ] اولنور .

سارقلره رفیق و معاون و یتاق اولانلردن هر قنغیسی تحریاته  
شروعدن مقدم کلوبده اصل سارقلری حکومتیه خبر ویرر  
ویاخود تحریاته شروع اولندقدن صکره دخی ینه کنیدیکنندن  
اوله رق کلوب و سارقلری خبر ویروبده آنلرک اخذ و کرفتی  
اسبانی تسهیل ایدرسه بومقوله لر یالکز سرقت جزاسندن عفو  
اولنورلر . فقط برسنه یی تجاوز ایتماک اوزره ضابطه نظارتی  
آلتنده بولنورلر .

### — « ذیل » —

قانون جزانک ۶ جمادی الاخره سنه ۱۳۲۹ تاریخی ایکی بوز اوتوزنجی  
ماده سی ذیلنه مذیل قانون موقت صورتیدر

ماده ۱ - قانون جزانک ۶ جمادی الاخره سنه ۱۳۲۹ تاریخی  
ایکی بوز اوتوزنجی ماده سی ذیلنه ماده آتیه تذیل اولمشدر :  
« مجازات تأدیبیه یی مستلزم سرقت فعانک متشبثلری حقنده  
اوفعل ایچون قانوناً معین اولان جزا ثلشدن ثلثانه قدر تنزیل  
اولنهرق حکم اولنور . »

ماده ۲ - اشبو قانونک حکمی تقویم وقایع ایله تاریخ نشرندن  
اعتباراً اوتوزکون صکره مرعی الاجرا اوله جقدر .

اشبهو لایحه قانونیه نك مجلس عمومینك اجتماعنده قانونیتی تسکلیف  
اولتی اوزره موقتاً موقع اجرایه وضعی و قوانین دولته علاوه سنی  
اراده ایدرم .

۱۲۱ رجب سنه ۱۳۲۹ و ۲۶۱ حیران سنه ۱۳۲۷

محمد رساد

صدراعظم

عدلیه ناظری

ابراهیم صفی

نجیم الدین

— « ذیل » —

قانون جزانك ۲۳۰ نجی ماده سنك ۱۲ رجب سنه ۱۳۲۹ تاریخلی  
ذیل ثانی موقتته مذیل قانون موقت

ماده منفرده — مال مسروقی بیله رك صاتون آلانلر واخذ  
واعطاسنه بیله رك دلالت ایدنلر [ یکر می دوت ساعتدن بر  
سنه یه قدر حبس ] جزاسیله مجازات اولنور .

اشبهو ماده قانونیه نك حکمی تاریخ نشرندن اعتباراً یکر می  
کون صکره مرعی الاجرا اوله جقدر .

اشبهو لایحه قانونیه نك مجلس عمومینك کشاندنه قانونیتی تسکلیف  
اولتی اوزره موقتاً موقع اجرایه وضعی و قوانین دولته علاوه سنی  
اراده ایدرم .

۲۱ صفر سنه ۱۳۳۰ و ۲۸ کانون ثانی سنه ۱۳۲۷

محمد رشاد

صدراعظم

عدلیه ناظری

سعید

مدوح



## سکزنجی فصل

افلاس و طولاندیر یحیلق ایله . متهم اولانلرک جزای

- ۲۳۱ ماده — تجارت قانوننامه سنده احوالی محرر اولدیغی اوزره حیلله لومفلس اولانلر و قانون تجارت حکمنجه بونلر دشریک تهمت اولدقلری تبیین ایدنلر [موقتاً کورک جزاسیله] مجازات اولنور.
- ۲۳۲ ماده — عادی افلاس ایله متهم اولانلر یعنی تسیب ایله افلاسه حیقا نلر [برآیدن ایکی سنه یه قدر حبس] اولنورلر.
- ۲۳۳ ماده — طولاندیر یحیلق یولنده درلو حیلله و دسائس اعمالیله برآدمک آقچه یا املاک و یا تحویلات و سنداتی و سائر اشیاسنی بر تقریب ایله الندن آلان شخص [اوج آیدن اوج سنه یه قدر حبس] اولنور. و کند و سندن [برمجیدیه آلتونندن الی مجیدیه آلتوننه قدر جزای نقدی] دخی آنور و مأمورین دولندن ایسه بوجز الرذن بشقه مأموریتدن طرد جزاسنه دخی مستحق اولور.
- نوط — برطاقم سحر بازلرک بعض سادده دلان اهالی بی اغفال و اضرار ایتمکده اولدقلری و سحر باز دنییلانلرک فعل و حرکتلری مجرد کندولرینه مراجعت ایدن بعض کساننی نیجه دروغ و افسانه ابداعیله الدادوب پاره قایمق کبی حیلله و دسیسه دن عبارت بولمسنه مبنی بومقوله سحر بازلق ایدن اشخاص حققرنده قانون جزانک ۲۳۳ نجی ماده سی حکمنه کوره معاملله ایدلمی و شوقدرکه محکمه لر رأیلرنده حر و مستقل بولندقلرندن بو مقوله افعال جرمیه حقتده مواد قانونیه دن استنباط ایده جکلری معانی یه کوره اجرای تطبیقه آنده مختار اولدقلرینه دائر ۳ تشرین ثانی ۳۰۰ تاریخی برتحریرات عنیه وار.

## طقوزنجی فصل

امنيك سوء استعمالی

**۲۳۴ ماده** — هر کیم بر صبی ممیزك احتیاجات وضعف و هواسنی سوء استعمال ایله ضررینه اوله رق آچه اقراضنه واشیا اعاره سنه ویا تجارت وسائر کونه اورا قك اعطاسنه دائر تعهد ویا ابرایی متضمن الندن حیلله ایله هر ناصل یا پلمش اولور ایسه اولسون برسند آلور ایسه [ایکی آیدن ایکی سنه یه قدر حبس] اولنور. ووقوعبولان ضرری تضمین ایتدیرلدکن بشقه تضمین اولنان آچه نك ربغندن زیاده وهر حالده بر مجیدیه آلتو. نندن آشاعی اولماق اوزره جزای نقدی آلور واکر بوسندی آلان کیمسه اول صبی ممیزك ولی ویا وصیدی ایسه حبس مدتی [اوج آیدن اوج سنه یه قدر تمديد] اولنور.

**۲۳۵ ماده** — بر شخص کندوسنه امنیه تودیع و تسلیم اولنان مهرلی ویا امضالی بیاض کاغدی سوء استعمال ایله حیلله و سرقت صورتنده او مثللو مهرلی یا امضالی کاغدك اوست طرفه بر تعهدی ویا ابرایی متضمن اولان عبارات ایله طولدیرر ویا صاحب مهر وامضایی ذاتاً اتهام ومالاً اضرار ایده جك برسند تنظیم ایدرایسه [آلتی آیدن اشاعی اولماق اوزره حبس] ایله مجازات اولنور. و بش مجیدیه آلتونندن الی مجیدیه آلتو. ننه قدر جزای نقدی [آلور واکر او مثللو مهرلی ویا امضالی

کاغد کندوسنه امنیه تودیع وتسليم اولنم یوب بر تقریبه  
اله کچوره رک او یله ساخته شیر یازمش ایسه ساخته کار  
حکمنده طوتیه رق ساخته کار جزاسیله تأدیب اولنور.

۲۳۶ ماده — امانت و وکالت طریقیه و یا خود ابراز و اعاده  
ایتمک و یا خود معین اولان بر صورت ایله استعمال ایلمک اوزره  
اجرتلی و اجر تسر بر خدمت صفتیه کندوسنه اعطا وتسليم  
قلنمش اولان اموال و اشیا و نقود و تحویلات و سائر هر درلو  
تعهدات و ابرایی متضمن سندات و سائر بی اصحابی اضراراً  
کتم و یا خود ضایع ایدن شخص [ایکی آیدن ایکی سینه قدر  
حبس] اولنور. و کندوسندن لازم کله جک تضمیناتک ایفاسیله  
بدل تضمینک ربی قدر جزای نقدی دخی آلنور.

و اگر بوجرمی موظف خدمتکار و چراق و یازیجی و عمله  
طابقندن بری کندو آمر و یا استادیخی اضراراً ارتکاب ایلم  
ایسه تضمین ضرر ایتدیرلدکن صکره [برسنه دن آشاغی اولماق  
اوزره حبس] ایدیلور.

۲۳۷ ماده — بردعوانک اثنای جریان و محاکمه سنده بر  
سند و یا کاغدی محکمه یه ابراز وتسليم ایتدکن صکره هر نه  
صورتله اولور ایسه اولسون استراق و اخفا ایدن شخص [بر  
مجیدیه آتونندن اون بش مجیدیه آتونه قدر جزای نقدی]  
اخذیه مجازات اولنور.

## اوتنجی فصل

مزایده‌یه وامور تجارتیه فساد قاریشدیرانلرک مجازاتی

**۲۳۸ ماده** — بین الناس بالمزایده بیع وشرای ویاخود ایجار واستیجار اولنه حق اموال واملاکک مزایده‌سنه قولاً یافعلاً خلل ویرن اشخاص [اون بشکوندن اوج آیه قدر حبس و بر مجیدیه آلتونندن یوز مجیدیه آلتوننه قدر جزای نقدی] اخذ ایله مجازات اولنور .

**۲۳۹ ماده** — هرکیم قصداً خلق بیننه صحتهمقرون اولمیان ویاخود افترا یولنده اولان بعض ماده‌لر نشری وبیاعک ایستدیکی فیئادن زیاده بها عرضی ایله ویاخود امتعه وارزاقدن برشیئک باشلو جه صاحب‌لری اول شیئی صاتمق ویا بر بهادن زیاده‌یه بیع ایتدیرمامک اوزره اتفاق ایله ویاخود سائر حیلله‌لو طرق واسبابی اتخاذا ایله امتعه وایشیانک ویاخود دولت قوائم واسهامنک سربستی بیع وشرانک تعیین ایده جکی بهالرینک تزید و تنقیصنه تصدی ایلر ایسه [برآیدن برسنه‌یه قدر حبس] ایله مجازات اولنور. و [بش مجیدیه آلتونندن یوز مجیدیه آلتوننه قدر جزای نقدی] انور واکر بالاده بیان اولنان فعل وحرکت ات واکمک و اودون وکمر وونلر کبی اهلینک حوایج اصلیه‌سندن اولان ارزاق وایشیا حقنده وقوعه کلورایسه بالاده بیان قلنان مجازات ایکی قات اوله رق اجرا قلنور.

۲۴۰ ماده — هر کیم آلتون وکوشک عیاری ویا حیج جوهر کبی صاتمئش بر یلانجی طاش ویا سائر هر نوع امتعه نك کیفیتي اوزرینه مشتری بی آلدایر ویا خود اکسیک وزن و ذراع استعمال ایلیه رك بیع اولنان اشیانك کمیتی حقمده حیلہ ایلرایسه [اوج آیدن بر سـنـه یه قدر حبس] اولنور . و تضمین ضرر ایتدیرلدکن بشقه [بدل تضمینك ربعی مقدارینی تجاوز ایتماک و هر حالده اوج مجیدیه دن آشاغی اولماق اوزره جزای نقدی] آلتور . و اکسیک وزن و ذراعی دخی کسر و احما قلمنور .

۲۴۱ ماده — مؤلفینك امتیازاتی علمینه اوله رق کتاب باصان و باصدیران و اعمال و اجرایی بر شخصه و یا خود بر شرکته امتیاز اوله رق حصر ایدلمش اولان شیئی یاپان و یا پدیران کیمسه بر نوع ساخته کارلق ایتمش اوله جغندن طبع ایتدیردیگی کتب و سائر و یا خود یا پدیردیگی شیلر ضبطله صاحب امتیازه ویریلور . و [بش مجیدیه آلتونندن یوز مجیدیه آلتوننه قدر جزای نقدی] آلتور . و بوضورتله خارجده طبع و اعمال اولنمش اولسنلری ممالک محروسه یه ادخال ایدنلردن کذلک [بش مجیدیه آلتونندن یوز مجیدیه آلتوننه قدر جزای نقدی] اخذ اولنور بو مقوله مطبوعات و معمولاتی بیله رك صاتانلر [بر مجیدیه آلتونندن یکر می بش مجیدیه آلتوننه قدر جزای نقدی] اخذیله مجازات قیلنور لر .

## اون برنجی فصل قار و پانقو مجازاتی

**۲۴۲ ماده** — قار بازلی کار و صنعت ایدوب بر محل مخصوصه صه خلقی دعوت ایله اوراده قار اوینامق ایچون جاب و قبول ایدن و صرافلق صورتیله اوراده آچه و یرن اشخاص [برآیدن آلی آیه قدر حبسه] قونیلور. و برمجیدیه آتونندن اللی مجیدیه آتونه قدر جزای نقدی آنور و قار محنده بولنان بالمله نقود و اشیا جانب میریدن ضبط اولنور.

نوط — قار اوینانلان محلاری استخبار و تحقیق اینک بعضاً آچه صرفنه متوقف اوله جفندن قار اوینانیلورکن میدانده بولنورق بر مقتضای قانون ضبط ایدیله جک پاردنک نصفی جانب میری به عائد اولقی اوزره دیگر قسمک تحری و دردست ایدن مأموره اعطاسنک اصول اتخاذ قلندیفی ۲۰ تشرین اول ۲۸۹ تاریخلی تذکره سامیه ده مندرجدر.

**۲۴۳ ماده** — پانقو کشاد ایدنلر کذلک [برآیدن آلی آیه قدر حبس ایله برمجیدیه التونندن اللی مجیدیه التونه قدر جزای نقدی] آنور پانقویه قونلش اولان نقود و اشیا جانب میریدن ضبط اولنور.

نوط — ممنوعیت اساسیه قانونیه نك مجرد قار حکمنده چکیلان پانقولره مخصوص بولندیغنه نظراً جماعات ملیه بیننده احتیاجات و منافع عمومیه ایچون ترتیب قلنان پانقولره کماکان مساع کوسترک و اصولی دائره سندره رخصت استحصالی ایدمک و تفرعاته دائره  $\frac{۱}{۳}$  شباط  $\frac{۹۶}{۹۸}$  تاریخلی ایکی قطعه تذکره علیه وارددر.

## اون ايکنجی فصل

### اضاعه مال واضرار ناس

۲۴۴ ماده — هر کیم برينک آلات وادوات زراعتی وحيوانات آغللرينی و بکجی کلبه لرينی قيرار و بوزار ايسه متضرر اولان شخصک حقی ایفا ايتديرلدکدنصکره [برهفته دن آلتی آيه قدر حبس] ايله مجازات اولنور .

۲۴۵ ماده — هر کیم برينک بنک ويا عربه آتی و سائر حيواناتی و كذلك يوك وبنک حيواناتی و هر نوع طوارینی بلا ضرورة قصداً اهلاک ايدرايسه درجات آتیه کوره تادیب اولنور شوبله که اشبو جرم اکر اعدام و ائتلاف اولنان حیواناتک صاحبی اولان کیمسه نك متصرف ويا ملتزم و مستاجر ويا خود اورتا قجی اولدینی املاکک آخور و آغل و سائر مشتملاتنده و اراضیسی اوزرنده وقوعبولمش ايسه متهم اولان شخص [بر آیدن آلتی آيه قدر حبسه] قونیلور و اکر متهم اولان شخصک متصرف ويا ملتزم و مستاجر ويا خود اورتا قجی اولدینی بر محل اوزرنده وقوعبولمش ايسه [اون بشکوندن بر بچق ماهه قدر حبس] ايله مجازات قلنور . و ذکر اولنان حیواناتی تسمیم ايله اهلاک ایدن کیمسه هر حالده [اوج آیدن ایکی سنه يه قدر حبس] ایدیلور . و صور مذکور نك کافه سننده حیوانات صاحبنک



ضرری تضمین ایتدیریلور. و بریکر میلک بیاض مجیدیه دن ایکی مجیدیه آلتوننه قدر جزای نقدی آنور.

**۲۴۶ ماده** — هر کیم برینک متصرف اولدینی املاک و اراضینک علامت تحدیدی اولان خندقلری طولدیرر و یا خود یاش و قوری آغاچ ایله و سائر صورتله یا پلمش اولان حولیلری بوزار ایسه [برهفته دن اوچ ماهه قدر حبس] ایله مجازات اولنور و ضرر و زیان تضمین ایتدیرلدنصکره بدل تضمینک ربعی قدر جزای نقدی آنور.

**۲۴۷ ماده** — صو دکرمانی و صوایله اداره اولنان سائر دستکاه و حوض و صناعی کول اصحابی یا خود مستاجری صولرینک مجراسنی اصول و نظامنک تعیین ایتدیکی صورتدن بشقه درلو یا بهرق یوللری یا خود آخرنک ترلاسنی صویه باصدیرر ایسه و قوعبولان ضرر تضمین ایتدیرلدکن صکره مقدار تضمینک ربعی قدر جزای نقدی آنور.

**۲۴۸ ماده** — هر کیم فرون و اوچاق و سائر آتش ایله ایشانیلان محللرک تطهیر و تعمیرنده قصورایدرك یا خود قیرلرده خانه و سائر ابنیه و اورمان و باغ و بغمچه و صمان و اوت ییغینلری و سائر قابل احراق اولان اشیا جوارنده آتش یا قهرق و یا خود محله آردسند فشنک آتهرق و یا بوکا مماثل برشی یا بهرق یا نغین ظهورینه سبب اولور ایسه [اوچکوندن برهفته یه قدر حبس]

اولنور و [بر مجیدیه التونندن یکرمی بش مجیدیه التوننه قدر جزای نقدی] النور.

۲۴۹ ماده — بر شخص کندونک اولمیان خان و خانه و هر درلوانیه بی و علی العموم طریق و کوپری و چشمه و صو یوللری و سائرہ بی ہر نہ صورتلہ اولور ایسہ اولسون بالاختیار ہدم و خراب ایدرسہ [اوچ آیدن ایکی سنہ یہ قدر حبس] اولنور. و مضرت واقعہ تضمین ایتدیرلد کدن صکرہ ویرہ جکی تضمینک ربع بدلنہ معادل جزای نقدی دخی آلنور. و تلف نفس و جرح و وقوعبولور ایسہ حقندہ تلف نفس و جرح مجازاتی بشقہ جہ اجرا اولنور.

۲۵۰ ماده — طرف دولت علیہ دن انشاسنہ اذن ویرلمش اولان ابنیہ نک وضع و اقامہ سنہ بلاسبب فعلاً ممانعت ایدن شخص [بر آیدن بر سنہ یہ قدر حبس] اولنور و بوممانعتندن طولایی واقع اولان ضرر و زیانی تضمین ایتدیریلور و بدل تضمینک ربعی قدر جزای نقدی آلنور.

۲۵۱ ماده — کرک حکومتہ عائد اولان دفاتر و سندات و سجلات و سائر اوراق رسمیه بی و کرک ارباب تجارت و صرافانہ متعلق بدلیچہ و تحویلات سنداتی و الحاصل اتلافندن طولایی مضرتی منتج اولہ جق ہر درلو اوراقی بالاختیار یاقان و ہر نہ صورتلہ اولور ایسہ اولسون تلف ایدن [بر سنہ دن اوچ سنہ بہ قدر حبس] اولنور و کندیسندن بر مجیدیه التونندن اون بش مجیدیه التوننه قدر جزای نقدی دخی آلنور.

**۲۵۲ ماده** — بر طاقم اشخاص اجتماع ایدهرک علی زور و جبر ایله آخرینک اموال و اشیا سنی و محصولاتنی نهب و غارت و خراب ایدر ایسه [ موقتاً پرانغه جزاسیله ] مجازات اولنور. و ضایعات واقعهلری اصحابنه استرداد و تضمین اولندقدنصکره هر بر لرندن برر مجیدیه آلتونندن الیشر مجیدیه آلتوننه قدر جزای نقدی آلتور. بومثللو یغما و غارتده بولنانلر کندولرینک بوفضاحتدن حصه دار اولملری آخر طرفک تحریکات و ابراماتیله وقوعبولمش ایدوکنی اثبات ایدرلرایسه [ برسنه دن اوچ سنه یه قدر حبس ] جزاسیله محازات اولنورلر.

**۲۵۲ نجی ماده** یه ذیل — آخرک عهدۀ تصرفنده بولنان اموال غیر منقولیه یدنده تصرفنی ناطق برسند خاقانی اولمدینی حالده خودبخود مداخله و تجاوز ایلهرک ضبط ایدن و یا خود اموال مذکورده دن انتفاع مقصدیله حدودینی تحویل و تغییر ایدن شخص [ برآیدن آلتی آیه قدر حبس ] اولنور و هرایکی صورتده دخی اشبو ضبط و تغییر حدود فعللری جبر و شدت استعمالی و یا تهدید ایقاعیله وقوعبولمش ایسه فاعلی [ ایکی آیدن برسنه یه قدر حبس ] اولنور و بو فعللر ایچلرندن ولو بریسی مسلح اولسون متعدد اشخاص طرفندن ایقاع اولنورسه حبس جزاسی [ آلتی آیدن اوچ سنه یه قدر امتداد ] ایدر.

**۲۵۳ نجی ماده** قائمه — هنوز بیچاره مش اولان محصولاتنی

وطیعی بیتمش و دیکلمش اولان آغاچ و یاخود نباتات سائرہ بی قطع و تلف ایدن و یا محضا بونلری تخریب مقصدیلہ حیوانات صالیویرن کیمسه [ بر هفته دن اوچ آیه قدر حبس ] اولنور. اشبو قطع و تلف مغروس باغ چبوقلری و یا تجارت و صنعت و زراعت اعتباریلہ حائز قیمت اشجار و یا میوه دار آغاچلر و فدائلر اوزرندہ واقع اولورسه فاعلی [ بر آیدن ایکی سمنہ یه قدر حبس ] و کندیسندن بر ایرادن اللی لیرایه قدر جزای نقدی اخذ اولنور.

### باب ثالث

امور تحفظیه و تنظیفیه و ضابطه یه مخالف حرکت ایدن اصحاب

قبایحک جزالری بیاننده در

۲۵۴ نجی ماده — خانجی و لو قانطه جیلردن کیجه لری فنار یا قسی کندوسنه جانب ضبطیه دن تنیه اولندیغی حالدہ اہمال ایدن و سهوات مرور و عبور ناسه طوقونه جق شیرلی بلا ضرورہ یوللره وضع و ترک ایلان و بومثللو شیرلر حسب الایجاب زقاق و میدائلره وضع اولندیغی و یاخود ممر ناس اولان محللرده صو یولی و لغم قازیلوبده کیجه لری آچیق قالدیغی حالدہ کلوب کچنلره بر کونه سق طلق اولماق ایچون یقامش اشیا و قازلمش محل اوزرینه بر قندیل و فنار وضع ایتمیان کیمسه لر و طرق نظاماتنه و مشرف

خراب اولان ابنیه بی تعمیر و یا هدم ایتک اوزره طرف حکومتدن صادر اولان تنبیهاته مغیایر حرکت وزقاغه سوپرنتی و سائر تعفنائی موجب شیلر القا ایلیانلر و قیدسزلق ایله بر کیمسه نك اوزرینه سوپرنتی و یاپس لک دوکنلر و سقو طیله یولدن کچنلره ضرر و یرد بیله جک شیلری زقاغه آتالر و کړک نظامات ملکیه یه و کړک اداره بلدییه طرفندن نشر اولنان نظاماته توفیق حرکت ایتیمانلر [ بر بیاض بشلکدن بش بیاض بشلکه قدر جزای نقدی ] اخذ یله مجازات اولنور.

۲۵۵ نجی ماده قائمه — آتش استعمال ایدن اصنافدن دکان و فرون و فابریقه لرینک اوجاق و باجالرینی آراق آراق تطهیر و تعمیر ایتیمانلر [ بر بشلکدن بش بشلکه قدر جزای نقدی ] اخذ یله مجازات و شهر و قری و قصبات ایچنده مضرتی موجب اوله بیله جک یرلرده فشنک آتالر [ یکر می درت ساعتدن اوچ کونه قدر حبس ] و بش بشلکدن اون بشلکه قدر جزای نقدی اخذ یله مجازات اولنور لر. شهر و قری و قصبات داخلنده بلا ضروره سلاح آتالر [ یکر می درت ساعتدن بر ماهه قدر حبس ] و بر عثمانلی آلتونندن اوچ عثمانلی آلتوننه قدر جزای نقدی ایله مجازات اولنور .

۲۵۶ ماده — خانجیلر و لو قانطه جیلر و سائر کراخانه جیلردن متواردینی قید ایتمه ده و اصولی اوزره طوتمه لری لازم کلان

دفتری مأمورینه و قتیله ابرازده اھمال و قصور ایدنلر و مجمع ناس اولان یرلرده آت قوشدیرانلر وزیر محافظه لرندہ بولنان دلیلری و مضر یرتیجی حیواناتی صالیویرنلر و دولت سکھسنی فی معینی اوزره اخذ و قبولدن امتناع ایدنلر و بیوک بر حادثه و قایق و کمی قضاسی و صو طغیانی و حریق و آفات سائرہ و حیدودلق و نہب و غارت و علنی بر جنایت و فریاد عمومی و شکایت و وقوعندہ طلب اولنان خدمت و معاونتہ مقتدر اولدینی حالده استتکاف و مسامحه ایلیانلر [آلتی بشلکدن اون بشلکک قدر جزای نقدی اخذیلہ مجازات اولنورلر .

**۲۵۷ ماده** — تناولی صحت و وجودہ مضر اولان و یا خود دکانلرده قالب چوریہ رک تعفن ایلیان میوه و سائرہ بحر و یا نہرہ و یا خود خارج شہرہ طرح و القا ایتدیرلدکن بشقہ بونلری صاتانلردن کذلک [آلتی بشلکدن اون بشلکک قدر جزای نقدی] آلتور .

**۲۵۸ ماده** — بالاختیار بر آدمک اوزرینہ و یا خود خانہ سنہ و یا ابنیہ سائرہ سنہ و حولیسنہ و بغچہ سنہ طاش و سائر اجسام صلبہ و یا پیسلک آتانلر و حق دخولی اولمیان محلہ کیرنلر و حق مروری اولمیان یردن مرورایدنلردن کذلک [آلتی بشلکدن اون بشلکک قدر جزای نقدی اخذا و لندقدن بشقہ یکرمی درت ساعتدن بش کونہ دک حبس] دخی اولنورلر .

**۲۵۹ ماده** — دیگر لرینک اموال منقوله سنه بالا اختیار ایراث خسار ایدنلر و دلی و یا مضر و یر تیجی حیواناتی صالیویر مکله و یا خود حددن آشوری قوش — دیر مق و یا یوک یوکتتمک و یا خود طاش و سائر اجسام صاییه آتمق و یا بر محلی قازمق ایله بر کیمسه نك حیوان و طوارینك هلاکنه و یا مجروحیتنه سبب اولنلر بعد التضمین [اون بشلکدن اون بش بشلکه قدر جزای نقدی] اخذیله مجازات اولنورلر .

**۲۶۰ ماده** — اهاالینک راحتتی سلب ایده جک صورتده بلاموجب کورولتی و شمهاته ایدنلر و امر حکومت ایله یاپشدیرلمش اولان اعلانات اوراقتی بالالتزام قوپارانلر و یر تانلر کذلک [اون بشلکدن اون بش بشلکه قدر جزای نقدی اخذ و اوچ کوندن بر هفته یه قدر حبس] اولنورلر .

**۲۶۱ ماده** — بر کیمسه نك محرز و یا مزروع اولان و یا خود ایچنده محصولات و مزروعات بولنان اراضیسنه و باغ و بغچه سنه حیوان صالیویرن کیمسه کذلک [اون بشلکدن اون بش بشلکه قدر جزای نقدی اخذیله مجازات اولنور. و ضرر و زیانی تضمین] ایتدیریلور .

**۲۶۲ ماده** — دکان و مغازه سمنده و چارشو و بازارده و بنائرلرده اکسیک درهم و فاسد قنطار و ترازو و ناقص اولچو و کیله صاقلایان و نظاماً معین و مستعمل اولان وزن و اولچودن بشقه وزن و اولچی قوللانان اشخاصدن او مقوله وزن و اولچیلر



اخذ وضبط اولندقدنصکړه [اون بشلکدن اون بش بشلکه  
قدر جزای نقدی] آنور .

۲۶۳ ماده — نظاماً تعیین واعلان اولنان نرخدن زیاده یه  
اشیا ساتانلر کذلک [اون بشلکدن اون بش بشلکه قدر  
جزای نقدی اخذ ویکرمی درت ساعتدن اوچ کونه قدر  
حبس] ابله مجازات اولنور . واکر بووجهله نرخدن زیاده  
ساتدینی اشیا نان ولحم وادودن وکمر کبی ناسک حوایج  
ضروریه سندن ایسه [اوچ کوندن برهفته یه قدر حبس اولنور  
واون بشلکدن یکرمی بشلکه قدر جزای نقدی] آنور .

۲۶۴ ماده — طرق عامه بی ومیدن وسیر یرلری کبی منافع  
عامه ایچون ترک وتخصیص قلنمش اولان یرلری بوزان وظول  
وعرضندن یرچالان کیمسه دن بوزدینی یرک مصارف تعمیریه سی  
اخذ واستیفا والدینی راسترداد اولندقدنصکړه [اوچکوندن  
برهفته یه قدر حبس واون بش بشلکدن یکرمی بشلکه قدر  
جزای نقدی] اخذیله مجازات اولنور .

### §

### ذیل

نظاماً ممنوع اولان محله میت دفن ایدن وایتدیرن ودفنه  
رخصت ویرنلر [برماهدن برسنه یه قدر حبس وبریوزلک  
عثمانلی آلتونندن اون عدد یوزلک عثمانلی آلتوننه قدر جزای  
نقدی] اخذیله مجازات اولنورلر .

۲۶۵ نجی ماده — بر کیمسه ممرناس اولان یرلرده ویا  
 خلقك دخولی مجاز اولان مواقعه پك ظاهر بر صورتده یعنی  
 آثار وعلائمی قابل ستر و اخفا اولیه جق مرتبهده سرخوش  
 اوله رق یا قالا نیرسه بر لیرایه قدر جزای نقدی ایله مجازات اولنور.  
 مکرر لر حقنده اشبو جزا بر هفته یه قدر حبس ویا بش  
 لیرایه قدر جزای نقدیدر. مکرر لك اعتیاد درجه سنه وارمش  
 ایسه جزا بش لیرادن یکر می بش لیرایه قدر جزای نقدی ویا  
 بر هفته دن بر آیه قدر حبسدر. اعتیاد صورتیله محکوم اولان  
 شخص مامورین دولتدن بولندینی حالدده ماموریتندن موقتاً  
 طرد دخی ایدیله بیلیر.

بروجه محرر سر خوشلقده کی اعتیاد ابتلا درجه منده ایسه  
 آتی آیدن نقصان اولماق ومصارفی کندیسنه عائد اولمق شرطیله  
 صلاحی طباً تبین ایدنجه یه قدر بر خسته خانه ده توقیفنه حکم اولنور.  
 هنوز اون سکز یاشنی اکمال ایلدیکی ظاهر حالندن نمایان  
 اولان کنج کیمسه لره وجودینك تداوی وتقویه سنه عائد اولان  
 مسکرات مستثنا اولمق اوزره سرخوش ایده جك بر ایچکی ویا  
 بر ماده پی ولو من غیر قصد اولسون ایچیرن ویا ایچمسنی اکرام  
 صورتیله كذلك ولو من غیر قصد تشویق آیدن کیمسه یکر می  
 بش غروشدن برالتونه وبو فعل اغفال صورتیله وقوعبولورسه  
 اون آلتونه قدر جزای نقدی ایله مجازات اولنور. فاعل عیش

وعشرت محلك صاحب وiams-تخدمی اولدینی صورتده بر  
 آلتوندن یکرمی آلتونه قدر جزای نقدی ویکرمی درت  
 ساعتدن آلتی ماهه قدر حبس ایله مجازات اولنور. برسنه ظرفنده  
 تکرر وقوعنده اولمك مدت مناسبه ایله قیامسنه دخی حکم  
 ویریله بیلور. برعیش وعشرت محلك صاحب وiams-تخدمی  
 یوقاروده بیان اولندینی صورتده سرخوش اولان برمشتیری به  
 ایچکی ویا بر ماده یی ویررسه یکرمی بش غروشدن بش آلتونه قدر  
 وتکرر وقوعنده ایکی آلتوندن اون آلتونه قدر جزای نقدی  
 آلتقله برابر اولمك مدت مناسبه قیامسنه دخی حکم ویریله بیلور.  
 کندیسینی اداره یه مقتدر اوله میه جق حالد بولمان مشتری یی  
 محافظه ایچون تدابیر اتخاذ ایتیموب زقاغه براقور ایسه بالاده  
 مندرج جزادن ماعدا یکرمی درت ساعتدن بر ماهه قدر حبس  
 ایله مجازات اولنور و سرخوش بویوزدن خسته لغه دوچار اولدینی  
 حالد تداویسنه عائد مصارفی دخی تضمینه محکوم ایدیلیر.  
 مجلس اعیان و مبعوثانده قبول اولنان اشبو لایحه نك قانونیتی  
 وقوانین دولته علاوه سنی اراده ایدرم.

۶ جمادی الاخره سنه ۱۳۲۹ و ۲۲ مایس سنه ۱۳۲۷

محمد رشاد

صدر اعظم

ابراهیم حق

عدلیه ناظری

نجم الدین

## — « عفو عمومی قانونی » —

۱۰ تموز سنه ۱۳۲۴ تاریخندن اول ارتکاب ایدلمش اولان  
جرائم عادیه محکومین ومظنونینی حقلرنده قانون

برنجی ماده — ۱۰ تموز سنه ۱۳۲۴ تاریخندن اول  
ارتکاب ایدلمش اولان جنجه افعالنندن طولایی مظنون ویاخود  
غیباً ویاوجاهاً محکوم اولانلر موقوف ویا محبوس اولسون  
اولماسون حقلرنده حکم قانون اجرا اولنیه جقدر .

ایکنجی ماده — ۱۰ تموز سنه ۱۳۲۴ تاریخندن اول  
ایقاع ایدلمش اولان جنایت افعالنندن طولایی مظنون ومتهم  
اولوبده هنوز توقیف ایدلمیان وکذلک مظنون ومتهم وغیباً  
محکوم اولوبده حال فرارده بولنانلر حقنده تعقیبات قانونیه اجرا  
اولنیه جقدر . انجق اشخاص مرقومه ۱۰ تموز سنه ۳۲۴  
تاریخندن اعتباراً الی سنه ظرفنده بر جرم جنائی ایقاع ایتدکلی  
صورته بولنلر دن مظنون ومتهم وغیباً محکوم اولانلر هرایکی  
جرمدن طولایی محاکمه ایدیلهرک جرم ثانینک ثبوتی حالنده  
اجتماع جرائم قاعده سی تطبیق واجرا ایدیله جقدر .

اوچنجی ماده — ۱۰ تموز سنه ۱۳۲۴ تاریخندن اول  
ایقاع ایدیلان جنایت افعالنندن طولایی مظنوناً ویا متهماً موقوف  
بولنانلر حقنده تحقیقات ومحاکمه دوام ایدیله جک وشوقدرکه

جرم‌لرینک ثبوتی حالنده حق‌لرنده بشنجی ماده‌ده محرر صورت  
دائرة سنده بعدالت‌تعدیل جزا ترتیب و حکم اولنه جقدر .

دردنجی ماده — ۱۰ تموز سنه ۱۳۲۴ تاریخندن اول  
ایقاع ایدیلان جنایت افعالنندن طولایی مظنوناً و متهماً موقوف  
ویا محکوماً محبوس اولوب تاریخ مذکورده ویا اخیراً محبسندن  
چیقمش ویاخود چیقارلمش اولانلر حقنده دخی تعقیباتندن  
و حکمک انفاذ و اجرا سندن صرف نظر اولنه جقدر . انجق  
اشخاص مرقومه ۱۰ تموز سنه ۱۳۲۴ تاریخندن اعتباراً الی  
سنه ظرفنده بر جرم جنائی ایقاع ایتملی حالنده بولنلردن محکوم  
اولانلر حقنده بشنجی ماده‌نک حکمی اجرا ایدیله جک و مظنون  
و متهملر حقنده ده جرم نائینک ثبوتی حالنده اجتماع جرائم  
قاعده‌سی تطبیق و اجرا اولنه جقدر .

بشنجی ماده — ۱۰ تموز سنه ۱۳۲۴ تاریخندن اول ایقاع  
ایدیلان جنایت افعالنندن طولایی محکوم اولوبده محبسندن  
چیقمامش و چیقارلامش ویاخود چیقمش ویا چیقارلمش اولدیغی  
حالده مؤخرراً در دست ایدلمش بولنانلردن اعدام و مؤبد کورک  
جزا ریله محکوم اولانلرک جزا لری اولجه محبوساً کچیردکلری  
مدت محسوب اولنق اوزره اون بش سنه کورک جزا سنه  
و مؤبد قاعه بندهک و نفی ابد جزا ریله محکوم بولنانلرک کذلک  
اولجه محبوس و منفی بولندکلری مدت حساب ایدلمک اوزره

اون بش سنه قلعہ بندك ویا اون بش سنه نفی جزاسنه تحویل  
وماعداسنك مدت محبوسیتلری محسوب اولنق شرطیله مجازات  
محکومه لرینك نصفی تنزیل اولنه جقدر .

التنجی ماده — مواد سابقه احکامی حقوق شخصیه  
خلل ویرمیه جقدر .

ماده منضمه — انقلاب اخیرى متعاقب ۱۰ تموز سنه  
۱۳۲۴ تاریخندن ۳۱ مارت سنه ۱۳۲۵ تاریخنه قدر تایید  
مشروطیت امرنده وقوع بولش اولان جرائم اربابی تعقیبات  
جزائیة دن مصوندر .

۵ شعبان سنه ۱۳۲۷ و ۸ اغستوس سنه ۱۳۲۵

اشبو جزا قانوننامه همایونی ۲۸ ذی الحجه ۱۲۷۴ تاریخنده  
نشر و اعلان اولنوب بوکره ۶ جمادی الاخره ۱۳۲۹ و ۲۲  
مایس ۱۳۲۷ تاریخنده دخی تعدیل ایدلمشدر .

—...—

ختم













